

庾信本傳

唐令狐德棻等撰

庾信字子山南陽新野人也祖易齊徵士父肩吾梁散騎常侍中書令信幼而俊邁聰敏絕倫博覽羣書尤善春秋左氏傳身長八尺腰帶十圍容止頽然有過人者起家湘東國常侍轉安南府參軍時肩吾爲梁太子中庶子掌管記東海徐摛爲左衛率摛子陵及信並爲抄撰學士父子在東宮出入禁闈恩禮莫與比隆既有盛才文竝綺豔故世號爲徐庾體焉當時後進競相模範每有一文京都莫不傳誦累遷尚

書度支郎中通直正員郎出爲郢州別駕尋兼通直散騎常侍聘于東魏文章辭令盛爲鄴下所稱還爲東宮學士領建康令侯景作亂梁簡文帝命信率宮中文武千餘人營於朱雀航及景至信以衆先退臺城陷後信奔于江陵梁元帝承制除御史中丞及卽位轉右衛將軍封武康縣侯加散騎常侍來聘于我屬大軍南討遂留長安江陵平拜使持節撫軍將軍右金紫光祿大夫大都督尋進車騎大將軍儀同三司孝閔帝踐祚封臨清縣子邑五百戶除司水下大夫出爲弘農郡守遷驃騎大將軍開府儀同三司司憲中大夫進爵義城縣侯俄拜洛州刺史信多識舊章爲政簡靜吏民安之時陳氏與朝廷通好南北流寓之士各許還其舊國陳氏乃請王褒及信等十數人高祖唯放王克殷不害等信及褒並留而不遣尋徵爲司宗中大夫世宗高祖並雅好文學信特蒙恩禮至於趙滕諸王周旋款至有若布衣之交羣公碑誌多相請託唯王褒頗與信相埒自餘文人莫有逮者信雖位望通顯常有鄉關之思乃作哀江南賦以

致其意云大象初以疾去職卒隋文帝深悼之贈本  
官加荆淮二州刺史子立嗣

史臣曰兩儀定位日月揚暉天文彰矣八卦以陳書  
契有作人文詳矣若乃墳索所紀莫得而云典謩以  
降遺風可述是以曲阜多才多藝鑒二代以正其本  
闕里性與天道修六經以維其末故能範圍天地綱  
紀人倫窮神知化稱首於千古經邦緯俗藏用於百  
代至矣哉斯固聖人之述作也逮乎兩周道喪七十  
義乖淹中稷下八儒三墨辯博之論蜂起漆園黍谷

名法兵農宏放之詞霧集雖雅誥與義或未盡善考  
其所長蓋賢達之源流也其後逐臣屈平作離騷以  
敘志宏才豔發有惻隱之美宋玉南國詞人追逸轡  
而亞其迹大儒荀況賦禮智以陳其情含章鬱起有  
諷論之義賈生洛陽才子繼清景而奮其暉竝陶鑄  
性靈組織風雅詞賦之作實爲其冠自是著述滋繁  
體制匪一孝武之後雅尚斯文楊葩振藻者如林而  
二馬王楊爲之傑東京之朝茲道愈扇咀徵含商者  
成市而班傅張蔡爲之雄當塗受命尤好蟲篆金行

勃興無替前烈曹王陳阮負宏衍之思挺棟幹於鄧  
林潘陸張左擅侈麗之才飾羽儀於鳳穴斯竝高視  
當世連衡孔門雖時運推移質文屢變譬猶六代竝  
奏易俗之用無爽九流競逐一致之理同歸歷選前  
英於茲爲盛旣而中州板蕩戎狄交侵僭僞相屬士  
民塗炭故文章黜焉其潛思於戰爭之間揮翰於鋒  
鏑之下亦往往而間出矣若乃魯徽杜廣徐光尹弼  
之疇知名於二趙宋諺封奕朱彤梁謹之屬見重於  
燕秦然皆迫於倉卒牽於戰爭竟奏符檄則竒

觀體物緣情則寂寥於世非其才有優劣時運然也  
至朔漠之地葢爾夷俗胡義周之頌國都足稱宏麗  
區區河右而學者將於中原劉延明之銘酒泉可謂  
典子曰十室之邑必有忠信豈徒言哉洎乎有魏  
定鼎沙朔南包河淮西吞關隴當時之士有許謙崔  
宏崔浩高允高閭游雅等先後之間聲實俱茂詞義  
典正有永嘉之遺烈焉及太和之辰雖復崇尚文雅  
方驂竝路多乖往轍涉海登山罕值良寶其後袁翻  
才稱澹雅常景思標沉鬱彬彬焉蓋一時之俊秀也

周氏創業運屬陵夷纂遺變於既喪聘奇士如弗及  
是以蘇亮蘇綽盧柔唐瑾元偉李昶之徒咸奮鱗翼  
自致青紫然綽建言務存質朴遂糠粃魏晉憲章虞  
夏雖屬詞有師古之美矯枉非適時之用故莫能常  
行焉既而革車電邁渚宮雲散爾其荆衡杞梓東南  
竹箭備器用於廟堂者衆矣唯王褒庾信奇才秀出  
牢籠於一代是時世宗雅詞雲委滕趙二王雕章間  
發咸築宮虛館有如布衣之交由是朝廷之人閭閻  
之士莫不忘味於遺韻眩精於末光猶丘陵之仰嵩

岱川流之宗溟渤也然則子山之文發源於宋末盛  
行於梁季其體以滢放爲本其詞以輕險爲宗故能  
誇目侈於紅紫蕩心逾於鄭衛昔楊子雲有言詩人  
之賦麗以則詞人之賦麗以滢若以庾氏方之斯又  
詞賦之罪人也原夫文章之作本乎情性覃思則變  
化無方形言則條流遂廣雖詩賦與奏議異軫銘誄  
與書論殊塗而撮其指要舉其大抵莫若以氣爲主  
以文傳意考其殿最定其區域撫六經百氏之英華  
採屈宋卿雲之祕奧其調也尚遠其旨也在深其理

也貴當其辭也欲巧然後瑩金璧播芝蘭文質因其  
宜繁約適其變權衡輕重斟酌古今和而能壯麗而  
能典煥乎若五色之成章紛乎猶八音之繁會夫然  
則魏文所謂通才足以備體矣士衡所謂難能足以  
逮意矣

庾子山集目錄

卷一

賦

三月三日華林園馬射賦

小園賦

竹杖賦

邛竹杖賦

哀江南賦

傷心賦

枯樹賦

春賦

七夕賦

象戲賦

燈賦

對燭賦

鏡賦

鴛鴦賦

蕩子賦

卷二

樂府

對酒歌

昭君辭應詔

王昭君

出自薊北門行

結客少年場行

道士步虛詞十首

俠客行

從軍行

烏夜啼

怨歌行

舞媚娘

烏夜啼

燕歌行

楊柳歌

卷三

詩

奉和泛江

奉和山池

陪駕幸終南山和宇文內史

和宇文內史春日遊山

遊山

和宇文京兆遊田

奉報寄洛州

奉報窮秋寄隱士

上益州上柱國趙王二首



謹贈司寇淮南公

正旦上司憲府

任洛州酬薛文學見贈別

將命至鄴酬祖正員

將命至鄴

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

伏聞遊獵

見征客始還遇獵

奉和闡弘二教應詔

至老子廟應詔

奉和趙王遊仙

奉和同叅寺浮圖

奉和法筵應詔

和從駕登雲居寺塔

和何儀同講竟述懷

奉和趙王隱士

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搗衣

預麟趾殿校書

和宇文內史入重陽閣

忝在司水看治渭橋

北園新齊成應趙王教

同會河陽公新造山池聊得寓目

登州中新閣

歲晚出衡門

北園射堂新成

卷四

詩

園庭

歸田

寒園卽目

幽居值春

臥疾窮愁

山齋

望野

蒙賜酒

奉報趙王惠酒

有喜致醉

喜晴應詔 勅自疏韻

同顏大夫初晴

奉和趙王喜雨

和李司錄喜雨

郊行值雪

奉和趙王西京路春日

奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒褒

仰和何僕射還宅懷故

送吳法師葬

卷五

詩

和人日晚景宴昆明池

對宴齊使

聘齊秋晚館中飲酒

奉和濬池初成清晨臨泛

和吳法師遊昆明池二首

見遊春人

別周尚書弘正

別張洗馬樞

別庾七入蜀

將命使北始渡瓜步江

反命河朔始入一州

冬狩行四韻連句應詔

和王內史從駕狩

入道士館

奉和永豐殿下言志十首

率爾成詠

慨然成詠

奉和賜曹美人

和趙王看伎

奉荅賜酒

奉荅賜酒鶯

正旦蒙趙王賚酒

衛王贈桑落酒奉荅

就蒲州使君乞酒

蒲州刺史中山公許乞酒一車未送

答王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

和潁川公秋夜

詠畫屏風詩二十四首

贈周處士

尋周處士弘讓

鏡

梅花

詠樹

鬪雞

應令

杏花

卷六

詩

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一相見

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看妓

看舞

聽歌一絕

暮秋野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷



弄琴二首

詠羽扇

題結綫袋子

賦得鸞臺

賦得集池雁

詠雁

忽見檳榔

賦得荷

移樹

奉梨

傷往二首

春日離合二首

和迴文

聞疾封中錄

示封中錄二首

秋夜望單飛雁

代人傷往二首

卷七

郊廟歌辭

周祀圓丘歌十二首

昭夏

皇夏

昭夏

昭夏

皇夏

雲門舞

雲門舞

登歌

皇夏

雍夏

皇夏

皇夏

周祀方澤歌四首

昭夏

昭夏

登歌

皇夏

周祀五帝歌十二首

皇夏

皇夏

青帝雲門舞

配帝舞

赤帝雲門舞

配帝舞

黃帝雲門舞

配帝舞

白帝雲門舞

配帝舞

黑帝雲門舞

配帝舞

周宗廟歌十二首

皇夏

昭夏

皇夏

皇夏

皇夏

皇夏

皇夏

皇夏

皇夏

皇夏

皇夏

皇夏

周大裕歌二首

昭夏

登歌

燕射歌辭

周五聲調曲二十四首

宮調曲五首

變宮調二首

商調曲四首

角調曲二首

徵調曲六首

羽調曲五首

卷八

表

賀平鄴都表

賀新樂表

爲閻大將軍乞致仕表

代人乞致仕表

齊王進白兔表

齊王進蒼烏表

齊王進赤雀表

爲晉陽公進玉律秤天斗升表

進象經表

賀傳位於皇太子表

爲杞公讓宗師驃騎表

功臣不死王事請門襲封表

卷九

啓

謝滕王集序啓

答趙王啓

謝趙王示新詩啓

謝趙王賚絲布等啓

謝趙王賚絲布啓

謝趙王賚絲布啓

謝趙王賚白羅袍袴啓

謝趙王賚巾啓

謝明皇帝賜絲布等啓

謝趙王賚犀帶等啓

謝趙王賚米啓

謝趙王賚乾魚啓

謝滕王賚馬啓

謝滕王賚猪啓

謝趙王賚馬并繖啓

謝趙王賚雉啓

卷十

連珠

擬連珠三十六首

卷十一

書

爲上黃侯世子與婦書

序

趙國公集序

傳

周使持節大將軍廣化郡開國公丘乃敦崇

傳

教

答移市教

文

移齊河陽執事文

移齊河陽執事文

移虜留使文

卷十二

讚

黃帝見廣成子讚

堯登壇受圖讚

舜舞干戚讚

禹渡江讚

湯解祝網讚

文王見呂尚讚

武丁迎傳說讚

成王刻桐葉封虞讚

漢高祖置酒沛宮讚

漢武帝聚書讚

袁盎諫文帝讚

朱雲折檻讚

周公戒伯禽讚

五月披裘負薪讚

王祥扣冰魚躍讚

孫叔敖逢蛇讚

高鳳好書不知流麥讚

張良遇黃石公讚

師尚父授丹書讚



榮啓期三樂讚

夫子見程生讚

鈕麁見趙盾讚

蔡澤就唐生相讚

李陵蘇武別讚

樊噲見項王讚

秦穆王飲盜駿馬讚

延陵季子遇徐君讚

鶴讚

銘

秦州天水郡麥積崖佛龕銘

并序

終南山義谷銘

玉帳山銘

吹臺山銘

望美人山銘

至仁山銘

明月山銘

行雨山銘

刀銘三首

思舊銘

卷十三

碑

陝州弘農郡五張寺經藏碑

周上柱國齊王憲神道碑

周太子少保步陸碑

周大將軍崔說神道碑

周大將軍司馬裔碑

周柱國大將軍拓拔險神道碑

溫湯碑

卷十四

碑

周柱國大將軍紇于弘神道碑

周柱國大將軍大都督同州刺史余綿永神

道碑

周車騎大將軍賀婁公神道碑

周上柱國宿國公河州都督普屯威神道碑

銘

周柱國楚國公岐州刺史慕容公神道碑

周交州刺史廣饒公宇文公神道碑

周隴右總管長史贈太子少保豆盧公神道  
碑

卷十五

誌銘

周大將軍襄成公鄭偉墓誌銘

周驃騎大將軍開府侯莫陳道生墓誌銘

周車騎大將軍贈小司空宇文顯墓誌銘

周大將軍琅琊莊公司馬裔墓誌銘

周大將軍懷德公吳明徹墓誌銘

周大將軍上開府廣饒公鄭常墓誌銘

周大將軍聞嘉公柳遐墓誌

故周大將軍義興公蕭公墓銘

故周大將軍趙公墓銘

卷十六

誌銘

周譙國公夫人步陸孤氏墓誌銘

周趙國公夫人紇豆陵氏墓誌銘

周安昌公夫人鄭氏墓誌銘

周大將軍隴東郡公侯莫陳君夫人竇氏墓

誌銘

周冠軍公夫人烏石蘭氏墓誌銘

周太傅鄭國公夫人鄭氏墓誌銘

後魏驃騎將軍荊州刺史賀拔夫人元氏墓

誌銘

周大都督陽林伯長孫瑕夫人羅氏墓誌銘


周儀同松滋公拓跋競夫人尉遲氏墓誌銘

周驃騎大將軍開府儀同三司冠軍伯柴烈

李夫人墓誌銘

彭城公夫人爾朱氏墓誌銘

伯母東平郡夫人李氏墓誌銘



國家圖書館, NATIONAL CENTRAL LIBRARY, TAIWAN, R.O.C.

國家圖書館  
目錄  
目錄

庾子山集卷一

北周新野庾信著

明東海屠隆評

賦

三月三日華林園馬射賦

并序

臣聞堯以仲春之月刻玉而遊河。舜以甲子之朝披圖而巡洛。夏后瑤臺之上。或御二龍。周王玄圃之前。猶驂八駿。我大周之創業也。南正司天。北正司地。平九黎之亂。定三危之罪。雲紀御官。鳥司從職。皇王有秉歷之符。玄珪有成功之瑞。豈直天地合德。日月光

華而巳哉。皇帝以上聖之姿，膺下武之運，通乾象之露，啓神明之德。夷典秩宗，見之三禮；夔爲樂正，聞之九成。克已備於禮容，威風總於戎政。加以卑躬菲食，阜帳綈衣，百姓爲心，四海爲念。西郊不雨，卽動皇情；東作未登，彌迴天眷。兵革無會，非有待於丹鳥；宮觀不移，故無勞於白鷺。銀瓮金船，山車澤馬，豈止竹簞兩草共垂，甘露青赤三氣同爲。景星雕題，鑿齒識海水而來；王鳥弋黃皮，驗東風而受吏于時。玄鳥司曆，蒼龍御行。羔獻冰開，桐葉萍生。皇帝幸於華林之園，

玉衡正而太階平，闔闔開而勾陳轉。千乘雷動，萬騎雲屯。落花與芝蓋同飛，楊柳共春旗一色。乃命羣臣陳大射之禮，雖行祓禊之飲，卽用春蒐之儀，止立行宮。裁舒帳殿，階無玉壁。旣異河間之碑，戶不金鋪。殊非許昌之賦，洞庭旣張，承雲乃奏。騶虞九節，狸首七章。正繪五彩之雲，壺寧百福之酒。唐弓九合，冬幹春膠。夏箭三成，青莖赤羽。於是選朱汗之馬，校黃金之埒。紅陽飛鵲，紫燕晨風。唐成公之驢驢，海西侯之千里。莫不飲羽御竿，吟猿落鴈。鐘鼓震地，埃塵漲天。酒

秣鞞青紅  
燦爛注射

以壘行。餽由鼎進。彩則錦市俱移。錢則銅山合徙。太  
史聽鼓而論功。司馬張旃而賞獲。上則雲布雨施。下  
則山藏海納。實天地之至樂。景福之歡欣者也。既若  
木將低。金波欲上。天顧惟穆。賓歌惟醉。雖復暫離北  
闕。聊宴西城。卽同鄠水之朝。更是岐山之會。小臣不  
舉。奉詔爲文。以管窺天。以蠡酌海。盛德形容。豈陳梗  
槩。

歲次昭陽。月在大梁。其日上巳。其時少陽。春史司職。  
青祇效祥。徵萬騎於平樂。開千門於建章。屬車醜酒。

只此八字  
便覺無限  
逶迤筆端  
有縮地神  
法

姿韻嫣然

複道焚香。皇帝翊四圍於帝閑。迴六龍於天苑。對宣  
曲之平林。望甘泉之長坂。華蓋平飛。風鳥細轉。路直  
城遙。林長。騎遠。帷宮宿設。帳殿開筵。傍臨細柳。斜界  
宜年。開鶴列之陣。靡魚鬚之旃。行漏抱刻。前旌載鳶。  
河湄雉草。渭口澆泉。朐雲五色的。暈重圓。陽管既調。  
春絃實撫。摠章協律。成均樹羽。翔鳳爲林。靈芝爲圃。  
草銜長帶。桐垂細乳。鳥嘯歌來。花濃雪聚。玉律調鐘。  
金鐃節鼓。於是咀銜拉鐵。逐日追風。并試長楸之埒。  
俱下蘭池之宮。鳴鞭則汗赭入埒。則塵紅。既觀賢於



幸而能實  
而能收  
其覺緒自  
為射雉之  
爲煩

大射乃頒政於司弓。變三驅而畫鹿。登百尺而懸熊。繁弱振地。鐵驪蹋空。禮正六耦。詩歌九節。七札俱穿。五豕同穴。弓如明月對棚。馬似浮雲向埽。鴈失羣而行斷。猿求林而路絕。控玉勒而搖星。跨金鞍而動月。乃有六郡良家。五陵豪選。新迴馬邑之兵。始罷龍城之戰。將軍戎服來參。武讌尚帶流星。猶乘奔電。始聽鼓而唱籌。卽移竿而標箭。馬噴沾衣。塵驚灑面。石堰水而澆園。花乘風而繞殿。熊耳刻杯。飛雲畫壘。水衡之錢。山積織室之錦。霞開司筵。賞至酒正。杯來至樂。則賢乎秋水。歡笑則勝上春臺。旣而日下澤宮。筵闌相圃。悵徙蹕之畱歡。眷迴鑿之餘舞。欲使石梁銜箭。銅山飲羽。橫弧於楚水之蛟。飛鏃於吳亭之虎。况復恭已無爲。南風在斯。非有心於挺翼。豈畱情於戟枝。唯觀揖讓之禮。蓋取威雄之儀。

小園賦

若夫一枝之上。巢父得安。巢之所。一壺之中。壺公有容身之地。况乎管寧藜牀。雖穿而可坐。嵇康鍛龜。旣煖而堪眠。豈必連闥洞房。南陽樊重之第。綠墀青瑣。

西漢王根之宅。余有數畝弊廬。寂寞人外。聊以擬伏  
。輿。聊以避風霜。雖復晏嬰近市。不求朝夕之利。潘岳  
。面城。且適閑居之樂。况乃黃鶴戒露。非有意於輪軒。  
。爰居避風。本無情於鐘鼓。陸機則兄弟同居。韓康則  
。舅甥不別。蝸角蚊睫。又足相容者也。爾乃窟室徘徊。  
。聊同鑿坏。桐間露落。柳下風來。琴號珠柱。書名玉杯。  
。有棠梨而無館足。酸棗而非臺。猶得欵側。入九丈縱。  
。橫數十步。榆柳三兩行。黎桃百餘樹。撥蒙密兮見窓。  
。行。欵斜兮得路。蟬有翳兮不驚。雉無羅兮何懼。草樹

絲家小賦  
亦從子山  
脫胎

混淆。枝格相交。山爲簣覆。地有堂坳。藏狸竝窟。乳鵲  
。重巢。連珠細茵。長柄寒匏。可以療饑。可以棲遲。敝  
。屨。兮狹室穿漏。兮茅茨簷直。倚而妨帽。戶平行而礙  
。肩。坐帳無鶴支。牀有龜鳥多。閑暇花隨四時。心則歷  
。陵。枯木髮則睢陽亂絲。非夏日而可畏。異秋天而可  
。悲。一寸二寸之魚。三竿兩竿之竹。雲氣蔭於叢著。金  
。精。養於秋菊。棗酸梨酢。桃桴李萸。落葉半床。狂花滿  
。屋。名爲野人之家。是謂愚公之谷。試偃息於茂林。迺  
。久。羨於抽簪。雖有門而長閉。實無水而恒沉。三春負鋤

庚子山集卷一  
五  
相識。五月披裘見尋。問葛洪之藥性。訪京房之上林。草無忘憂之意。花無長樂之心。鳥何事而逐酒。魚何情而聽琴。加以寒暑異令。乖違德性。崔駟以不樂損年。吳質以長愁養病。鎮宅神以薶石。厭山精而照鏡。屢動莊鳥之吟。幾行魏顥之命。薄晚閑閨。老幼相攜。蓬頭王霸之子。椎髻梁鴻之妻。焦麥兩甕。寒菜一畦。風騷騷而樹急。天慘慘而雲低。聚空倉而雀噪。驚懶婦而蟬嘶。昔草濫於吹噓。籍文言之慶餘。門有通德。家承賜書。或陪玄武之觀。時參鳳皇之墟。觀受釐於宣室。賦垂楊於直廬。遂乃山崩川竭。冰碎瓦裂。大盜潛移。長離永滅。摧直轡於三危。碎平途於九折。荆軻有寒冰之悲。蘇武有秋風之別。關山則風月悽愴。隴水則肝腸斷絕。龜言此地之寒。鶴訝今年之雪。百靈兮倏忽。精華兮已晚。不雪鴈門之跡。先念鴻陸之遠。非淮海兮可變。非金丹兮能轉。不暴骨於龍門。終低頭於馬坂。諒天造兮昧昧。嗟生民兮渾渾。

竹杖賦

桓宣武平荊州。外白有稱楚丘先生。來詣門下。桓公

曰名父之子。流離江漢。孤之責矣。及令引進。乃曰。噫。子老矣。鶴髮鷄皮。蓬頭歷齒。迺是江漢英靈。衡荆杞。梓雖有聞於十室。幸無求於千里。寡人有銅環靈壽。銀角桃枝。開木瓜而未落。養蓮花而不萎。迎仙客於錦市。送遊龍於葛陂。先生將以養老。將以扶危。先生笑而言曰。中國明於禮義。闇於知人心之憂矣。惟我生民。雖復疎條勁柘。促節貞筠。杖端刻鳥角。首圖麟。豈能相予此疾。將予此身。若乃世變市朝。年移陵谷。猿吟鷹厲。風霜慘黷。楚漢爭衡。袁曹競逐。獸食無草。

禽巢無木。于時無懼而慄。不寒而戰。胡馬哀吟。羗笳悽轉。親友離絕。妻孥流轉。玉關寄書。章臺留釧。寒關悽愴。羈旅悲涼。疏毛抵於矰繳。脆骨被於風霜。髮種種而愈短。眉鬢鬢而競長。是以憂幹扶疎。悲條鬱結。宿昔傲醜。俄然耆耄。變田鳳於承宮。改陽文於醜茂。潘岳秋興。嵇生倦遊。桓譚不樂。吳質長愁。竝皆年華未暮。容貌先秋。予此衰矣。雖然有以。非鬼非蜮。乃心憂矣。未見從心。先求順耳。伯玉何嗟。丘明惟恥。拉虎押熊。余猶稚童。觀形察貌。子實悲翁。別有九棘。龐眉。

三槐暮齒孔光謝病袁逢致仕吳濞不朝楊彪喪子  
明公此贈或非乖理先生乃歌曰秋藜促節白藿同  
心終堪荷蓀自足驅禽一傳大夏空成鄧林

叩竹杖賦

沉冥子遊巴山之岑取竹於北陰嫵媚高節寂歷無  
心霜風色若露染班深每與龍鍾之族幽翳沉沉文  
不自殊質而見賞蘊諸鳴鳳之律制以成龍之杖拔  
條勁直磷斌色滋和輪人之不重待羽容以相貽青  
春欲暮白雲來遲謀於長者操以從之執末而獻無  
因自持諸蔗雖甘不可以倚彼藜雖實不可以美未  
若處不材之間當有用之始魯分以爵漢錫以年昔  
尚爾齒今優我賢書橫機玉塵筵則函之以後拂  
之以前爾其摘芳林沼行樂軒除間尊卑之垂悅隨  
上下之遊夫寄根江南森森幽潭傳節大夏悠悠廣  
野豈比夫接君堂上之履爲君座右之銘而得與綺  
紳瑤珮出芳房於蕙庭

哀江南賦 并序

粵以戊辰之年建亥之月大盜移國金陵瓦解余乃

竄身荒谷。公私塗炭。華陽奔命。有去無歸。中興道銷。窮于甲戌。三日哭于都亭。三年囚於別館。天道周星。物極不反。傅燮之但悲身世。無處求生。袁安之每念王室。自然流涕。昔桓君山之志士。杜元凱之平生。竝有著書。咸能自序。潘岳之文彩。始述家風。陸機之詞賦。先陳世德。信年始二毛。卽逢喪亂。貌是流離。至於暮齒。燕歌遠別。悲不自勝。楚老相逢。泣將何及。畏南山之雨。忽踐秦庭。讓東海之濱。遂食周粟。下亭漂泊。高橋羈旅。楚歌非取樂之方。魯酒無忘憂之用。追爲

華屋山  
之句涕淚  
千古讀此  
猶覺未工

蔚宗高才  
絕學詆毀  
往古常自  
譽其著書

此賦聊以記言。不無危苦之詞。唯以悲哀爲主。日暮塗遠。人間何世。將軍一去。大樹飄零。壯士不還。寒風蕭瑟。荆壁睨柱。受連城而見欺。載書橫階。捧珠盤而不定。鍾儀君子。入就南冠之囚。季孫行人。留守西河之館。中包胥之頓地。碎之以首。蔡威公之淚盡。加之以血。釣臺移柳。非玉關之可望。華亭鶴唳。非河橋之可聞。孫策以天下爲三分。衆纔一旅。項籍用江東之子弟。人唯八千。遂乃分裂山河。宰割天下。豈有百萬義師。一朝卷甲。芟夷斬伐。如草木焉。江淮無涯岸之

不減過秦  
論子山此  
序亦以過  
秦爲祖禱

微源於  
征諸作

彼歷境而  
追感茲撫  
事而動愁  
句頗涉序  
時爲之也  
然江南事  
實非弘麗  
之材不可  
組織此賦  
驅舊典以  
入新符隱  
時蹤於覽  
十端故應  
獨步一時

阻。亭壁無藩籬之固。頭會箕歛者。合從締交。鋤耨棘  
矜者。因利乘便。將非江表王氣。終於三百年乎。是知  
併吞六合。不免軹道之災。混一車書。無救平陽之禍。  
嗚呼。山嶽崩頽。既履危亡之運。春秋迭代。必有去故  
之悲。天意人事。可以悽愴傷心者矣。况復舟楫路窮。  
星漢非乘槎可上。風飈道阻。蓬萊無可到之期。窮者  
欲達其言。勞者須歌其事。陸士衡聞而撫掌。是所甘  
心。張平子見而陋之。固其宜矣。  
我之掌庾承周。以世功而爲族。經邦佐漢。用論道而

當官。稟嵩華之玉石。潤河洛之波瀾。居負洛而重世。  
邑臨河而晏安。逮永嘉之艱虞。始中原之乏主。民枕  
倚於墻壁。路交橫於豺虎。值五馬之南奔。逢三星之  
東聚。彼凌江而建國。始播遷於吾祖。分南陽而賜田。  
裂東嶽而胙土。誅茅宋玉之宅。穿徑臨江之府。水木  
交運。山川崩竭。家有直道。人多全節。訓子見於純深。  
事君彰於義烈。新野有生祠之廟。河南有胡書之碣。  
况乃少微真人。天山逸民。階庭空谷。門巷蒲輪。移談  
講樹。就簡書筠。降生世德。載誕貞臣。文詞高于甲觀。

語不下沈  
太尉曹竟

陵

模楷盛於漳濱。嗟有道而無鳳。歎非時而有麟。旣奸  
回之曩匿。終不悅於仁人。王子濱洛之歲。蘭成射策  
之年。始含香於建禮。仍矯翼於崇賢。遊游雷之講肆。  
齒明離之胄筵。旣傾蠡而酌海。遂測管而窺天。方塘  
水白。釣渚池圓。侍戎韜於武帳。聽雅曲於文絃。乃解  
懸而通籍。遂崇文而會武。居笠轂而掌兵。出蘭池而  
典午。論兵於江漢之君。拭玉於西河之主。于時朝野  
歡娛。池臺鐘鼓。里爲冠蓋。門成鄒魯。連茂苑於海陵。  
跨橫塘於江浦。東門則鞭石成橋。南極則鑄銅爲柱。  
橘則園植萬株。竹則家封千戶。西賚浮玉。南琛沒羽。  
吳歛越吟。荆艷楚舞。草木之遇陽春。魚龍之逢風雨。  
五十年中。江表無事。班超爲定遠之侯。王歛爲和親  
之使。馬武無預於甲兵。馮唐不論於將帥。豈知山嶽  
闐然。江湖潛沸。漁陽有閭左戍卒。離石有將兵都尉。  
天子方刪詩書。定禮樂。設重雲之講。開七林之學。談  
劫燼之灰。飛辯常星之夜。落地平魚齒。城危獸角臥。  
刀斗於滎陽。絆龍媒於平樂。宰衡以干戈爲兒戲。縉  
紳以清談爲廟略。乘漬水以膠船。馭奔駒以朽索。小

模擬偏安  
逸豫之狀  
可爲發笑



總辯強識  
善于談論  
者多壞人  
國家

極若諷事  
寫得爽爽

人則將及水火。君子則方成猿鶴。弊策不能救鹽池  
之鹹。阿膠不能止黃河之濁。既而魴魚頰尾。四郊多  
壘。殿狎江鷗。宮鳴野雉。湛盧去國。餘艗失水。見被髮  
於伊川。知百年而爲戎矣。彼姦逆之熾盛。久遊魂而  
放命。大則有鯨有鯢。小則爲梟爲獍。負其牛羊之力。  
肆其水草之性。非玉燭之能調。豈璿璣之可正。值天  
下之無爲。尚有欲於羈縻。飲其琉璃之酒。賞其虎豹  
之皮。見胡柯於大夏。識鳥卵于條枝。豺牙密厲。虺毒  
潛吹。輕九鼎而欲問。聞三川而遂窺。始則王子召戎。

姦臣介冑。既官政而離邊。遂師言而泄漏。望廷尉之  
逋。囚反淮南之窮。寇出狄泉之蒼。鳥起橫江之困。獸  
地則石鼓鳴山。天則金精動宿。北闕龍吟。東陵麟鬪。  
爾乃桀黠構扇。馮陵畿甸。擁狼望於黃圖。填盧山於  
赤縣。青袍如草。白馬如練。天子履端廢朝。單于長圍  
高宴。兩觀當戟。千門受箭。白虹貫日。蒼鷹擊殿。竟遭  
夏臺之禍。終視堯城之變。官守無奔。問之人。干戚非  
平戎之戰。陶侃空爭米船。顧榮虛搥羽扇。將軍歿綏  
路絕。重圍烽隨。星落書逐。鳶飛。乃韓分趙裂。鼓臥旗

折失群班馬迷輪亂轍。猛士嬰城。謀臣卷舌。昆陽之戰。象走林常山之陣。虵奔穴五郡。則兄弟相悲。三州則父子離別。護軍慷慨。忠能死節。二世為將。終於此滅。濟陽忠壯。身參末將。兄弟三人。義聲俱唱。主辱臣死。名存身喪。敵人歸元。三軍悽愴。尚書多美。守備是長。雲梯可拒。地道能防。有齊將之閉壁。無燕師之臥墻。大事去矣。人之云亡。甲子奮發。勇氣咆勃。實總元戎。身先士卒。胄落魚門。兵填馬窟。屢犯通中。頻遭刮骨。功業天枉。身名埋沒。或以隼翼鷄披。虎威狐假。沾

王子深竹  
燕歌妙盡  
寒北苦寒  
之致方為  
傑構故於  
敗區之狀  
極意描寫  
採撥纒周  
筆陣雄奇  
有聲踏龍  
開擊開全  
鎮之勢

潰鋒鏑。脂膏原野。兵弱虜強。城孤氣寡。聞鶴唳而虛驚。聽胡笳而淚下。據神亭而亡戟。臨橫江而棄馬。崩於鉅鹿之沙。碎於長平之瓦。於是桂林顛覆。長洲麋鹿。潰潰沸騰。茫茫埃黷。天地離阻。人神慘酷。晉鄭靡依。魯衛不睦。競動天關。爭廻地軸。探雀殼而未飽。待熊蹯而詎熟。乃有車側郭門。筋懸廟屋。鬼同曹社之謀。人有秦庭之哭。爾乃假刻璽於關塞。稱使者之酌對。逢鄂坂之譏嫌。值彤門之征稅。乘白馬而不前。策青驪而轉礙。吹落葉之扁舟。飄長風於上游。彼鋸牙

而鈎爪又巡江而習流排青龍之戰艦。鬪飛鷺之船。樓張遼臨於赤壁。王濬下於巴丘。乍風驚而射火。或箭重而沉舟。未辨聲於黃蓋。已先沉於杜侯。落帆黃鶴之浦。藏船鸚鵡之洲。路已分於湘漢。星猶看於斗牛。若乃陰陵路絕。鈞臺斜趣。望赤岨而沾衣。艤烏江而不渡。雷池柵浦。鶴陵焚戍。旅舍無煙。巢禽無樹。謂荆衡之杞梓。庶江漢之可恃。淮海維揚。三千餘里。過漂渚而寄食。託蘆中而渡水。屈于七澤。濱于十死。嗟天保之未定。見殷憂之方始。本不達於危行。又無情

於祿仕。謬掌衛於中軍。濫尸承於御史。信生世等於龍門。辭親同於河洛。奉立身之遺訓。受成書之顧託。昔三世而無慙。今七葉而方落。泣風雨於梁山。惟枯魚之銜索。入欵斜之小徑。掩蓬藿之荒扉。就汀洲之杜若。待蘆葦之單衣。于時西霸楚王。劍及繁陽。麾兵金匱。拔戰玉堂。蒼鷹赤雀。鐵舳牙檣。沉白馬而誓衆。負黃龍而渡江。海潮迎艦。江萍送王。戎軍屯於石城。戈船掩于淮泗。諸侯則鄭伯前驅。盟主則荀瑩暮至。剖巢燠穴。奔虺走魅。埋長狄於駒門。斬蚩尤於中冀。

麥秀之歌  
猶有遺響

松栢之詠  
尚未暢情

通明有詩  
曰豈悟昭  
陽遂作  
革于宮本  
此

然腹爲燈。飲頭爲器。直虹貫壘。長星屬地。昔之虎據  
龍盤。加以黃旗紫氣。莫不隨狐兔而窟穴。與風塵而  
殄悴。西瞻博望。北臨玄圃。月榭風臺。池平樹古。倚弓  
於玉女。窻扉繫馬於鳳皇。樓柱仁壽之鏡。徒懸茂陵  
之書。空聚若夫立德立言。謨明寅亮。聲超於繫表。道  
高於河上。更不遇於浮丘。遂無言於師曠。以愛子而  
托人。知西陵而誰望。非無北闕之兵。猶有靈臺之仗。  
司徒之表裏。經綸狐偃之惟王。實勤橫凋戈而對霸。  
主執金鞭。而問賊臣。平吳之功。壯於杜元凱。王室是  
賴。深於溫太真。始則地名全節。終則山稱在人。南陽  
投書去之已遠。上蔡逐獵知之何晚。鎮北之負譽矜  
前。風飈凜然。水神遭箭。山靈見鞭。是以執熊傷馬。浮  
蛟沒鳶。才子併命。俱非百年。中宗之夷。尚靜亂。大雪  
冤恥。去代邸而承基。遷唐郊而纂祀。反舊章於司隸。  
歸餘風於正始。沉猜則方逞其欲。藏疾則自矜於已。  
天下之事。沒焉諸侯之心。搖矣。旣而齊交北絕。秦患  
西起。况背闕而懷楚。冀端委而開吳。驅綠林之散卒。  
拒驪山之叛徒。營軍梁澁。蒐乘巴渝。問諸淫昏之鬼。

送臬心於

瓜葛頌鳩  
羽於同枝  
適足自斃  
可爲弄鑿

功賊楚事  
不泛擲覆  
言之轍誦  
音細細咀  
韻方知作

者苦心

兵至石楚  
口占爲詩  
而致憾於  
文武亡主  
之愚一至  
于是

求諸厭効之。巫荆門遭廩延之。戮夏口濫達泉之。誅  
篋因親以致愛。恐和樂於彎弧。旣無謀於肉食。非所  
望於論都。未深思於五難。先自擅於三端。登陽城而  
避險。臥砥柱而求安。旣言多於忌刻。實志勇而刑殘。  
但坐觀於時變。本無情於急難。地惟黑子。城猶彈丸。  
其怨則黷。其盟則寒。豈寬禽之能塞海。非愚叟之可  
移山。况以沴氣朝浮。妖精夜殞。赤鳥則三朝夾日。蒼  
雲則七重圍軫。亡吳之歲旣窮。入郢之年斯盡。周舍  
鄭怒。楚結秦寃。有南風之不競。值西隣之責言。俄而

梯衝亂舞。冀馬雲屯。棧秦車於暢轂。杳漢鼓於雷門。  
下陳倉而連弩。渡臨晉而橫船。雖復楚有七澤。人稱  
三戶。箭不麗於六麋。雷無驚於九虎。辭洞庭兮落木。  
去岑陽兮極浦。熾火兮焚旗。貞風兮害蠱。乃使玉軸  
揚灰。龍文折柱。下江餘城。長林故營。徒思掛馬之秣。  
未見燒牛之兵章。慢支以轂。走宮之奇。以族行河。無  
冰而馬渡。關未曉而雞鳴。忠臣解骨。君子吞聲。章華  
望祭之所。雲夢僞遊之地。荒谷縊於莫敖。冶父囚於  
群帥。礪穿摺拉。鷹鷂批攢。寃霜夏零。憤泉秋沸。城崩

簡文常言  
風動春朝  
月明秋夜  
早雁初鶯  
照花落葉  
樂於吟詠  
豈知後世

庾子山集卷一  
杞婦之哭。竹染湘妃之泪。水毒秦涇。山高趙陁。十里  
五里。長亭短亭。饑隨螿。驚暗逐流螢。秦中水黑。關上  
泥青。於時瓦解冰泮。風飛電散。渾然千里。淄澠一亂。  
雪暗如沙。冰橫似岸。逢赴洛之陸機。見離家之王粲。  
莫不聞隴水而掩泣。向關山而長嘆。况復君在交河。  
妾在清波。石望夫而逾遠。山望子而逾多。才人之憶。  
代郡公子之去。清河羽揚亭有離別之賦。臨江王有  
愁思之歌。別有飄飄武威。羈旅金微。班超生而望返。  
温序死而思歸。李陵之雙鳧。永去蘇武之一鴈。空飛

若江陵之中否。乃金陵之始禍。雖借人之外力。實蕭  
墻之內起。撥亂之主。忽焉中興之宗。不祀伯兮叔兮。  
同見戮於猶子。荆山鵲飛而玉碎。隨岸虵生而珠死。  
鬼火亂於平林。殤魂遊於新市。梁故豐徙。楚實秦亡。  
不有所廢。其何以昌。有媯之後。將育於姜。輸我神器。  
居爲讓王。天地之大德曰生。聖人之大寶曰位。用無  
賴之子弟。舉江東而全棄。惜天下之一家。遭東南之  
反氣。以鶉首而賜秦天。何爲而此醉。且夫天道迴旋。  
生民賴焉。余烈祖於西晉。始流播於東川。泊余身而

鍾儀楚語  
莊舄越吟  
自丘之思  
今古齊轍  
手山江南  
之哀不媿  
湘纍矣

七葉又遭時而北遷提挈老幼閔河累年死生契闊  
不可問天况復零落將盡靈光巋然日窮于紀歲將  
復始逼切危慮端憂暮齒踐長樂之神臯望宣平之  
貴里渭水貫於天門驪山廻於地市幕府大將軍之  
愛客丞相平津侯之待士見鐘鼎於金張聞絃歌於  
許史豈知灞陵夜獵猶是故時將軍咸陽布衣非獨  
思歸王子

傷心賦 并序

余五福無徵三靈有譴至於繼體多從天拆二男一

女竝得勝衣金陵喪亂相守亡歿羈旅關河倏然白  
首苗而不秀頻有所悲一女成人一長孫孩稚奄然  
玄壤何痛如之既傷卽事追悼前亡唯覺傷心遂以  
傷心爲賦若夫入室生光非復企及夾河爲郡前途  
逾遠婕妤有自傷之賦楊雄有哀祭之文王正長有  
北郭之悲謝安石有東山之恨豈期然矣至若曹子  
建王仲宣傅長虞應德璉劔韜之母任延之親書翰  
傷切文詞哀痛千悲萬恨何可勝言龍門之桐其枝  
已折卷施之草其心實傷嗚呼哀哉

賦曰悲哉秋風搖落變衰魂兮遠矣何去何依望思  
無望歸來不歸未達東門之意空懼西河之譏在昔  
金陵天下喪亂王室板蕩生民塗炭兄弟則五郡分  
張父子則三州離散地鼎沸於袁曹人豺狼於楚漢  
或有擁樹罹災藏衣遭難未設桑弧先空柩館人性  
一丘亭遂千秋邊韶永恨孫楚長愁張武壯之心疾  
羊南城之淚流痛斯傳體尋茲世載天道斯慈人倫  
此愛膝下龍摧掌中珠碎芝在室而先枯蘭生庭而  
蚤刈命之修短哀哉已滿鶴聲孤絕猿吟腸斷羸博

之間路似新安藤緘轡積拚掩虞棺不封不樹惟棘  
惟欒天慘慘而無色雲蒼蒼而正寒况乃流寓秦川  
飄颻播遷從官非官歸田不田對玉關而羈旅坐長  
河而暮年已觸目於萬恨更傷心於九泉至如三虎  
二龍三珠兩鳳竝有山澤之靈各入熊羆之夢望隴  
首而不歸出都門而長送對寶盃而痛心撫玄經而  
流慟石華空服犀角虛簦風無少女草不宜男烏毛  
徒覆獸乳空含震爲長男之宮巽爲長女之位在我  
生年先凋此地人生幾何百憂俱至二王奉佛二郗

影切巧妙  
如洛浦映  
霞文麗浮  
動



奉道必至有期何能相保淒其零零颺馬秋草去矣  
黎民哀哉仲仁冀羊祜之前識期張衡之後身一朝  
風燭萬古埃塵丘陵兮何忍能留兮幾人

枯樹賦

庭前之槐  
金陵之柳  
起多少有  
情人癡想  
後以極溫  
作結乃知  
大司馬遺  
莫亦是可

竟

有境必窮  
無奇不造  
當時南北  
之馬如傳  
緯道衡皆  
出其下

殷仲文者風流儒雅海內知名世異時移出爲東陽  
太守常忽忽不樂顧庭槐而歎曰此樹婆娑生意盡  
矣至如白鹿貞松青牛文梓根柢盤魄山崖表裏桂  
何事而銷亡桐何爲而半死昔之三河徙植九畹移  
根開花建始之殿落實睢陽之園聲含嶰谷曲抱雲  
門將雛集鳳比翼巢鴛臨風亭而唳鶴對月峽而吟  
猿廼有拳曲擁腫盤坳反覆熊虎顧盼魚龍起伏節  
豎山連文橫水蹙匠石驚視公輸眩目雕鐫始就削  
剮仍加平鱗鏟甲落角摧牙重重碎錦片片真花紛  
披草樹散亂煙霞若夫松子古度平仲君遷森梢百  
頃槎枿千年秦則大夫受職漢則將軍坐馬莫不苔  
埋菌壓鳥剝蟲穿或低垂於霜露或撼頓於風烟東  
海有白木之廟西河有枯桑之社北陸以楊葉爲關  
南陵以梅根作冶小山則叢桂留人扶風則長松繫

借客形主  
文家一大  
供案

梁簡文有  
泉和影倒  
寫化與而  
相宜與此  
聯合

馬。豈。獨。城。臨。細。柳。之。上。塞。落。桃。林。之。下。若。乃。山。河。阻  
絕。飄。零。離。別。拔。本。垂。淚。傷。根。瀝。血。火。入。空。心。膏。流。斷  
節。橫。洞。口。而。欹。臥。頓。山。腰。而。半。折。文。斜。者。百。圍。冰。碎。  
理。正。者。千。尋。瓦。裂。戴。瘦。銜。癩。藏。穿。抱。穴。木。魅。矚。睽。山  
精。妖。孽。况。復。風。雷。不。感。羈。旅。無。歸。未。能。採。葛。還。成。食  
薇。沉。淪。窮。巷。蕪。沒。荆。扉。既。傷。搖。落。彌。嗟。變。衰。淮。南。子  
云。木。葉。落。長。年。悲。斯。之。謂。矣。乃。歌。曰。建。章。三。月。火。黃。  
河。千。里。槎。若。非。金。谷。滿。園。樹。卽。是。河。陽。一。縣。花。桓。大  
司。馬。聞。而。嘆。曰。昔。年。種。柳。依。依。漢。南。今。看。搖。落。悽。愴。  
江。潭。樹。猶。如。此。人。何。以。堪。

春賦

宜春苑中春已歸。披香殿裏作春衣。新年鳥聲千種  
轉。二月楊花滿路飛。河陽一縣併是花。金谷從來滿  
園樹。一叢香草足礙人。數尺遊絲卽橫路。開上林而  
競入。擁河橋而爭渡。出麗華之金屋。下飛燕之蘭宮。  
釵朶多而訝重。髻鬟高而畏風。眉將柳而爭綠。面共  
桃而競紅。影來池裏。花落衫中。苔始綠而藏魚。麥纔  
青而覆雉。吹簫弄玉之臺。鳴佩凌波之水。移戚里而

顧野王陽  
春歌未能  
如此艷麗

家富人新豐而酒美石榴聊泛蒲桃醞醅芙蓉玉盤  
蓮子金杯新芽竹笋細核楊梅綠珠捧琴至文君送  
酒來玉管初調鳴絃暫撫陽春淥水之曲對鳳迴鸞  
之舞更炙笙簧還移箏柱月入歌扇花承節鼓協律  
都尉射雉中郎停車小苑連騎長楊金鞍始被柘弓  
新張拂塵看馬埒分明入射堂馬是天池之龍種帶  
乃荆山之玉梁艷錦安天鹿新綾織鳳皇三日曲水  
向河津日晚河邊多解神樹下流杯客沙頭渡水人  
鏤薄窄衫袖穿珠帖領巾百丈山頭日欲斜三晡未  
醉莫還家池中水影懸勝鏡屋裏衣香不如花

七夕賦

兔月先上羊燈次安觀牛星之曜景視織女之闌干  
於是秦娥麗妾趙艷佳人窈窕名燕逶迤姓秦嫌朝  
妝之半故怜晚拭之全新此時併捨房櫳共往庭中  
縷條繁而貫矩針鼻細而穿中

象戲賦

觀夫造作權輿皇王厥初法凝陰於厚德仰冲氣於  
清虛於綠簡既開丹局直正理洞研幾原窮作聖若

好模擬

象賦無所  
不括鋪張  
自應尔尔

扣洪鍾如懸明鏡。白鳳遙臨。黃雲高暎。可以變俗移  
風。可以莅官行政。是以局取諸乾。仍圖上玄。月輪新  
滿。日暈初圓。摸羽林之華蓋。寫明堂之璧泉。坤以爲  
輿。剛柔卷舒。若方鏡而無影。似空城而未居。促成文  
之畫。亡靈龜之圖。馬麗千金之馬。符明六甲之符。於  
是摺笏當次。依辰就席。迴地理於方珪。轉天文於圓  
璧。分荆山之美玉。數藍田之珉石。南行赤水之符。北  
使玄山之策。居東道而龍青。出西關而馬白。旣舒玄  
象。聊定金桴。昭日月之光景。乘風雲之性靈。取四方  
之正色。用五德之相生。從月建而左轉。起黃鍾而順  
行。陰翻則顧兔先出。陽變則靈鳥獨明。况乃豫遊仁  
壽。行樂徽音。水影搖日。花光照林。乍披圖而久玩。或  
開經而熟尋。雖復成之於手。終須得之於心。乃有龍  
燭銜花。金鑪浮氣。月落桂垂。星斜柳墜。猶豫樞機。嫌  
疑涇渭。顧望迴惑。心情怖畏。應對坎而衝離。忽當申  
而取未。

燈賦

九龍將暝。三爵行棲。瓊鈎半上。若木全低。窻藏明於

玉屑濃香  
噴溢而出  
真可吐任  
含沈鑲謝  
後顏

粉壁柳助暗於蘭。閨翡翠珠被流蘇。羽帳舒屈膝之  
屏風。掩芙蓉之行障。卷衣秦后之牀。送枕荆臺之上。  
乃有百枝同樹。四照連盤。香添然密氣。雜燒蘭燼。長  
宵久光青夜寒。秀華掩映。蛭膏照灼。動鱗甲於鯨魚。  
燄光芒於鳴鶴。蛾飄則碎花亂。下風起則流星細。落  
况復上蘭深夜。中山醕清楚妃留客。韓娥合聲低歌。  
著節游絃絕鳴。輝輝朱燼。焰焰紅榮。乍九光而連彩。  
或雙花而並明。寄言蘇季子。應知餘照情。

對燭賦

龍沙雁塞甲應寒。天山月沒客衣單。燈前桁衣疑不  
亮。月下穿針覺最難。刺取燈花持桂燭。還却燈檠下  
燭盤。鑄鳳銜蓮圖。龍金眠燼高。疑數翦心濕。暫難然。  
銅荷承淚蠟。鐵鉢染浮煙。本知雪光能映紙。復訝燈  
花今得錢。蓮帳寒檠窻拂曙。筠籠熏火香盈絮。傍垂  
細溜上繞飛蛾。光清寒入燄暗。風過楚人纓脫盡。燕  
君書誤多。夜風吹香氣。隨鬱金花。芙蓉池。秦皇辟惡  
不足道。漢武胡香何物奇。晚星沒芳蕪歇。還持照夜  
遊詎減西園月。

寫景入細

鏡賦

天河漸沒日輪將起。燕噪吳王。烏驚御史。玉花簾上。  
金蓮帳裏。始摺屏風。新開戶扇。朝光晃眼。早風吹面。  
臨桁下而牽衫。就箱邊而著釧。宿鬟尚卷。殘粧已薄。  
無復脣珠。纔餘眉萼。麝上星稀。黃中月落。鏡臺銀帶。  
本出魏宮。能橫却月。巧挂迴風。龍垂匣外。鳳倚花中。  
鏡乃照膽。照心。難逢難值。鏤五色之盤龍。刻千年之  
古字。山雞看而獨舞。海鳥見而孤鳴。臨水則池中月  
出。照日則壁上菱生。暫設粧奩。還抽鏡匣。競學生情。

筆有妖姿

巧豔

宛轉相生  
如蘇若蘭  
璇璣詩

爭憐今世鬢齊。故略眉平。猶剃飛花。博子次第須安。  
朱開錦踰。黛雜油檀。脂和甲煎。澤漬香蘭。量髻鬢之  
長短。度安花之相去。懸媚子於搔頭。拭釵梁於粉絮。  
梳頭新罷。照著衣還。從粧處取。將歸暫看。弦繫懸知。  
纈縵衫正。身長裙斜。假襍真成。箇鏡特相宜。不能片  
時藏匣裏。暫出園中也自隨。

鴛鴦賦

虞姬小來事魏王。自有歌聲足繞梁。何曾織錦。未肯  
挑桑。終歸薄命。著罷空牀。見鴛鴦之相學。還歆眼而

淚落南陽清粉不復看。京兆新眉遂嬾約。况復雙心並翼。馴狎池籠浮波弄影。刷羽乘風共飛。詹几全開。魏宮俱棲梓樹。堪是韓馮。若乃韓壽欲婚。溫嶠願婦。玉臺不送胡香。未有必見此之。雙飛覺空牀之難守。

蕩子賦


蕩子辛苦逐征行。直守長城千里城。隴水恒冰合關。山唯明月况復空牀起怨。倡婦生離紗窻獨掩。羅帳長垂。新箏不弄。長笛羞吹。常年桂苑。昔日蘭閨。羅敷總髮。弄玉初笄。新歌子夜。舊舞前溪。別後閨情無復。

亭草無人  
隨意綠此  
已返出

情奩前明鏡不須明。合歡無信寄。迴紋織未成。游塵滿牀不用拂。細草橫階隨。意生前日漢使著章臺。聞道夫婿定應迴。手巾還欲燥。愁眉卽剝開。逆想行人至。迎前含笑來。



國家圖書館, NATIONAL CENTRAL LIBRARY, TAIWAN, R.O.C.





庚子山集卷二

北周新野庾信著

明東海屠隆評

樂府

對酒歌

春水望桃花，春洲籍芳杜，琴從綠珠借，酒就文君取，  
牽馬向渭橋，日曝山頭脯，山簡接離倒，王戎如意舞，  
箏鳴金谷園，笛韻平陽塢，人生一百年，歡笑惟三五，  
何處覓錢刀，求爲洛陽賈。

昭君辭應詔

歛眉光祿塞。還望夫人城。片片紅顏落。雙雙淚眼生。  
冰河牽馬渡。雪路抱鞍行。胡風入骨冷。夜月照心明。  
方調琴上曲。變入胡笳聲。

王昭君

拭啼辭戚里。回顧望昭陽。鏡失菱花影。釵除却月梁。  
圍腰無一尺。垂淚有千行。綠衫承馬汗。紅袖拂秋霜。  
別曲真多恨。哀絃須更張。

出自薊北門行

薊門還北望。役役盡傷情。關山連漢月。隴水向秦城。  
笳寒蘆葉脆。弓凍紵弦鳴。梅林能止渴。複姓可防兵。  
將軍朝挑戰。都護夜巡虜。無山猶有石。須勒幾人名。

結客少年場行

結客少年場。春風滿路香。歌撩李都尉。果擲潘河陽。  
隔花遙勸酒。就水更移牀。今年喜夫婿。新拜羽林郎。  
定知劉碧玉。偷嫁汝南王。

道士步虛詞

其一

渾成空教立。元始正圖開。赤玉靈文下。朱陵真氣來。

綺靡精工  
可以招魂  
後起

用撩擲遙  
更數字方  
元少年豪  
共

步虛詞古  
來工者絕

唐家三百年惟曹堯賓一人差能鋪續然不能如此婉轉

中天九龍館。倒景八風臺。雲度弦歌響。星移空殿迴。青衣上少室。童子向蓬萊。逍遙聞四會。倏忽度三災。

其二

無名萬物始。有道百靈初。寂絕乘丹氣。玄明上玉虛。三元隨建節。八景逐廻輿。赤鳳來銜璽。青鳥入獻書。壞機仍成機。枯魚還作魚。栖心浴日館。行樂止雲墟。

其三

凝真天地表。絕想寂寥前。有象猶虛豁。忘形本自然。開經壬子世。值道甲申年。迴雲隨舞曲。流水逐歌弦。石髓香如飯。芝房脆似蓮。停鸞讌瑤水。歸路上鴻天。

其四

道生乃太乙。守靜卽玄根。中和煉九氣。甲子謝三元。居心受善水。教學重香園。鳧畱報關吏。鶴去盡城門。更以忻無迹。還來寄絕言。

其五

洞靈尊上德。虞石會明真。要妙思玄牝。虛無養谷神。丹丘乘翠鳳。玄圃御斑麟。移藜付苑吏。種杏乞山人。自此逢何世。從今復幾春。海無三尺水。山成數寸塵。

李白鹿觀應制詩紫鳳真人却斑龍太上家不獨供太白之抵

其六

東明九芝蓋。北燭五雲車。飄颻入倒景。出沒上煙霞。  
春泉下玉雷。青鳥向金華。漢帝看桃核。齊侯問棗花。  
上元應送酒。來向蔡經家。

其七

歸心遊太極。迴向入無名。五香芬紫府。千燈照赤城。  
鳳林採珠寶。龍山種玉榮。夏簧三舌響。春鍾九乳鳴。  
絳河應遠別。黃鵠來相迎。

其八

北闕臨玄水。南宮生絳雲。龍泥印玉策。大火煉真文。  
上元風雨散。中天歌吹分。靈駕千尋上。空香萬里聞。

其九

地鏡堦基遠。天窓影迹深。碧玉成雙樹。空青為二林。  
鵠巢堪煉石。蜂房得煮金。漢武多驕慢。淮南不小心。  
蓬萊入海底。何處可追尋。

其十

麟洲一海闊。玄圃半天高。浮丘迎子晉。若士避盧敖。  
經餐林慮李。舊食綏山桃。成丹須竹節。刻髓用蘆刀。

人主畢世  
求仙多為  
所誤此詩  
亦散空三  
字有諷意

山終奏雅  
與相如封  
禪書一律

全本景純  
遊仙詩

無妨隱士去。卽是賢人逃。

### 俠客行

俠客重連鑣。金鞍被桂條。細塵障路起。驚花亂眼飄。  
酒醺人半醉。汗濕馬全驕。歸鞍畏日晚。爭路上河橋。

### 從軍行

河圖論陣氣。金匱辨星文。地中聞鼓角。天上下將軍。  
函。犀。恒。七。屬。絡。鐵。木。干。羣。飛。梯。聊。度。絳。合。弩。蹇。凌。汾。  
寇陣先中斷。妖營卽兩分。連烽對嶺度。嘶馬隔河聞。  
箭飛如疾雨。城崩似壞雲。英王於此戰。何用武安君。

### 烏夜啼

桂樹懸知遠。風竿詎肯低。獨憐明月夜。孤飛猶未栖。  
虎賁誰見惜。御史詎相攜。雖言入絃管。終是曲中啼。

### 怨歌行

家住金陵縣。前嫁得長安。少年回頭望。鄉淚落不知。  
何處天邊胡塵幾。日應盡。漢月何時更圓。爲君能歌  
此曲。不覺心隨斷弦。

### 舞媚娘

朝來戶前照鏡。含笑盈盈。自看眉心濃黛。直點額角。

字字流暢  
摩詰當爲  
五步

波俏輕盈  
雲霞滿格

虞子山集卷二  
輕黃細安。祗疑落花。謾去復道。春風不還。少年唯有  
歡樂飲酒。那得留殘。

烏夜啼

促柱繁弦。非子夜。歌聲舞態。異前溪。御史府中何處  
宿。洛陽城頭。那得棲。彈琴蜀郡卓家女。織錦秦川竇  
氏妻。詎不自驚。長淚落到頭。啼烏恒夜啼。

燕歌行

代北雲氣。晝昏昏。千里飛蓬。無復根。寒雁噫噫。渡遼  
水。桑葉紛紛。落薊門。晉陽山頭。無箭竹。疎勒城中。乏

唐初歌行  
轉折闕換  
皆步趨此

水源屬國。征戍久離居。陽關音信絕。能踈願得魯連  
飛一箭。持寄思歸燕。將書渡遼水。自有將軍寒風蕭  
蕭生。水紋妾驚甘泉足。烽火君訝漁陽少。陣雲自從  
將軍出。細柳蕩子空牀難。獨守盤龍明鏡。餉秦嘉辟  
惡生香。寄韓壽。春分燕來能幾日。二月蠶眠不復久。  
洛陽遊絲百丈連。黃河春冰千片穿。桃花顏色好如  
馬榆筴。新開巧似錢蒲桃。一杯千日醉無事。九轉學  
神仙。定取金丹作幾服。能令華表得千年。

楊柳歌

河邊楊柳百丈枝。別有長條踈地垂。河水衝激根株  
危。倏忽河中風浪吹。可憐巢裡鳳凰兒。無故當年生  
別離。流槎一去上天池。織女支機當見隨。誰言從來  
蔭數國。直用東南一小枝。昔日公子出南皮。何處相  
尋玄武陂。駿馬翩翩西北馳。左右彎弧仰月支。連錢  
韋。泥渡水騎。白玉手板落盤螭。君言丈夫無意氣。試  
問燕山那得碑。鳳凰新管簫史吹。朱鳥春窓玉女窺。  
銜雲酒盃赤瑪瑙。照日食螺紫琉璃。百年霜露奄離  
披。一旦功名不可爲。定是懷王作計誤。無事翻復用  
張儀。不如飲酒高陽池。日暮歸時倒接離。武昌城下  
誰見移。官渡營前那可知。獨憶飛絮鵝毛下。非復青  
絲馬尾垂。欲與梅花留一曲。共將長笛管中吹。

縮得有情  
繞梁而聲  
不絕



國家圖書館, NATIONAL CENTRAL LIBRARY, TAIWAN, R.O.C.

廣子山集卷之二



庾子山集卷三

北周新野庾信著

明東海屠隆評

詩

奉和泛江

春、江、下、白、帝、盡、舸、向、黃、牛、錦、纜、迴、沙、磧、蘭、橈、避、荻、洲。  
濕、花、隨、水、泛、空、巢、逐、樹、流、建、平、船、梯、下、荆、門、戰、艦、浮、  
岸、社、多、喬、木、山、城、足、迴、樓、日、落、江、風、靜、龍、吟、迴、上、游、

奉和山池

樂宮多暇豫，望苑暫迴輿。鳴笳陵絕浪，飛蓋歷通渠。

詩

琢句紅潤  
如出海珊  
瑚

庚子山集卷三  
桂亭花未落。桐門葉半疎。荷風驚浴鳥。橋影聚行魚。  
日落含山氣。雲歸帶雨餘。

陪駕幸終南山和宇文內史

玉山乘四載。瑤池宴八龍。龜橋浮少海。鷓蓋上中峰。  
飛狐橫塞路。白馬當河衝。水奠三川石。山封五樹松。  
長虹雙瀑布。圓闕兩芙蓉。戍樓鳴夕鼓。山寺響晨鍾。  
新蒲節轉促。短筍籜猶重。樹宿含櫻鳥。花留釀蜜蜂。  
迎風下列缺。灑酒召昌容。且欣陪北上。方欲待東封。

和宇文內史春日遊山

遊客值春輝。金鞍上翠微。風逆花迎面。山深雲濕衣。  
雁持一足倚。猿將兩臂飛。戍樓侵嶺路。山村落獵圍。  
道士封君達。仙人丁令威。煮丹於此地。居然未肯歸。

遊山

聊登玄圃殿。更上增城山。不知高幾里。低頭看世間。  
唱歌雲欲聚。彈琴鶴欲舞。澗底百重花。山根一片雨。  
婉婉藤倒垂。亭亭松直豎。

和宇文京兆遊田

小苑禁門開。長楊獵客來。懸知畫眉罷。走馬向章臺。

後人作登  
臨詩曾有  
此句否

澗寒泉反縮。山晴雲倒回。熊饑自舐掌。雁驚獨銜枚。  
美酒餘杭醉。芙蓉卽奉盃。

奉報寄洛州

舟師會孟津。甲子陳東隣。雷轅驚戰鼓。劍室動金神。  
幕府風雲氣。軍門關塞人。長旂析鳥羽。合甲抱犀鱗。  
星芒一丈燄。月暈七重輪。黎陽水稍淥。官渡柳應春。  
無庸奉天睠。驅傳牧南秦。繁詞勞簡牘。雜俗弊風塵。  
上洛逢都尉。商山見逸民。留滯終南下。唯當一史臣。  
奉報窮秋寄隱士

例畫樸率  
共覺富不  
如貧

王倪逢齧缺。桀溺偶長沮。藜床負日卧。麥隴帶經鋤。  
自然曲木几。無名科斗書。聚花聊飼雀。穿池試養魚。  
小村治澁路。低田補壞渠。秋水牽沙落。寒藤抱樹疎。  
空枉平原騎。來過仲蔚廬。

上益州上柱國趙王二首

銅梁影棠樹。石鏡寫褰帷。兩江如漬錦。雙峯似畫眉。  
穿荷低晚蓋。衰柳掛殘絲。風流盛儒雅。泉湧富文詞。  
無因同子淑。暫得侍臨淄。  
寂寞歲陰窮。蒼茫雲貌同。鶴毛飄亂雪。車轂轉飛蓬。

雁歸知向暖，鳥巢解背風。寒沙兩岸白，獵火一山紅。  
願想懸鶉弊，時嗟陋巷空。

謹贈司寇淮南公

危邦久亂德，天策始乘機。九河聞誓衆，千里見連旂。  
號亡垂棘返，齊平寶鼎歸。久弊風塵俗，殊勞關塞衣。  
絆驥還千里，垂鵬更九飛。猶憐馬齒進，應念節旄稀。  
迴軒入故里，園柳始依依。舊竹侵行徑，新桐益幾圍。  
寒谷梨應重，秋林栗更肥。美酒還參聖，雕文本入微。  
促歌迎趙瑟，遊絃召楚妃。小人司刺舉，明駁實濫吹。

南部治都尉，軍謀假建威。商山隱士石，丹水鳳凰磯。  
野亭長被馬，山城早掩扉。傳呼擁絳節，交戟映彤闈。  
遂令忘楚操，何但食周薇。三十六水變，四十九條非。  
丹竈風煙歇，年齡蒲柳衰。同僚敢不盡，疇日懼難追。  
正旦上司憲府

詰旦啓門闌，繁辭湧筆端。蒼鷹下獄吏，解豸飾刑官。  
司朝引玉節，盟載捧珠盤。窮紀星移次，歸餘律未殫。  
雪高三尺厚，冰深一丈寒。短筍猶埋竹，香心未起蘭。  
孟門久失路，扶搖忽上搏。栖鳥還得府，棄馬復歸欄。

與駱賓王  
陶禁書情  
通簡知已  
相類但彼  
則方在坎  
中此則由  
困而亨耳

榮華名義重，虛薄報恩難。枚乘還起疾，貢禹遂彈冠。  
方垂蓮葉劍，未用竹根丹。一知懸象法，誰思垂釣竿。

任洛州酬薛文學見贈別

子居河之曲，英彥本連蹤。鹽形或變虎，鼎氣乍成龍。  
若人承載德，宮墻定數重。五衢開辯路，四照起文烽。  
日余濫推轂，民願始天從。上洛分都尉，弘農開附庸。  
羊腸連九阪，熊耳對雙峰。白石仙人芋，青林隱士松。  
北梁送孫楚，西堤別葛龔。故人倘書札，黎陽土足封。

將命至鄴酬祖王員

我皇臨九有，聲教洎無隄。典文盛禮樂，偃武息氓黎。  
承乏驅騏驥，旌旗事琬珪。古碑文字盡，荒城年代迷。  
被隴文瓜熟，交媿香穗低。投瓊實有慰，報李更無蹊。

將命至鄴

大國脩聘禮，親鄰自此敦。張旃事原隰，負屨報成言。  
西過犯風露，北指度轅轅。交歡值公子，展禮覲王孫。  
何以譽嘉樹，徒欣賦采繁。四牢盈折俎，三獻滿罍樽。  
人臣無境外，何由欣此言。風俗旣殊阻，山河不復論。  
無因旅南館，空欲祭西門。眷然惟此別，夙期幸共存。

恪守規矩  
毫不走腔  
自王仲宣  
從軍詩化  
來

入彭城館

襄君前建國，項氏昔稜威。鵬飛傷楚戰，鷄鳴悲漢圍。  
年代殊氓俗，風雲更盛衰。水流浮磬動，山喧雙翟飛。  
夏餘花欲盡，秋近鷺將稀。槐庭垂綠穗，蓮浦落紅衣。  
徒知日云暮，不見舞雩歸。

同州還

赤岸繞新村，青城臨綺門。范睢新入相，穰侯始出蕃。  
上林催獵響，河橋爭渡喧。竄雉飛橫澗，藏狐入斷原。  
將軍高宴晚，來過青竹園。

從駕觀講武

校戰出長楊，兵欄入鬪場。置陣橫雲起，開營雁翼張。  
門嫌磁石礙，馬畏鐵菱傷。龍淵觸牛斗，繁弱駭天狼。  
落星奔驥駭，浮雲上驪驕。急風吹戰鼓，高塵擁貝裝。  
駭猿時落水，驚鴻屢斷行。樹寒條更直，山枯菊轉芳。  
豹略推全勝，龍圖揖所長。小臣欣寓目，還知奉會昌。

奉報趙王出師在道賜詩

上將出東平，先定下江兵。彎弓伏石動，振鼓沸沙鳴。  
橫海將軍號，長風駿馬名。雨歇殘虹斷，雲歸一雁征。

岑嘉州形  
容武事美  
詠極矣不  
如此之雄  
渾

伏字妙絕

暗巖朝石濕。空山夜火明。低橋澗底渡。狹路花中行。  
錦車同建節。魚軒異泊營。軍中女子氣。塞外夫人城。  
小人乖攝養。岐路阻逢迎。幾月芝田熟。何年金竈成。  
哀笳關塞曲。嘶馬別離聲。王子身為寶。深思不倚衡。

和趙王送峽中軍

樓船聊習戰。白羽試撝軍。山城對却月。岸陣抵平雲。  
赤虵懸弩影。流星抱劍文。胡笳遙警夜。塞馬暗嘶羣。  
客行明月峽。猿聲不可聞。

奉和趙王途中五韻

飄飄映車幕。出沒望連旗。度雲還翊陣。迴風即送師。  
峽路沙如月。山峯石似眉。村桃拂紅粉。岸柳被青絲。  
錦城遙可望。迴鞍念此時。

侍從徐國公殿下軍行

八風占陣氣。六甲候兵韜。置府仍張幕。麾軍即秉旄。  
長旗臨廣武。烽火照成臯。巡寒重挾纊。酌水勝單膠。  
陣後雲逾直。兵深星轉高。電燄驅龍馬。山精鏤寶刀。  
塞迥翻榆葉。關寒落雁毛。既得從神武。何須念久勞。

伏聞遊獵

不雅雄世  
誰得如此  
傳神

虞旗喜且晴。獵馬向山橫。石關魚貫上。梁鴈翅山行。  
雪平尋兔跡。林紫聽雉聲。馬嘶山谷響。弓寒桑柘鳴。  
聞弦鳥自落。望火獸空驚。無風樹即正。不凍水還平。  
誰知茂陵下。願入睢陽城。

見征客始還遇獵

貳師新受詔。長平正凱歸。猶言乘戰馬。未得解戎衣。  
上林遇逐獵。宜春暫合圍。漢帝熊猶憤。秦王雉更飛。  
故人迎借問。念舊始依依。河邊一片石。不復肯支機。

奉和闡弘二教應詔

五明教已設。三元法復開。魚山將鶴嶺。清楚兩邊來。  
香煙聚為塔。花雨積成臺。空心論佛性。貞氣辨仙才。  
露盤高掌滴。風鳥平翅迴。無勞問待詔。自識昆明灰。

至老子廟應詔

虛無推馭辯。寥廓本乘規。三門臨苦縣。堯井對靈谿。  
成丹須竹節。量藥用刀圭。石似臨邛芋。芝如封禪泥。  
毳毛新鵠小。盤根古樹低。野戍孤煙起。春山百鳥啼。  
路有三千別。途經七聖迷。唯當別關吏。直向流沙西。

奉和趙王遊仙

玄元之經  
無可替矣  
隨筆寫來  
巨象玲瓏  
自成絕權



駉蕩况味  
實舉雲高

藏山還採藥。有道得從師。京兆陳安世。成都李心期。  
玉京傳相鶴。太乙授飛龜。白石香新芋。青泥美熟芝。  
山精逢照鏡。樵客值圍碁。石紋如碎錦。藤苗似亂絲。  
蓬萊在何處。漢后欲遙祠。

奉和同泰寺浮圖

峇峇凌太清。照殿比東京。長影臨雙闕。高層出九城。  
拱積行雲礙。幡搖度鳥驚。鳳飛如始泊。蓮合似初生。  
輪重對月滿。鐸韻擬鶯聲。畫水流全住。圖雲色半輕。  
露晚盤猶滴。珠朝火更明。雖連博望苑。還接銀沙城。

讀此覺文  
老靈光猶  
帶脂粉

天香下桂殿。仙梵入伊笙。庶聞八解樂。方遣六塵情。

奉和法筵應詔

五城隣北極。百雉壯西崑。鈎陳橫複道。閭闔抵靈軒。  
千柱蓮花塔。由旬紫柑園。佛影胡人記。經文漢語翻。  
星窺朱鳥牖。雲宿鳳凰門。新禽解雜嘯。春柳臥生根。  
早雷驚蟄戶。流雪長河源。建始移交讓。徽音種合昏。  
風飛扇天辯。泉湧屬絲言。羈臣從散木。無以預中天。  
遙可望。終類仰鵠弦。

和從駕登雲居寺塔

重巒千仞塔，危磴九層臺。石關恒逆上，山梁乍斗迴。  
塔下雲峯出，窓前風洞開。隔嶺鐘聲度，中天梵響來。  
平時欣侍從，於此蹙徘徊。

和何儀同講竟述懷

無名卽講道，有動定論機。安經讓禮席，正業理儒衣。  
似得遊焉趣，能同捨講歸。石渠人少歇，華陰市暫稀。  
秋雲低晚氣，短景側餘輝。螢排亂草出，雁捨斷蘆飛。  
別有平陵逕，蕭條客鬢衰。饑噪空倉雀，寒驚懶婦機。  
實欣懷諛問，逢君理入微。

低側排危  
字無不細  
秀

奉和趙王隱士

洛陽徵五隱，東都別二賢。雲氣浮函谷，星光集潁川。  
霸陵採樵路，成都賣卜錢。鹿裘披稍裂，藜牀坐欲穿。  
阮籍唯長嘯，嵇康訝一弦。澗險無平石，山深足細泉。  
短松猶百尺，少鶴已千年。野鳥繁絃轉，山花焰火然。  
洞風吹戶裏，石乳滴窓前。雖無亭長識，終見野人傳。

語意澹遠

擬詠懷

步兵未飲酒，中散未彈琴。索索無真氣，昏昏有俗心。  
涸鮒常思水，驚飛每失林。風雲能變色，松竹且悲吟。

有待雖非  
無聊實是  
遠人幽抱  
在在有之

由來不得意。何必往長岑。

其二

赭衣居傅巖。垂綸在渭川。乘舟能上月。飛憶欲捫天。  
誰知志不就。空有直如弦。洛陽蘇季子。連衡遂不連。  
既無六國印。讎思二頃田。

太白搵石  
捉月不徒  
似其句且  
傳句中之  
神

其三

俎豆非所習。帷幄復無謀。不言班定遠。應爲萬里侯。  
燕客思遼水。秦人望隴頭。倡家遭強聘。質子值仍留。  
自憐才智盡。空傷年鬢秋。

其四

楚材稱晉用。秦臣卽趙冠。離宮延子產。羈旅接陳完。  
寓衛非所寓。安齊獨未安。雪泣悲去魯。悽然憶相韓。  
唯彼窮途慟。知余行路難。

其五

惟忠且惟孝。爲子復爲臣。一朝人事盡。身名不足親。  
吳起嘗辭魏。韓非遂入秦。壯情已消歇。雄圖不復申。  
移住華陰下。終爲關外人。

其六

疇昔國士遇。生平知己恩。直言珠可吐。寧知炭可吞。  
一顧重尺璧。千金輕一言。悲傷劉孺子。悽愴史皇孫。  
無因同武騎。歸守灞陵園。

其七

榆關斷音信。漢使絕經過。胡笳落淚曲。羌笛斷腸歌。  
纖腰減束素。別淚損橫波。恨心終不歇。紅顏無復多。  
枯木期填海。青山望斷河。

其八

白馬向清波。乘冰始渡河。

近水移營喜竈多。

發文字有  
靈當變為  
精衛之血

長坂初垂翼。鴻溝遂倒戈。的顛於此去。虞兮奈若何。  
空營衛青塚。徒聽田橫歌。

其九

北臨玄菟郡。南戍朱鳶城。共此無期別。俱知萬里情。  
昔嘗遊令尹。今時事客卿。不特貧謝富。安知死羨生。  
懷秋獨悲此。平生何謂平。

其十

悲歌度燕水。弭節出陽關。李陵從此去。荆卿不復還。  
故人形影滅。音書兩俱絕。遙看塞北雲。懸想關山雪。

專於過接  
檢換處用  
意便開中  
唐法門

還句巧借  
的是齊梁  
月露

數語為江  
陵受燬而

遊子河梁上，應將蘇武別。

其十一

搖落秋爲氣，淒涼多怨情。啼枯湘水竹，哭壞杞梁城。  
天亡遭憤戰，日蹙值愁兵。直虹朝映壘，長星夜落營。  
楚歌饒恨曲，南風多死聲。眼前一杯酒，誰論身後名。

其十二

周王逢鄭忿，楚后值秦冤。梯衝已鶴列，冀馬忽雲屯。  
武安擔瓦振，昆陽猛獸奔。流星夕照鏡，烽火夜燒原。  
古獄饒冤氣，空亭多枉魂。天道或可問，微兮不忍言。

其十三

橫流遘屯慝，上塲結重氛。哭市聞妖獸，頽山起怪雲。  
綠林多散卒，清波有敗軍。智士今安用，忠臣且未聞。  
惜無萬金產，東求滄海君。

其十四

吉士長爲吉，善人終日善。大道忽云乖，生民隨事蹇。  
有情何可豁，忘懷固難遣。麟窮季氏豎，虎振周王圈。  
平生幾種意，一旦衝風卷。

其十五

造景寒慄

六國始咆哮，縱橫未定交。欲競連城玉，翻徵縮酒茅。  
析骸猶換子，登爨已懸巢。壯水初開地，盲風正折膠。  
輕雲飄馬足，明月動弓梢。楚師正圍鞏，秦兵未下嶠。  
始知千載內，無復有申包。

其十六

橫石三五片，長松一兩株。對君俗人眼，真與理當無。  
野老披荷葉，家童掃栗。跗竹林千戶，封甘橘萬頭。奴  
君見愚公谷，真言此谷愚。

其十七

日晚荒城上，蒼茫餘落暉。都護樓蘭返，將軍疎勒歸。  
馬有風塵氣，人多關塞衣。陣雲平不動，秋蓬卷欲飛。  
聞道樓船戰，今年不解圍。

其十八

尋思萬戶侯，中夜忽憇愁。琴聲遍屋裏，書卷滿牀頭。  
雖言夢蝴蝶，定自非莊周。殘月如初月，新秋似舊秋。  
露泣連珠下，螢飄碎火流。樂天乃知命，何時能不憂。

其十九

憤憤天公曉，精神殊乏少。一郡催曙鷄，數處驚眠鳥。

起得突兀  
○無限意

似粗非粗  
以拙非拙  
此詩是也

景不知從何而來結尤妙

其覺乃于于其憂惟悄悄張儀稱行薄管仲稱器小  
天下有情人居然性靈天

其二十

在死猶可忍爲辱豈不寬古人持此性遂有不能安  
其面雖可熱其心長自寒匣中取明鏡披圖自照看  
幸無侵餓理差有犯兵欄擁節時驅傳乘亭不據鞍  
代郡蓬初轉遼陽桑欲乾秋雲粉絮結白露水銀團  
一思探禹穴無用鑿臯蘭

其二十一

倏忽市朝變蒼茫人事非避讒應采葛忘情遂食薇  
懷愁正搖落中心愴有違獨憐生意盡空驚槐樹衰

其二十二

日色臨平樂風光滿上蘭南國美人去東家棗樹完  
抱松傷別鶴向鏡絕孤鸞不言登隴首唯得望長安

其二十三

鬪麟能食日戰水定驚龍鼓鞞喧七萃風塵亂九重  
鼎湖去無返蒼梧悲不從徒勞銅雀妓遙望西陵松

其二十四

句句是紅顏悲舊國之意

帶菲意

如此詠懷  
詩古人得  
未曾有何  
但矯矯陳  
隋間

頗會尋樂  
地

無悶無不悶，有待何可待。昏昏如坐霧，漫漫疑行海。  
千年水未清，一代人先改。昔日東陵侯，唯見瓜園在。

其二十五

懷抱獨昏昏，平生何所論。由來千種意，併是桃花源。  
穀皮兩書帙，壺盧一酒樽。自知費天下，也復何足言。

其二十六

蕭條亭障遠，淒慘風塵多。關門臨白狄，城影入黃河。  
秋風別蘇武，寒水送荆軻。誰言氣蓋世，晨起帳中歌。

其二十七

被甲陽雲臺，重雲久未開。鷄鳴楚地盡，鶴唳秦軍來。  
羅梁猶下碯，楊排久飛灰。出門車軸折，吾王不復回。

和張侍中述懷

陽窮乃悔吝，世季誠屯剝。奔河絕地維，折柱傾天角。  
成羣海水飛，如雨天星落。負鍤遂移山，藏舟終去壑。  
生民忽已魚，君子徒爲鶴。疇昔逢知己，生平荷恩渥。  
故組竟無聞，程嬰空寂寞。永嘉獨流寓，中原惟鼎鑊。  
道險臥槐廬，身危累素殼。漂流從木梗，風卷隨秋籜。  
張翰不歸吳，陸機猶在洛。漢陽錢遂盡，長安米空索。

景自衰頹  
語必清華



虛索二字  
妙便見造  
化小兒筭  
弄人處

小內人便  
作內人語  
無往不妙

時占季主龜乍販韓康藥伏轅終入絳垂翅猶離繳  
徒懷琬琰心空守黃金諾號鄒終無寄齊秦竟何託  
大夫唯閔周君子常思毫寂寥共羈旅蕭條同負郭  
農談止穀稼野膳唯藜藿操樂楚琴悲忘憂魯酒薄  
渭濱觀坐釣谷口看秋穫唯有丘明耻無復榮期樂  
夷則火星流天根秋水涸冬嚴日不暖歲晚風多朔  
楊浮有恠雲細凌聞災雹木皮三寸厚涇泥五斗濁  
雖忻出轅樹猶懼雕陵鵲生涯實有始天道終虛橐  
且悅善人交無疑朋友數何時得雲雨復見翔寥廓

奉和示內人

然香鬱金屋吹管鳳凰臺春朝迎雨去秋夜隔河來  
聽歌雲卽斷聞琴鶴倒回春窓刻鳳下寒壁畫花開  
定取流霞氣時添承露杯

奉和趙王美人春日

直將劉碧玉來過陰麗華祗言滿屋裡併作一園花  
新藤亂上格春水漫吹沙步搖釵梁動紅輪帔角斜  
今年逐春處先向石崇家

奉和趙王春日

庚子山集 卷三  
城傍金谷苑，園裏鳳凰池。細管調歌曲，長衫教舞兒。  
向人長臉，由來薄面皮。梅花絕解作，樹葉本能吹。  
香煙龍口出，蓮子帳心垂。莫畏無春酒，須花但見隨。

夢入堂內

雕梁舊刻杏，香壁本泥椒。幔繩金麥穗，簾鈎銀蒜條。  
畫眉千度拭，梳頭百遍撩。小衫裁累臂，纏絃摺抱腰。  
日光釵燄動，窻影鏡花搖。歌曲風吹韻，笙簧火灸調。  
卽金須戲去，誰復待明朝。

和詠舞

舞神可想

洞房花燭明，燕餘雙舞輕。頓履隨疎節，低鬟逐上聲。  
步轉行初進，衫飄曲未成。鸞迴鏡欲滿，鶴顧市應傾。  
已曾天上學，詎是地中生。

夜聽搗衣

秋夜搗衣聲，飛度長門城。今夜長門月，應如晝日明。  
小鬟宜粟瑱，圓腰運織成。秋砧調急節，亂杵變新聲。  
石燥砧逾響，桐虛杵絕鳴。鳴石出華陰，虛桐採鳳林。  
北堂細腰杵，南市女郎砧。擊節無勞鼓，調聲不用琴。  
竝結連枝縷，雙穿長命針。倡樓驚別怨，征客動愁心。

同心竹葉梳。雙去雙來滿。裙裾不柰長。衫袖偏宜短。  
 龍文鏤剪刀。鳳翼纏簪管。風流響和韻。哀怨聲悽斷。  
 新聲繞夜風。嬌轉滿空中。應聞長樂殿。判徹昭陽宮。  
 花鬢醉眼纈。龍子細文紅。濕摺通夕露。吹衣一夜風。  
 玉堦風轉急。長城雪應闇。新綬始欲縫。細錦行須纂。  
 聲煩廣陵散。杵急漁陽摻。新月動金波。秋雲泛濫過。  
 誰憐征戍客。今夜在交河。榻陽離別賦。臨江愁思歌。  
 復令悲此曲。紅顏餘幾多。

預麟趾殿校書和劉儀同

止戈典禮樂。修文盛典謨。壁開金石篆。河浮雲霧圖。  
 芸香上延閣。碑石向鴻都。誦書徵博士。明經拜大夫。  
 璧池寒水落。學市舊槐疎。高譚變白馬。雄辯塞飛狐。  
 月落將軍樹。風驚御史烏。子雲猶汗簡。溫舒正削蒲。  
 連雲雖有閣。終欲想江湖。

和宇文內史入重陽閣

北原風雨散。南宮容衛疎。待詔還金馬。儒林歸石渠。  
 徒懸仁壽鏡。空聚茂陵書。竹淚垂秋筍。蓮衣落夏蕖。  
 顧成始移廟。陽陵正徙居。舊蘭惟悴長。殘花爛熳舒。

恢復舊業  
似喜實悲

別有昭陽殿。長悲故婕妤。

忝在司水看治渭橋

大夫參下位。司職渭之陽。富平移鐵鑠。甘泉運石梁。  
跨虹連絕岸。浮鼉續斷航。春洲鸚鵡色。流水桃花香。  
星精逢漢帝。鈞叟值周王。平隄石岸直。高堰柳陰長。  
羨言杜元凱。河橋獨舉觴。

清粲

北園新齋成應趙王教

虹粉跂鳥翼。山節拱蘭枝。畫梁雲氣繞。彫窓玉女窺。  
月懸唯返照。蓮開長倒垂。盤根細壤石。行雨暴澆池。

岩然一宜  
春檻

長藤連格。徙高樹帶巢。移鳥聲唯雜。曲花風直亂吹。  
白虎題書觀。玄熊帖射皮。文絃入舞曲。月扇掩歌兒。  
玉節調笙管。金船代酒卮。若論曹子建。天人本共知。

同會河陽公新造山池聊得寓目

疏鑿巧矣。實勞樹藝。奇矣實瑣。句句是諷。  
橫階仍鑿澗。對戶卽連峯。暗石疑藏虎。盤根似臥龍。  
沙洲聚亂荻。洞口礙橫松。引泉恒數派。開巖卽十重。  
北閣聞吹管。南鄰聽擊鐘。菊寒花正合。杯香酒絕濃。  
由來魏公子。今日始相逢。

登州中新閣

詩

跨虛凌倒景。連雲拒少陽。璇極龍鱗上。雕甍鵬翅張。  
千尋文杏照十里。木蘭香。開窓對高掌。平坐望河梁。  
歌響聞長樂。鐘聲徹建章。賦用王延壽。書須韋仲將。  
龍來隨畫壁。鳳起逐吹簧。石作芙蓉影。池如明鏡光。  
花梁反披葉。蓮井倒垂房。徒然思鸞賀。無以預鷗翔。

歲晚出橫門

年華改歲陰。遊客喜登臨。據鞍垂玉帖。橫腰帶錦心。  
冰弱浮橋沒。沙虛馬跡深。倚弓依石岸。回床向柳陰。  
智瓊來勸酒。文君過聽琴。明朝雲雨散。何處更相尋。

北園射堂新成

軒臺聊可習。仙的不難登。轉箭初調筈。橫方先望棚。  
驚心一鴈落。連臂兩猿騰。直知王濟巧。誰覺魏舒能。  
空心不死樹。無葉未枯藤。擇賢方知此。傳卮欣得朋。



庾子山集卷四

北周新野庾信著

明東海屠隆評

詩

園庭

杖鄉從物外，養學事閑郊。窮愁方汗簡，無遇始觀爻。  
谷寒已吹律，簷空更剪茆。樵隱恒同路，人禽或對巢。  
水蒲開晚結，風竹解寒苞。古槐時變火，枯楓乍落膠。  
倒徙迎懸榻，停琴聽解嘲。香螺酌美酒，枯蚌藉蘭葍。  
飛魚時觸釣，翳雉屢懸庖。但使相知厚，當能來結交。

歸田

點綴真率  
出儲光義  
之上

務農勤九穀歸來嘉一廛穿渠移水碓燒棘起山田  
樹陰逢歇馬魚潭見洒船苦李無人摘秋瓜不直錢  
社雞新欲伏原蠶始更眠今日張平子翻為人所憐

寒園卽目

唐鮑溶云  
古苔殘墨  
沼深竹舊  
書堂從此  
想出

寒園星散居搖落小村墟遊仙半壁畫隱士一牀書  
子月泉心動陽爻地氣舒雪花深數尺冰牀厚尺餘  
蒼鷹斜望雉白鷺下看魚更想東都外羣公別二疎

幽居值春

山人久陸沉幽逕忽春臨決渠移水碓開園掃竹林  
欹橋久半斷崩岸始邪侵短歌吹細笛低聲泛古琴  
錢刀不相及耕種且須深長門一紙賦何處覓黃金

臥疾窮愁

危慮風霜積窮愁歲月侵留蛇常疾首映弩屢驚心  
稚川求藥錄君平問卜林野老時相訪山僧或見尋  
有菊翻無酒無弦則有琴詎知長抱膝獨為梁父吟

山齋

寂寥尋靜室蒙密就山齋滴瀝泉澆路穹窿石臥階



與簡文岸  
柳垂長葉  
綠落細  
野昏極詠  
物之妙

淺槎全不動。盤根唯半埋。圓珠墜晚菊。細火落空槐。  
直置風雲慘。彌憐心事乖。

### 望野

試策千金馬。來登五丈原。有城仍舊縣。無樹卽新村。  
水向蘭池泊。日斜細柳園。涸渚通沙路。寒渠塞水門。  
但得風雲賞。何須人事論。

### 蒙賜酒

金膏下帝臺。玉曆在蓬萊。仙人一遇飲。分得兩三杯。  
忽聞桑葉落。正值菊花開。阮籍披衣進。王戎含笑來。  
從今覓仙藥。不假向瑤臺。

### 奉報趙王惠酒

梁王修竹園。冠蓋風塵喧。行人忽枉道。直進桃花源。  
稚子還羞出。驚妻倒閉門。始聞傳上命。定是賜中樽。  
野鑪然樹葉。山杯捧竹根。風池還更煖。寒谷遂長暄。  
未知稻梁鴈。何時能報恩。

### 有喜致醉

忽見庭生玉。聊欣蚌出珠。蘭芬猶載寢。蓬箭始懸弧。  
既喜枚都尉。能歡陵大夫。頻朝中散客。連日步兵厨。

常渠年曰  
會情性者  
因於物象  
瀟洒曠遠  
之致楮端  
欲語物象  
可謂工矣

襍曲隨琴用，殘花聽酒頽。脆梨裁數實，甘查唯一株。  
兀然已復醉，搖頭歌鳳雛。

喜晴應詔 勅自疏韻

御辯誠膺錄，維皇稱有建。雷澤昔經漁，負夏時從販。  
栢梁驂駟馬，高陵馳六傳。有序屬賓連，無私表平憲。  
河堤崩故柳，秋水高新堰。心齋愍昏墊，樂徹憐胥怨。  
禪河秉高論，法輪開勝辯。王城水闕息，洛浦河圖獻。  
伏泉還習坎，歸風已回巽。桐枝長舊圍，蒲節抽新寸。  
山藪欣藏疾，幽棲得無悶。有慶兆民同，論年天子萬。

莊重無屠  
活氣是應  
詔體

同顏大夫初晴

夕陽含水氣，反景照河隄。濕花飛未遠，陰雲歛向低。  
燕燥還爲石，龍殘更是泥。香泉酌冷澗，小艇釣蓮溪。  
但使心齊物，何愁物不齊。

奉和趙王喜雨

玄霓臨日谷，封蟻對雲臺。投壺欲起電，倚柱稍驚雷。  
白沙如濕粉，蓮花類洗杯。驚鳥洒翼度，濕鴈斷行來。  
浮橋七星起，高堰六門開。猶言祀蜀帝，卽似望荆臺。  
厥田終上上，原野自莓莓。

和李司錄喜雨

純陽實久亢，雲漢乃昭回。臨河沈璧玉，夾道盡龍媒。  
離光初繞電，震氣始乘雷。海童還碣石，神女向陽臺。  
雲逐魚鱗起，渠從龍骨開。崩沙雜水去，臥樹擁槎來。  
嘉苗雙合穎，熟稻再含胎。屬此欣膏露，逢君擣揆才。  
愧乏瓊將玖，無酬美且偲。

郊行值雪

風雲俱慘慘，原野共茫茫。雪花開六出，冰珠映九光。  
還如驅玉馬，暫似獵銀獐。陣雲全不動，寒山無物香。

薛君一狐白，唐侯兩驢驢。寒關日欲暮，披雪渡河梁。  
奉和趙王西京路春日

直城龍首抗，橫橋天漢分。風鳥疑近日，露掌定高雲。  
新渠還入渭，舊鼎更開汾。漢獵熊攀檻，秦田雉失群。  
宜年動春律，御宿斂寒氛。美玉迎簫史，東方覓細君。  
楊柳成歌曲，蒲桃學繡文。鳥鳴還獨解，花開先自薰。  
誰知灞陵下，猶有故將軍。

奉和夏日應令

朱簾捲麗日，翠幕蔽重陽。五月炎蒸氣，三時刻漏長。

雕金篆玉  
牢奇籠豔

廣子山集卷四  
五  
麥隨風裏熟。梅逐雨中黃。開水帶井水。和粉雜生香。  
衫含蕉葉氣。扇動竹花涼。早菱生軟角。初蓮開細房。  
願陪仙鶴舉。洛浦聽笙簧。

和樂儀同苦熱

鮑任諸作  
自是各出  
一奇終不  
若此之清  
麗

火井沉熒散。炎洲高燄通。鞭石未成雨。鳴鳶不起風。  
思爲鸞翼扇。願借明光宮。臨淄迎子禮。中散就安豐。  
美酒含蘭氣。甘瓜開蜜筒。寂寥人事屏。還得隱墻東。

和裴儀同秋日

蕭條依白社。寂寞似東臯。學異南宮敬。貧同北郭騷。

蒙吏觀秋水。萊妻紡落毛。旅人嗟歲暮。田家厭作勞。  
霜天林木燥。秋氣風雲高。栖遑終不定。方欲涕沾袍。

詠園花

唐人露暖  
蜂偷蕊  
啼日到軒  
與此競來

暫往春園傍。聊過看果行。枝繁類金谷。花雜映河陽。  
自紅無假染。真白不須粧。燕送歸菱井。蜂銜上蜜房。  
非是金鑪氣。何關栢殿香。裛衣偏定好。應持奉魏王。

西門豹廟

君子爲利博。達人樹德深。蘋藻由斯薦。樵蘇幸未侵。  
恭聞正臣祀。良識佩章心。容範雖年代。徽猷若可尋。

菊花隨酒馥，槐影向窗臨。鶴飛疑逐舞，魚驚似聽琴。  
漳流鳴磴石，銅雀影秋林。

和王少保遙傷周處士

冥漠爾遊岱，悽涼余向秦。雖言異生死，同是不歸人。  
昔余仕冠蓋，值子避風塵。望氣求真隱，伺關待逸民。  
忽聞泉石友，芝桂不防身。悵然張仲蔚，悲哉鄭子真。  
三山猶有鶴，五柳更應春。遂令從渭水，投弔往江濱。

傷王司徒褒

昔聞王子晉，輕舉逐神仙。謂言君積善，還得嗣前賢。

四海皆流寓，非爲獨播遷。豈意中台圯，君當風燭前。  
自君鍾鼎族，江東三百年。寶刀仍世載，瑠玕本舊傳。  
綠紱紆槐綬，黃金飾侍蟬。地建忠臣國，家開孝子泉。  
自能枯木潤，足得流水圓。以君承祖武，諸侯無間然。  
青矜已對日，童子卽論天。頽陰珠玉麗，河陽脂粉妍。  
名高六國共，價重十城連。辯足觀秋水，文堪題馬鞭。  
迴鸞抱書字，別鶴繞琴弦。擁旄裁甸服，垂帷非被邊。  
靜亭空繫馬，閑烽直起煙。不廢披書案，無妨坐釣船。  
茂陵忽多病，淮陽實未痊。侍醫逾默默，神理遂綿綿。

清猿淚落

永別張平子，長埋王仲宣。栢谷移松樹，陽陵買墓園。  
陝路秋風起，寒堂已颯焉。丘楊一搖落，山火卽時然。  
昔爲人所羨，今爲人所憐。世途且復旦，人情玄又玄。  
故人傷此別，留恨滿秦川。定名於此定，全德以斯全。  
唯有山陽笛，悽余思舊篇。

仰和何僕射還宅懷故

紫閣旦朝罷，中臺夕奏稀。無復千金笑，徒勞五日歸。  
步簷朝未掃，蘭房晝掩扉。苔生。理曲處。網積。迴文機。  
故瑟餘弦斷，歌梁秋鴈飛。朝雲雖可望，夜帳定難依。

詔意凄慘  
是清奇僻  
皆重


願憑甘露入，方假慧燈輝。寧知洛城晚，還淚獨沾衣。

送吳法師羣

龍泉今日掩石洞，卽時封玉匣。摧談柄，懸河落辯鋒。  
香鑪猶是栢塵尾，更成松郭門未十里。山迴已數重。  
尚聞香閣梵，猶聽竹林鍾。送客風塵擁，寒郊霜露濃。  
性靈如不滅，神理定何從。

君詩云風  
月動輕  
蕭颯沙島  
音思似藕  
情與此同  
意

集  
卷四



國家圖書館, NATIONAL CENTRAL LIBRARY, TAIWAN, R.O.C.

庾子山集卷五

北周新野庾信著

明東海屠隆評

詩

和人日晚景宴昆明池

春餘足光景、趙李舊經過、上林柳腰細、新豐酒徑多、  
小船行釣鯉、新盤待摘荷、蘭臯徒稅駕、何處有凌波、  
對宴齊使

清心妥切

歸軒下賓館、送蓋出河堤、酒正離杯促、歌工別曲悽、  
林寒木皮厚、沙迴雁飛低、故人儻相訪、知余已執珪、



聘齊秋晚館中飲酒

欣茲河朔飲。對此洛陽才。殘秋欲屏扇。餘菊尚浮杯。  
漳流鳴二水。日色下三臺。無因侍清夜。同此月徘徊。  
奉和濟池初成清晨臨泛

與簡文驟

急歌彌響

扇多塵亂

飛如出一

口

和吳法師遊昆明池二首

遊客重相懽。連鑣出上蘭。值泉傾蓋飲。逢花駐馬看。  
平湖泛玉軸。高堰歇金鞍。半道聞荷氣。中流覺水寒。

秋光麗晚天。鷁舸泛中川。密菱障浴鳥。高荷沒釣船。  
碎珠縈斷菊。殘絲繞折蓮。落花催十酒。栖鳥送一絃。  
見遊春人

別周尚書弘正

長安有狹斜。金穴盛豪華。連孟勸上馬。亂菓擲行車。  
深紅蓮子艷。細錦鳳凰花。那能學喫酒。無處似欒巴。  
扶風石橋北。函谷故關前。此中一分手。相逢知幾年。  
黃鵠遂反顧。徘徊應愴然。自知悲不已。徒勞減瑟絃。

別張洗馬樞

孟襄陽得  
此便稱清  
絕

擊筑悲歌  
千古有心  
人欲絕

別席慘無言。離悲兩相顧。君登蘇武橋。我見楊朱路。  
關山負雪行。河水乘冰渡。願子著朱鳧。知余在玄菟。

別庾七入蜀

峻嶺拂陽烏。長城連蜀都。石銘懸劍壁。沙洲聚陣圖。  
山長半股斷。樹古半心枯。由來兄弟別。共念一荆株。

將命使北始渡瓜步江

校尉始辭國。樓船欲渡河。輶軒臨磧岸。旌節映江沱。  
觀濤想帷蓋。爭長憶干戈。雖同燕市泣。猶聽趙津歌。

反命河朔始入武州

掩抑有奇  
態妻愴多  
如聲

輕車初逐李。定遠未隨班。受詔祈連返。申威疎勒還。  
飛蓬損腰帶。秋鬢落容顏。寄言舊相識。知余生入關。

冬狩行四韻連句應詔

三川羽檄馳。六郡良家選。觀兵細柳城。校獵長楊苑。  
驚雉逐鷹飛。騰猿看箭轉。鳴笳河曲還。猶憶南皮返。

飛揚挺拔  
得競病之  
雄駿

和王內史從駕狩

冬狩出離宮。還過獵武功。澗橫偏礙馬。山虛絕響弓。  
更羸承落雁。韓盧鬪螿熊。猶開三面網。誰肯一山重。

入道士館

金華開八景，玉洞上三危。雲袍白鶴度，風管鳳凰吹。  
野衣縫蕙葉，山巾簪笋皮。何必淮南館，淹留攀桂枝。

奉和永豐殿下言志

立德齊今古，資仁一毀譽。無機抱甕汲，有道帶經鋤。  
處下唯名惠，能言本姓蘧。未論驚寵辱，安知係慘舒。

其二

王子從邊服，臨邛惜第如。星橋擁冠蓋，錦水照簪裾。  
論文報潘岳，詠史答應璩。帳幕參二顧，風流盛七輿。

其三

茫茫實宇宙，與善定馮虛。大夫傷魯道，君子念殷墟。  
程卿旣開國，安平遂徙居。詎能從小隱，終然遊太初。

其四

直城風日美，平陵雲霧除。來往金張館，弦歌許史閭。  
鳳臺迎弄玉，河陽送婕妤。五馬遙相問，雙童來夾車。

其五

託情祈六學，遊日愛三餘。覆局能懸記，看碑解暗疏。  
詎嘗遊魏冉，郝時說范睢。池水朝含墨，流螢夜聚書。

其六

學辨癡龍  
述憑銀筆  
直恁快活

沈勝農著  
總一粘出  
節成華郁

興雲榆莢晚燒雞杏花初凝池侵黍稷谷水播菑畲  
六月蟬鳴稻千金龍骨渠含風搖古度防露動林於

其七

自憐循短綆方欲問長沮茂陵體猶瘠淮陽疾未祛  
翻疑承毒水忽似遇昌菹漢陽嗟欲盡咎繇懼忽諸

其八

弱齡參顧問疇昔濫吹噓綠槐垂學市長楊映直廬  
連盟翻滅鄭仁義反亡徐還思建鄴水終憶武昌魚

其九

崩堤壓故柳衰社臥寒樗野鶴能自獵江鷗解獨漁  
漢陰逢荷篠緇林見杖屨阮籍長思酒稽康懶著書

其十

披林求木實拂雪就園蔬濁醪非鶴髓蘭肴異蟹胥  
野情風月曠山心人事疏徒知守筮篲空欲報璠璣

率爾成詠

昔日謝安石求爲淮海人彷彿新亭岸猶言洛水濱  
南冠今別楚荆玉遂遊秦倘使如楊僕寧爲關外人

慨然成詠

新春光景麗。遊子離別情。交讓未全死。梧桐唯半生。  
值熱花無氣。逢風水不平。寶雞雖有祀。何時能更鳴。

奉和賜曹美人

月光如粉白。秋露似珠圓。絡緯無機織。流螢帶火寒。  
何年迎弄玉。今朝得夢蘭。訝許能含笑。芙蓉宜熟看。

熟字妙

和趙王看伎

綠珠歌扇薄。飛燕舞衫長。琴曲隨流水。簫聲逐鳳凰。  
細縷纏鐘格。圓花釘鼓牀。懸知曲不誤。無事畏周郎。

隨字二字  
便與詠問  
秀不同

奉答賜酒

仙童下赤城。仙酒餉王平。野人相就飲。山鳥一羣驚。  
細雪翻沙下。寒風戰鼓鳴。此時逢一醉。應枯反更榮。

秀句

奉答賜酒鵞

雲光偏亂眼。風聲特噤心。冷猿披雪嘯。寒魚抱凍沉。  
今朝一壺酒。寔是勝千金。負恩無以謝。惟知就竹林。

正旦蒙趙王賚酒

正旦辟惡酒。新年長命杯。柏葉隨銘至。椒花逐頌來。  
流星向枕落。浮蟻對春開。成都已救火。蜀使何時廻。

衛王贈桑落酒奉荅

醴甲斟瓊  
液一春酒  
興新矣

霜落寒風  
酒典飛動  
下雅字妙

愁人坐狹斜，喜得送流霞。跂窓催酒熟，停盃待菊花。  
霜風亂飄葉，寒水細澄沙。高陽今日晚，應有接離斜。

就蒲州使君乞酒

蕭瑟風聲慘，蒼茫雪貌愁。鳥寒栖不定，池凝聚未流。  
蒲城桑葉落，灞岸菊花秋。願持河朔飲，分勸東陵侯。

蒲州刺史中山公許乞酒一車未送

細柳望蒲臺，長河始一迴。秋桑幾過落，春蟻未曾開。  
瑩角非難馭，槌輪稍可催。只言千日飲，舊逐中山來。

答王司空餉酒

細酌勝雄  
飲百倍非  
深於酒者  
不知

今日小園中，桃花數樹紅。開君一壺酒，細酌對春風。  
未能扶畢卓，猶足舞王戎。仙人一捧露，判不及盃中。

舟中望月

舟子夜離家，開艫望月華。山明疑有雪，岸白不開沙。  
天漢看珠蚌，星橋視桂花。灰飛重暈闕，莫落獨輪斜。

望月

夜光流未曙，金波影尚賒。照人非七子，含風異九華。  
莫新半壁上，桂滿獨輪斜。乘舟聊可望，無假逐仙槎。

對雨

繁雲猶暗嶺，積雨未開庭。階含侵角路，鑊滿溜疎萍。  
濕楊生細槎，爛草變初螢。徒勞看蟻封，無事祀靈星。

喜晴

比日思光景，今朝始暫逢。雨住便生熱，雲晴卽作峰。  
水白澄還淺，花紅燥更濃。已歡無石燕，彌欲棄泥龍。

詠春近餘雪應詔

送寒開小苑，迎春入上林。絲條變柳色，香氣動蘭心。  
待花將對酒，留雪擬彈琴。陪遊愧竝作，空見奉恩深。

奉和初秋

落星初伏火，秋霜正動鍾。北閣連橫漢，南宮應鑿龍。  
祥鸞棲竹實，靈蔡上芙蓉。自有南風曲，還來吹九重。

晚秋

淒清臨晚景，疎索望寒階。濕庭凝墜露，搏風卷落槐。  
日氣斜還冷，雲峯晚更霾。可憐數行雁，點點遠空排。

和潁川公秋夜

沈寥空色遠，葉黃淒序變。洞浦落遵鴻，長飈送巢燕。  
千秋流夕景，百籟含宵囀。峻雉聆金柝，層臺切銀箭。

詠畫屏風詩

王孟之鼻祖

詞滴香賦  
謂筆之  
辨秋

浮橋翠蓋擁。平旦雍門開。石崇迎客至。山濤載妓來。  
水紋恒獨轉。風花直亂迴。誰能惜紅袖。寧用捧金杯。

其二

停車小苑外。下渚長橋前。澁菱迎擁楫。平荷直蓋船。  
殘絲繞折藕。菱葉映低蓮。遙望芙蓉影。只言水底然。

其三

昨夜烏聲春。驚鳴動四隣。今朝梅樹下。定有詠花人。  
流星浮酒泛。粟瑱繞杯脣。何勞一片雨。喚作陽臺神。

其四

逍遙遊桂花。寂絕到桃源。狹石分花逕。長橋映水門。  
管聲驚百鳥。人衣香一園。定知歡未足。橫琴坐石根。

其五

三春冠蓋聚。八節管絃遊。石險松橫植。巖懸澗豎流。  
小橋飛斷岸。高花出迴樓。定須催十酒。將來宴五侯。

其六

高閣千尋起。長廊四注連。歌聲上扇月。舞影入琴弦。  
澗水纔窓外。山花卽眼前。但願長歡樂。從今盡百年。

其七

拂太真之  
傾巾香浮  
三月何但  
一園  
小庾慣用  
橫字處處  
入妙此作  
豎字尤妙  
橋飛花出  
煞甚清新  
歌聲上扇  
舞影入琴  
出人尋味  
之外纔卽  
二字亦近  
亦遠



日○晚○金○槌○路○朱○軒○流○水○車○轆○拂○綠○堤○柳○薨○飄○夾○路○花○  
定○迎○劉○碧○玉○將○過○陰○麗○華○非○是○高○陽○路○莫○畏○接○離○斜○

其八

徘○徊○出○桂○苑○徙○倚○就○花○林○下○橋○先○勸○酒○跂○石○始○調○琴○  
蒲○低○猶○抱○節○竹○短○未○空○心○絕○愛○猿○聲○近○唯○憐○花○徑○深○

其九

千○尋○木○蘭○館○百○尺○芙○蓉○堂○落○日○低○蓮○井○行○雲○礙○芰○梁○  
流○水○桃○花○色○春○洲○杜○若○香○就○階○猶○不○進○催○來○上○伎○床○

其十

搗○衣○明○月○下○靜○夜○秋○風○飄○錦○石○平○站○面○蓮○房○接○杵○腰○  
急○節○迎○秋○韻○新○聲○入○手○調○寒○衣○須○及○早○將○寄○霍○嫫○姚○

其十一

出○没○看○樓○殿○間○關○望○綺○羅○翔○禽○逐○節○舞○流○水○赴○絃○歌○  
細○管○吹○藜○竹○新○杯○捲○半○荷○南○宮○冠○蓋○下○日○暮○風○塵○多○

其十二

玉○柙○珠○簾○捲○金○鈎○翠○幔○懸○荷○香○薰○水○殿○閣○影○入○池○蓮○  
平○沙○臨○浦○口○高○柳○對○樓○前○上○橋○還○倚○望○遙○看○採○菱○船○

其十三

詠物如此  
巧奪天工

出沒間關  
好摸畫

叠用實字  
却不堆垛

三分一倍  
傲穢實雅

高閣千尋跨重簷百丈齊雲度三分近花飛一倍低  
吹簫迎白鶴照鏡舞山雞何勞愁日暮未有夜鳥啼

其十四

用字為晚  
唐濼觴

河流值淺岸斂轡暫經過弓衣濕濺水馬足亂橫波  
半城斜出樹長林直枕河今朝遊俠客不畏風塵多

其十五

清沁入骨

度橋猶徙倚坐石未傾壺淺草開長埽行營繞細厨  
沙洲兩鶴迴石路一松孤自可尋丹竈何勞憶酒壚

其十六

絕對

上林春逕密浮橋柳路長龍媒逐細草鶴警映垂楊  
水似桃花色山如甲煎香白石青泉上誰能待月光

其十七

感里風光  
占斷春色

白石春泉滿黃金新埽開戚里車先度蘭池馬即來  
落花承舞席春衫拭酒杯行厨半路待載妓一雙迴

其十八

一往有傷  
氣

將軍息邊務校尉罷從戎池臺臨戚里絃管入新豐  
浮雲隨走馬明月逐彎弓比來多射獵唯有上林中

其十九

細心模擬  
靠

三危上鳳翼，九坂度龍鱗。路高山裏樹，雲低馬上人。  
懸巖泉溜響，深谷鳥聲春。住馬來相問，應知有姓秦。

其二十

聊開鬱金屋，暫對芙蓉池。水光連岸動，花風合樹吹。  
春杯猶雜泛，細菓尚連枝。不畏歌聲盡，先看箏柱欹。

其二十一

洞靈開靜室，雲氣滿山齋。古松裁數樹，盤根無半埋。  
愛靜魚爭樂，依人鳥入懷。仲春徵隱士，蒲輪上計偕。

其二十二

揚帝窺簾  
燕爭入穿  
林鳥亂飛  
相類

今朝好風日，園苑足芳菲。竹動蟬爭散，蓮搖魚暫飛。  
面紅新着酒，風晚細吹衣。跂石多時望，蓮船始復歸。

其二十三

金鞍聚積岸，玉軸泛中流。畫鷁先防水，媒龍即負舟。  
沙城疑海氣，石岸似江樓。岸槎時半沒，壞舸或空浮。  
定是汾河上，戈船聊試遊。

其二十四

竟日坐春臺，芙蓉承酒盃。水流平澗下，山花滿谷開。  
行雲數番過，白鶴一雙來。水影搖藜竹，林香動落梅。

模狀物態  
搜個隱隙  
海詩家之  
鷓鴣

直上山頭路，羊腸能幾迴。

贈周處士

九丹開石室，三徑沒荒林。仙人翻可見，隱士更難尋。  
籬下黃花菊，丘中白雪琴。方欣松葉酒，自和遊仙吟。

尋周處士弘讓

試逐赤松遊，披林對一丘。黎紅大谷晚，桂白小山秋。  
石鏡菱花發，桐門琴曲愁。泉飛疑度雨，雲積似重樓。  
王孫若不去，山中定可留。

鏡

楊炯女  
臨鏡詩從  
此想出

玉匣聊開鏡，輕灰暫拭塵。光如一片水，影照兩邊人。  
月生無有桂，花開不逐春。試挂淮南竹，堪能見四鄰。

梅花

當年臘月半，已覺梅花闌。不信今春晚，俱來雪裡看。  
樹動懸冰落，枝高出手寒。早知覓不見，真悔著衣單。

詠樹

交柯乍百頃，擢本或千尋。楓子留爲式，桐孫待作琴。  
殘核移桃種，空花植棗林。幽居對蒙密，蹊徑轉深沉。

鬪雞

不及何遜  
而高於蘇  
子卿

有此妙景  
無怪介鷁  
足以亂春

春水獨行  
人漸遠故  
同歸路夜  
空長卽此  
景

開軒望平子。驟馬看陳王。狸膏燠鬪敵。芥粉塏春塲。  
解翅蓮花動。猜羣錦臆張。

應令

望別非新館。開舟卽舊灣。浦喧征棹發。亭空送客還。  
路塵猶向水。征帆獨背關。

杏花

春色方盈野。枝枝綻翠英。依稀暎村塢。爛熳開山城。  
好折待賓客。金盤襯紅瓊。

庚子山集卷五終

庾子山集卷六

北周新野庾信著

明東海屠隆評

詩

集周公處連句

市朝一朝變，蘭艾本同焚。故人相借問，平生如所聞。

寄徐陵

故人倘思我，及此平生時。莫待山陽路，空聞吹笛悲。

寄王琳

玉關道路遠，金陵信使疎。獨下千行淚，開君萬里書。

情深語至  
孟襄陽多  
法此

國家圖書館 NATIONAL CENTRAL LIBRARY, TAIWAN, R.O.C.

奉和趙王

花徑日相携，花林鳥未棲。比看中郎醉，堪聞烏夜啼。  
和劉儀同臻

南登廣陵岸，迴首落星城。不言臨舊浦，烽火照江明。  
和庾四

離關一長望，別恨幾重愁。無妨對春日，懷抱只言秋。  
和侃法師三絕

秦關望楚路，灞岸想江潭。幾人應落淚，看君馬向南。  
其二

客遊經歲月，羈旅故情多。近學衡陽鴈，秋分俱渡河。  
其三

迴首河堤望，眷眷嗟離絕。誰言舊國人，到在他鄉別。  
送周尚書弘正

交河望合浦，玄菟想朱鳶。共此無期別，知應復幾年。  
其二

離期定已促，別淚轉無從。惟愁郭門外，應足數株松。  
重別周尚書

陽關萬里道，不見一人歸。唯有河邊鴈，秋來南向飛。

落句韻想  
悠然

徐陵別詩  
口惟有當  
秋月夜夜  
上河橋如

出一轍世  
得徐庾良  
其偶然

離思苦景  
洛神映箔  
湘妃語

其二

河橋兩岸絕橫岐。數路分山川。遙不見。懷袖遠相聞。  
贈別

藏啼留送別。拭淚強相參。誰言畜衫袖。長代手中滄。  
徐報使來止得一相見

一箇還千里。相思那得論。更尋終不見。無異桃花源。  
行途賦得四更應詔

四更天欲曙。落月垂關下。深谷暗藏人。欹松橫礙馬。  
和江中賈客

五兩開船頭。長橋發新浦。懸知岸上人。遙振江中鼓。  
奉和平鄴應詔

天策引神兵。風飛掃鄴城。陣雲千里散。黃河一代清。  
送衛王南征

望水初橫陣。移營寇未降。風塵馬足起。先暗廣陵江。  
仙山

金竈新和藥。銀臺舊聚神。相看但莫怯。先師應識人。  
其二

石軟如香餅。鉛銷似熟銀。蓬萊暫近別。海水遂成塵。

車馬兵威  
之盛如草  
野蛇影



一橫字半  
字有画意

時典清真  
原覺軒冕  
為俗

山齋

石影橫臨水，山雲半繞峯。遙想山中店，懸知春酒濃。

野步

值泉仍飲馬，逢花卽舉杯。稍看城闕遠，轉見風雲來。

山中

澗暗泉偏冷，巖深桂絕香。住中能不去，非獨淮南王。

閨怨

明鏡圓花發，空房故怨多。幾年留織女，還應聽渡河。

和趙王看妓

長思綉紗石，空想搗衣砧。臨叩若有便，爲說解琴心。

看舞

鸞迴不假學，鳳舉自相關。到嫌衫袖廣，恒長礙舉鬟。

聽歌一絕

協律新教罷，河陽始學歸。但令聞一曲，餘聲三日飛。

暮秋野興賦得傾壺酒

劉伶正捉酒，中散欲彈琴。但使逢秋菊，何須就竹林。

對酒

數杯還已醉，風雲不復知。唯有龍吟笛，桓伊能獨吹。

紅燭影迴  
仙態近那  
得不極飲

杜子美何  
西吹送落  
花來源發  
吳庚  
毫端剪削  
無有餘巧

春日極飲

檻前聞鳥嘯。園裡對花開。就中言不醉。紅袖捧金杯。

春望

春望上春臺。春牕四面開。落花何假拂。風吹會併來。

新月

鄭環唯半出。秦鈞本獨懸。若交臨酒影。堪言照弩弦。

秋日

蒼茫望落景。羈旅對窮秋。賴有南園菊。殘花足解愁。

望渭水

樹似新亭岸。沙如龍尾灣。猶言吟瞑浦。應有落帆還。

塵鏡

明鏡如明月。恒常置匣中。何須照兩鬢。終是一秋蓬。

和淮南公聽琴聞弦斷

嗣宗看月夜。中散對行雲。一絃雖獨韻。猶足動文君。

弄琴

雉飛催晚別。鳥啼驚夜眠。若交新曲變。惟須促一絃。

其二

不見石城樂。惟聞鳥噪林。新聲逐絃轉。應得動春心。

詠羽扇

搖風碎朝翻。拂汗落毛衣。定似回谿路。將軍垂翅歸。

題結綫袋子

交絲結龍鳳。鏤彩織雲霞。一寸同心縷。千年長命花。

賦得鸞臺

九成吹玉琯。百尺上瑤臺。能將秦女去。終是鳳皇來。

賦得集池鴈

逢風時迴度。逐侶乍爭飛。猶憶方塘水。今秋已復歸。

詠鴈

南思洞庭水。北想鴈門關。稻梁俱可戀。飛去復飛還。

忽見檳榔

綠房千子熟。紫穗百花開。莫言行萬里。曾經相識來。

賦得荷

秋衣行欲製。風蓋漸應欹。若有千年蔡。湏巢但見隨。

移樹

酒泉移赤柰。河陽徙石榴。雖言有千樹。何處似封侯。

奉梨

接枝秋轉脆。含情落更香。擎置仙人掌。應添瑞露漿。

我終不以  
鳳皇易美  
王

托况最深  
李肱霓裳  
羽衣曲見  
賞於唐只  
是祿不得  
他處此詩  
亦然

傷往

見月長垂淚。花開定斂眉。從今一別後。知作幾年悲。

其二

鏡塵言苦厚。蟲絲定幾重。還是臨窻月。今秋迴照松。

春日離合

秦青初變曲。未有逐琴心。明年花樹下。月月來相尋。

其二

田家足閒暇。士友暫流連。三春竹葉酒。一曲鴟鷄絃。

和廻文

旱蓮生竭鑊。嫩菊養秋鄰。滿池留浴鳥。分橋上戲人。

問疾封中錄

形骸違學宦。狹巷幸爲開。虹廻或有雨。雲合又含寒。

橫湖韻鶴下。迴溪狹猿還。懷賢爲榮衛。和緩惠綺紈。

示封中錄

貴館居金谷。關扃隔藁街。冀君見果顧。郊間光景佳。

其二

高階旣激澗。廣閣更交柯。葛巾久乖角。菊逕簡經過。

秋夜望單飛鴈

唐皮日休  
杜鵑雙聲  
存其體可  
耳

紅粉笙歌  
人代遠月  
明陵樹水  
東流與此  
詩合

失群寒鴈聲可憐，夜半單飛在月邊。  
無奈人心復有憶，今暝將渠俱不眠。

代人傷往

青田松上一黃鶴，相思樹下兩鴛鴦。  
無事交渠更相失，不及從來莫作雙。

其二

雜樹本唯金谷苑，諸花舊滿洛陽城。  
正是古來歌舞處，今日看時無地行。

庾子山集卷六終

庾子山集卷七

北周新野庾信著

明東海屠隆評

郊廟歌辭

周祀圓丘歌

昭夏 降神

重陽禋祀大報天丙午封壇肅且圜孤竹之管雲和  
絃神光未下風肅然王城七里通天臺紫微斜照影  
徘徊連珠合璧重光來天策斲轉鈎陳開

皇夏 皇帝入門

旌迴外墻。蹕靜郊門。千乘按轡。萬騎雲屯。藉茅無咎。掃地唯尊。揖讓展禮。衡璜節步。星漢就列。風雲相顧。取法於天。降其永祚。

昭夏

俎入

日至大禮。豐犧上辰。牲牢脩牧。繭栗毛純。俎豆斯立。陶匏以陳。大報反命。居陽兆日。六變鼓鐘。三和琴瑟。俎竒豆偶。惟誠惟質。

昭夏

奠玉帛

圓玉已奠。蒼幣斯陳。瑞形成象。璧氣含春。禮從天數。智總圓神。為祈為祀。至敬咸遵。

皇夏

皇帝升壇

七里是仰。八陛有憑。就陽之位。如日之升。思虔肅肅。致敬繩繩。祝史陳信。玄象斯格。惟類之典。唯靈之澤。幽顯對揚。人神咫尺。

雲門舞

初獻

獻以誠。鬱以清。山壘舉。沈齊傾。推尚饗。洽皇情。降景福。通神明。

雲門舞

初獻配帝

非重編密  
雅頌體裁

的是漢郊  
祀歌

長丘遠歷。大電遙源。弓藏高隴。鼎沒寒門。人生于祖。物本於天。莫神配德。迄用康年。

登歌

初獻及獻配帝畢奏

歲之祥。國之陽。蒼靈敬翠雲。長象爲飾。龍爲章。乘長日。坏蟄戶。列雲漢。迎風雨。六呂歌雲門。舞省滌濯奠牲牲。鬱金酒。鳳凰樽。迴天睠。顧中原。

皇夏

飲福酒

國命在禮。君命在天。陳誠唯肅。飲福唯虔。洽斯百禮。福以千年。鈎陳掩映。天駟徘徊。彤禾飾筭。翠羽承壘。受斯茂祉。從天之來。

雍夏

撤奠

禮將畢。樂將闌。迴日轡。動天關。翠鳳搖和鸞。響五雲。飛。三。步。上。風。爲。馭。雷。爲。車。無。轍。迹。有。煙。霞。暢。皇。情。休。靈。命。雨。留。甘。雲。餘。慶。

皇夏

就望燎位

六典聯事。九司咸則。率由舊章。于焉允塞。掌禮移次。燔柴在焉。煙升玉帛。氣歛牲牲。休氣馨香。管芳昭晰。翼翼虔心。明明上徹。

陰津都尽  
陽華獨存  
淵淵乎如  
出金石



惟取典常  
不木新特

焚香登王  
室端簡禮  
金陽宜禱  
鴻腸

脩合前古  
使事亦切

皇夏 還便殿

玉帛禮畢。神人事分。嚴承乃睠。瞻仰迴雲。輦路千門。  
玉城九軌。式道移候。司方迴指。得一惟清。於萬斯寧。  
受茲景命。於天告成。

周祀方澤歌 方澤舞辭同

昭夏 降神

報功陰澤。展禮玄郊。平琮鎮瑞。方鼎升庖。調歌孫竹。  
縮酒江茅。聲舒鐘鼓。器質陶匏。列耀秀華。凝芳都荔。  
川澤茂祉。丘陵容衛。雲飾山巒。蘭浮汎齊。日至之禮。

歆茲大祭

昭夏 奠玉帛

日若厚載。欽明方澤。敢以敬恭。陳之玉帛。德包含養。  
功藏靈迹。斯箱既千。子孫則百。

登歌 初獻

質明孝敬。求陰順陽。壇有四陛。琮分八方。牲牲蕩滌。  
蕭合馨香。和鸞戾止。振鷺來翔。威儀簡簡。鐘鼓喤喤。  
聲和孤竹。韻入空桑。封中雲氣。坎上神光。下元之主。  
功深蓋藏。

皇夏 望坎位

司筵撤席、掌禮移次、迴顧封壇、恭臨坎位、瘞玉埋俎、藏芬歛氣、是日就幽、成斯地意。

周祀五帝歌

皇夏 奠玉帛

嘉玉惟芳、嘉幣惟量、成形依禮、稟色隨方、神班其次、歲禮惟常、威儀抑抑、率由舊章。

皇夏 初獻

惟令之月、惟嘉之辰、司壇宿設、掌史誠陳、敢用明禮、

言功上神、鈎陳旦闢、閭闔朝分、旒垂象冕、樂奏山雲、將迴靈策、蹙轉天文、五運周環、四時代序、鱗次玉帛、循迴樽俎、神其降之、介福斯許、

青帝雲門舞 以下並初獻奏

甲在日鳥、中星禮東、后奠蒼靈、樹春旗、命青史、候鴈還、東風起、歌木德、舞震宮、泗濱石、龍門桐、孟之月、陽之天、億斯慶、兆斯年。

配帝舞

帝出於震、蒼德於神、其明在日、其位居春、勞以定國、

功以施人言從配祀近取諸身

赤帝雲門舞

招搖指午對南宮。日月相會實沈中。離光布政動溫風。純陽之月樂炎精。赤雀丹書飛送迎。朱絃絳鼓聲虔誠。萬物含養各長生。

配帝舞

以炎為政以火為官。位司南陸享配離壇。三和實俎百味浮蘭。神其茂豫天步艱難。

黃帝雲門舞

三光儀表正。四氣風雲同。戊巳行初曆。黃鍾始變宮。平琮禮內鎮。陰管奏司中。齋壇芝曄曄。清野桂馮馮。夕牢芬六鼎。安歌韻八風。神光乃超忽。嘉氣恒葱葱。

配帝舞

四時咸一德。五氣或同論。猶吹鳳凰管。尚對梧桐園。器圓居土厚。位總配神尊。始知今奏樂。還用我雲門。

白帝雲門舞

肅靈兌景承配秋壇。雲高火落露白蟬寒。帝律登年金精行令。瑞獸霜耀祥禽雪映。司藏肅殺萬寶咸宜。

漢縟可儼  
甘泉之賦

配帝歌多  
不如本帝  
非才不足  
格不可踰

五德惟上  
為和平歌  
亦如是

五氣四時  
咸兼者土  
也配帝  
歌及此一  
字不苟

染指枯毫  
白鳳欲逝

厥田上上收功在斯。

配帝舞

金行秋令。白帝朱宣。司正五雉。歌庸九川。執文之德。對越彼天。介以福祉。君子萬年。

黑帝雲門舞

北辰為政。玄壇北陸。之祀員官。宿設玄璜。浴蘭坎德。陰風御寒。次律將迴。窮紀微陽。欲動細泉。管猶調於陰竹。聲未入於春絃。待歸餘於送歷。方履慶於斯年。

配帝舞

歌法九歌  
得俱遺音

地始坼。虹始藏。服玄玉。居玄堂。沐蕙氣。浴蘭湯。匏器潔水。泉香涉。配彼福無疆。君欣欣。此樂康。

周宗廟歌

皇夏 皇帝入廟門

肅肅清廟。巖巖寢門。歆噐防滿。金人戒言。應輦懸鼓。崇牙樹羽。階變升歌。庭紛象舞。閑安追設。緝熙清奠。春籥初登。新萍先薦。優然入室。儼乎在位。悽愴履之。非寒之謂。

昭夏 降神

永維祖武。潛慶靈長。龍圖革命。鳳曆歸昌。功移上塲。  
德耀中陽。清廟肅肅。猛簏煌煌。曲高大夏。聲和盛唐。  
牲牲蕩滌。蕭合馨香。和鸞戾止。振鷺來翔。永敷萬國。  
是則四方。

皇夏

俎入皇帝升階

年祥辨日。上協龜言。奉酌承列。來庭駿奔。彫禾飾掌。  
翠羽承樽。敬殫如此。恭惟執燔。

皇夏

獻皇高祖

慶緒千重。秀洪源萬里。長無時猶。戢翼有道。故韶光。

盛德必有後。仁義終克昌。明星初肇慶。大電久呈祥。

皇夏

獻皇曾祖德皇帝

克昌光上烈。基聖穆西藩。崇仁高涉渭。積德被居原。  
帝圖張往迹。王業茂前尊。重芬德陽廟。疊慶壽陵園。  
百靈光祖武。千年福孝孫。

皇夏

獻皇祖太祖文皇帝

雄圖屬天造。宏略遇羣飛。風雲猶聽命。龍躍遂乘機。  
百二當天險。三分拒樂推。函谷風塵散。河陽氛霧晞。  
濟弱淪風起。扶危頽運歸。地紐崩還正。天樞落更追。

原祠乍超忽。畢隴或綿微。終封三尺劔。長卷一戎衣。

皇夏 獻文宣皇太后

月靈興慶。沙祥發源。功參禹迹。德贊堯門。言容典禮。綸狄徽章。儀形溫德。令問昭陽。日月不居。歲時晬晬。瑞雲纏心。闕宮惟遠。

皇夏 獻閔皇帝

龍圖基代德。天步屬艱難。謳歌還受瑞。揖讓乃登壇。升輿芒刺重。入位據關寒。卷舒雲汎濫。游揚日浸微。出鄭終無反。居桐竟不歸。祀夏今惟舊。尊靈謚更追。

以備河閉之意

皇夏 獻明皇帝

若水逢降君。窮桑屬惟政。丕哉馭帝籙。鬱矣當天命。方定五雲宮。先齊八風令。文昌氣似珠。太史河如鏡。南宮學已開。東觀書還聚。文辭金石韻。毫翰風飈暨。清室桂馮馮。齊房芝詡詡。寧思玉管笛。空見靈衣舞。

皇夏 獻高祖武皇帝

南河吐雲氣。北斗降星辰。百靈咸仰德。千年一聖人。書成紫微動。律定鳳凰馴。六軍命西土。甲子陳東隣。戎衣此一定。萬里更無塵。煙雲同五色。日月竝重輪。

張盛明  
千象藻艷  
初披

流沙既西靜。蟠木又東臣。凱樂聞朱鴈。鏡歌見白麟。  
今爲六代祀。還得九疑賓。

皇夏 歛福酒

禮殫裸獻。樂極休成。長離前揆。宗祀文明。縮酌浮蘭。  
澄鬯合鬯。磬折禮容。旋迴靈祝。受釐徹俎。飲福移樽。  
惟光惟烈。文子文孫。

皇夏 還便殿

庭闕四始。筵終三薦。顧步堦墀。徘徊餘奠。六育綺首。  
七萃警途。鼓移行漏。風轉相烏。翼翼從事。綿綿四

惟神降嘏。永言保之。

周大禘歌

昭夏 降神

律在夾鍾。服居蒼衮。杳杳清思。綿綿長遠。就祭於合。  
班神於本。來庭有序。助祭有章。樂舞六代。實歌二王。  
和鈴以節。儻革斯鏘。齊宮饌玉。鬱竽浮金。洞庭鐘鼓。  
龍門瑟琴。其樂已變。惟神是臨。

登歌 奠玉帛

神惟顯思。不言而令。玉帛之禮。敢陳莊敬。奉如弗勝。

嘗耐玉帛  
畢獻辭不  
維多

雲衢沛楚  
衛葵鞋  
皇輿

威秩無文  
之詩不在

薦如受命。交於神明。慤於言行。

燕射歌辭

周五聲調曲

序曰。元正饗會大禮。賓至食舉。稱觴薦玉。六律既從。八風斯暢。以歌大業。以舞成功。

宮調曲

氣離清濁。剖元開天地。分三才。初辨正。六位始成文。繼天爰立長。安民乃樹君。其明廣如日。其澤厚如雲。惟昔我文祖。撥亂拒謳歌。三分未撫運。八百不陵河。

禮敷天下信。樂正神人和。風塵行息警。江海欲無波。

又

我皇承下武。革命在君臨。應圖當舜玉。嗣德受堯琴。沈首多推運。陽城有讓心。就日先知遠。觀淵早見深。玄精實委御。蒼正乃皆平。履端朝萬國。年祥慶百靈。玉帛咸觀禮。華戎各在庭。鳳響中夷則。天文正玉衡。皇基自天保。萬物乃由庚。

模擬紫禁  
黃圖之盛  
不減李程  
自五色賦

握衡平地紀。觀象正天樞。祺祥鍾赤縣。靈瑞炳皇都。更受昭華玉。還披蘭葉圖。金波來白兔。弱水下蒼烏。



玉斗調元協念。富國租青丘。還擾圃丹穴。更巢梧。  
安樂新成慶。生百福符。

明明九族序。穆四門賓。陰陵朝北附。蟠木引東臣。  
澗途求版築。溪源取釣綸。多士歸賢戚。維城屬茂親。  
貴位連南斗。高榮據北辰。迎時乃推策。司職且班神。  
日月之所照。霜露之所均。永從文軌一。長無外戶人。

又

爵盤舒棟宇。崢嶸侔大壯。拱木詔林衡。全模徵梓匠。  
千櫨綺翼浮。百栱長虹抗。北去邯鄲道。南來偃師望。

景福靈光  
直以敷言  
撮其要

龍首載文樞。雲楣承武帳。居者非求隘。卑宮豈難尚。  
壯麗天下觀。是以從肅相。

變宮調

帝遊光出震。君明擅在離。巖廊惟眷顧。欽若尚無爲。  
龍穴非難附。鸞巢欲可窺。具茨應不遠。汾陽寧足隨。  
烝民播植重。溝洫劬勞多。桑林還注雨。積石遂開河。  
明徵逢永命。平秩值年和。更有薰風曲。方聞晨露歌。

又

移風廣軒曆。崇德盛唐年。成文興大雅。出豫動鈞天。

黃鍾六律正。閭闔八風宣。孤竹調陽管。空桑節雅弦。  
舞林鸞更下。歌山鳳欲前。聞音能辨俗。聽曲乃思賢。  
感物觀治亂。心恒防未然。君子得其道。太平何有焉。

商調曲

君以宮唱。寬大而謨明。臣以商應。聞義則可行。有熊  
爲政。訪道於容成。殷湯受命。委任於阿衡。忠其敬事。  
有罪不逃刑。誦其箴諫。言之無隱情。有剛有斷。四方  
可以寧。旣頌旣雅。天下乃升平。專精一致。金石爲之  
開。動其兩心。妻子恩情乖。苟利社稷。無有不盡懷。昊  
天降祐。元首唯康哉。

百川俱會。大海所以深。羣材旣聚。故能成鄧林。猛虎  
在山。百獸莫敢侵。忠臣處國。天下無異心。昔我文祖。  
執心且危慮。驅剪豺狼。經營此天步。今我受命。又無  
敢逸豫。惟爾弼諧。各可知兢懼。

禮樂旣正。神人所以和。玉帛有序。志欲靜干戈。各分  
符瑞。俱誓裂山河。今日相樂。對酒且當歌。道德以喻。  
聽。撞鍾之聲。神姦不若觀。鑄鼎之形。鄴宮旣朝。諸侯  
於是穆。岐陽或狩。淮夷自此平。若涉大川。言憑於舟。

廣子山集卷七  
檝如和鼎實。有寄於鹽梅。君臣一體。可以靜氛埃。得人則治。何世無奇才。

風力是舉。而台階序平。重黎既登。而天地位成。功無與讓。銘太常之旌。世不失職。受駢毛之盟。輯瑞班瑞。穆穆於堯門。惟翰惟屏。膺膺於周原。功成而治定。禮樂斯存。復子而明辟。姬旦何言。

角調曲

止戈見於絕轡之野。稱伐聞於丹水之征。信義俱存。乃先忘食。五材竝用。誰能去兵。雖聖人之大寶曰位。實天地之大德曰生。涇渭同流。清濁異能。琴瑟竝御。雅鄭殊聲。擾擾烝人。聲教不一。茫茫禹跡。車軌未并。志在四海。而尚恭儉。心包宇宙。而無驕盈。言而無文。行之不遠。義而無立。勤則無成。惻隱其心。訓以慈惠。流宥其過。哀矜典刑。

匡贊之士。或從漁釣。雲雨之才。乍嘆幽谷。尋芳者追深徑之蘭。識韻者探窮山之竹。克明其德。貢以三事。樹之風聲。言於九牧。協用五紀。風若從事。農用八政。甘作其穀。殊風共軌。見之周南。異畝同穎。聞之康叔。

玉碎齋而  
珠圓融

祁寒暑雨。是無胥怨。天覆雲油。滋焉滲漉。幸無謝上。古之淳人。庶可以封之于比屋。

### 徵調曲

乾坤以含養覆載。日月以貞明照臨。達人以四海爲務。明君以百姓爲心。水波瀾者源必遠。樹扶疎者根必深。雲雨取施無不洽。廊廟求才多所任。

淳風布政常無欲。至道防人能變俗。求仁義急於水火。用禮讓多于菽粟。屈軼無佞人可指。獬豸無繁刑可觸。王道蕩蕩用無爲。天下四人誰不足。

娉婷女子  
曼舞霓裳

惟淡冲融  
升教坊聲  
琴

沙欲勝琴  
風雨橫厲

聖人千年始一生。黃河千年始一清。攝提以之而從紀。玉燭於是而文明。東南可以補地缺。西北可以正天傾。浮龜則東海可厲。運鍾則南山可平。衆仙就朝於瑤水。羣帝受享於明庭。懷和則韎任竝奏。功烈則鐘鼎俱銘。

三光以記物呈形。四時以裁成正位。雷風大山岳之響。寒暑通陰陽之氣。武功則六合攸同。文教則二儀經緯。有道則咸浴其德。好生則各繁其類。白日經天中則移。明月橫漢滿而虧。能虧能缺。旣無爲。雖盈雖

滿則不危。開信義以爲苑囿。立道德以爲城池。周監  
二代所損益。郁郁乎文。其可知。庖犧之親臨佃漁。神  
農之躬秉耕稼。湯則救旱而憂勤。禹則正冠而無暇。  
草上之風無不偃。君子之旰知可化。將欲比德於三  
皇。未始追踪於五霸。

纖纖不絕。林薄成涓。涓不止。江河生。事之毫髮無謂。  
輕慮遠防。微乃不傾。雲官乃垂拱。大君鳳曆。唯欽明  
元首。類上帝而禋六宗。望山川而朝羣后。地鏡則山  
澤俱開。河圖則魚龍合負。我之天網。莫不該。闔闔九

關。天門開。卿相則風雲玄感。匡贊則星辰下來。旣興  
周室之三聖。乃舉唐朝之八才。莘臣參謀于左相。大  
老教政於中台。其宜作則於明哲。故無崇信於姦回。

又

正陽和氣。萬類繁。君王道合天地尊。黎人耕植於義  
圃。君子翱翔於禮園。落其實者思其樹。飲其流者懷  
其源。咎繇爲謀不仁遠。士會爲政羣盜奔。克寬則昆  
蟲內向。彰信則殊俗宅。心浮橋有月。支抱馬上苑。有  
烏孫學琴。赤玉則南海輸。賚白環則西山獻。琛無勞

庚子山集 卷一  
鑿空於大夏不待蹶角於躡林

羽調曲

筆所未到  
氣已吞文  
中亦有八  
駿

樹君所以牧人立法所以靜亂首惡既其南巢元兇  
於是北竄居休氣而四塞在光華而兩且是以雨施  
作解是以風行唯渙周之文武洪基光宅天下文思  
千載克聖咸熙七百在我應期實昊天有成命惟四  
方其訓之

大者嶙嶙  
卜者崑崙  
皆成至寶

運平後親之俗時亂先疎之雄踰桂林而驅象濟弱  
水而承鴻既浮千呂之氣還吹八律之風錢則都內

雲飛太華  
九葉長安  
如此華美

貫朽倉則常平粟紅火中乃寒乃暑年和一風一雨  
聽鐘磬念封疆聞笙竽思蓄聚瑤琨篠蕩既從怪石  
鉛松卽序長樂善馬成廐水衡黃金爲府

百川乃宗巨海衆星是仰北辰九州攸同禹跡四海  
合德堯臣朝陽栖于鳴鳳靈時牧于般麟雲玉葉而  
五色月金波而兩輪涼風迎時北狩小暑戒節南巡  
山無藏於紫玉地不愛於黃銀雖南征而北怨實西  
略而東賓既永清於四海終有慶於一人

定律零陵玉管調鐘始平銅尺龍門之下孤桐泗水

窮搜旁採  
皆是驪龍

頤下之物

之濱鳴石。河靈於是讓珪。山精所以奉璧。滌九川而賦稅。乘三危而納錫。北里之禾六穗。江淮之茅三春。可以玉檢封禪。可以金繩探冊。終永保於鴻名。足揚光于載籍。

山沒二雅  
馳驟尚書

太上之有立德。其次之謂立言。樹善滋於務本。除惡窮於塞源。冲深其智。則厚昭明其道。乃尊仁義之財。不匱。忠信之禮無繁。動天無有不屆。唯時無幽不徹。作德心逸。日休。作僞心勞。日拙。自非剛克掩義。無所離於勦絕。

卷終

庾子山集卷第八

北周新野庾信著

明東海屠隆評

表

賀平鄴都表

起有局陣

臣某言。臣聞太山梁甫。以來卽有七十二代。龍圖龜書之後。又已三千餘年。雖復制法樹司。禮殊樂異。至於文離武落。剡木弦弧。席卷天下之心。包含八荒之志。其揆一矣。伏惟皇帝陛下。握天樞。秉地軸。駕馭風雲。驅馳龍虎。沉雄內斷。不勞謀於力。牧天策。勇決無

表



霓旌羽蓋  
曜一世

待問於容成。是以威風所振。烈火之遇。鴻毛。旗鼓所  
臨。衝風之卷。秋葉。竊聞伊洛戎夷。幽并僭僞。抱圖載  
籍。已歸丞相之府。銜玉繫綬。竝詣中軍之營。百年逋  
誅。遂窮巢窟。三代敵怨。俄然掃蕩。昔周王。翰水之師。  
尚勞再駕。軒轅上谷之戰。猶須九代。未有一朝指麾。  
獨決神慮。平定寓內。光宅天下。二十八宿。止餘吳越。  
一星千二百國。裁漏麟洲小水。若夫咸康之年。四方  
始定。建武之代。諸侯竝朝。不得同年而語矣。雖復八  
風竝唱。未足頌其英聲。六樂俱陳。無以歌其神武。坐  
釣臺而誓衆。妣啓繼夏禹之功。入商郊而問罪。姬發  
成周文之志。無改之道。大孝也歟。當今鹿臺已散。離  
宮已遺。兵藏武庫。馬入華山。立明堂之制。奏大武之  
樂。盛矣哉。上天降休。未之有也。政須東南一尉。立於  
比景之南。西北一候。置於交河之北。然後命東后。詔  
蒼冥。衢壇琬碑。銀繩瓊檢。告厥成功。差無慙德。臣忝  
竊榮幸。蒞政東藩。不獲躬到闕庭。預觀大慶。不勝鳧  
藻踊躍之至。謹遣主簿陪臣曹敏。奉表以聞。

賀新樂表

周武帝

鍾得住

臣等言。臣聞天地順動。則雷出為豫。聖人成功。則風行有節。故六德在咸池之宮。山谷可調。八風入承雲之奏。人神不雜。我太祖文皇帝。體國經野。設官分職。變魏作周。移風正雅。衣裳而朝萬國。珪璧而會諸侯。至如經綸圖籍。校讐煙燼。樂正無缺章。秩宗無廢典。豈但商頌十篇。得諸太師之室。虞書五禮。取於恭王之宮。伏惟皇帝以下武嗣。與中陽繼業。運日月之明。動淵泉之慮。律歷著微。無煩於太史。陰陽晷度。躬定於天官。故得參考八音。研精六代。封晉魏為二王序。

煥熾有焯  
出於胚渾  
入於鴻蒙

每於轉處  
鴻藻發開

殷周為三恪。雖復朱于玉戚。尚識典刑。素黻纁裳。猶因雄據。未若山雲特起。八卦成形。鳳皇于飛。九州觀德。改金奏於八列。合天元於六舞。聲含擊石。更入登歌。調起初鍾。還參玉管。足以感天地而通神明。康帝德而光玄象。昔者齋居玄扈。為曲在於雲門。師度盟津。習舞歸于山立。遂乃包括三名。克諧一代。作者之謂聖。天之所啓乎。豈惟路鼓靈鼗。空桑孤竹。廣矣大矣。輪焉奭焉。是知零陵孝廉。空傳玉管。始平太守。虛稱銅尺。臣等竝預鈞天。同觀張樂。軒墀弘敞。欄檻眺

餘音猶自  
縹緲

聽崇牙業業。猛篋趙趙。翠鳳揚旌。靈鼉樹鼓。杳冥雲霧。蕩薄丘陵。醴泉與甘露同飛。赤鴈與斑麟俱下。聘魯請觀。理當見其盛德。適齊忘味。定是知其盡美。昔淵魚聽曲。尚得聳鱗。櫪馬聞絃。猶能仰秣。臣等誠愧知音。敢忘悅豫。若使詳其音律。是所邈然。但能記其鏗鏘於茲。爲幸。不勝慶悅之誠。謹詣朝堂奉表以聞。爲閭大將軍乞致仕表。

臣某言。臣聞禮云。大夫七十。致仕於朝。傳家於子。膳則貳珍。衣稱時制。臣自出身奉國。四十餘年。遭遇風雲。從微至著。太祖文皇帝。扶危濟難。奄有關河。臣實無堪。中涓從事。自洛食風塵。河梁旗鼓。華陰有白馬之兵。河曲有黃沙之陣。臣雖用命。不能奇策。功薄賞厚。因人成事。恩澤年表。常以愧心。仰逢周朝。以揖讓登庸。謳歌受命。主貴臣遷。頻煩榮寵。三槐以鑄鼎象。物知其神。姦五等以桓珪。飾瑞守其宮室。臣以何德兼而有之。况復水土之職。王梁以應讖。受徵兵戈之。王韓信以登壇。獨拜語其連類。臣又何人。當今四海未寧。三方鼎峙。陛下勞心之日。羣公展效之秋。而臣

甲子既多。耄年又及。無忝賓客之事。謬達諸侯之班。尸祿素餐。久紊彝典。負乘致寇。徒煩有司。加以寒暑乖違。節宣失序。風水交侵。菁華已竭。雖復廉頗強飯。馬援據鞍。求欲報恩。何能爲役。榮啓期之樂。適足自貽。燭之武之言。無能爲也。特乞解所居官。言從初服。事符骸骨之請。非謀几杖之賜。若臣北陵移病。東臯歸老。山河茅社。一反司勳。公侯珪璧。還封典瑞。則朝無冒位之人。臣免妨賢之責。虞氏養老。敢希東序之榮。周朝如荼。豈望西郊之禮。但瞻仰天威。方違咫尺。徘徊城闕。私增悽戀。不任知止之情。

代人乞致仕表

臣邈言。臣聞一葉將隕。寧待於風。露百川皆到。自竭者。潢汗。臣輒感之。以悲以咽。臣某中謝。臣仲春之末。舊患漸加。雙足頗蹇。四支不利。扶步有邛。鄆之失勉。視無離婁之明。安可率此畱務。溷茲恒典。陛下恩周曲成。未忍捐棄。微臣困至於亟。轉不堪勝。臣所以自咎自傷。淚繼之血。臣某中謝。臣特承先緒。進不因人。陛下憫臣無用。舉直而有戇。自奉圖太極。宣綍中書。

陛下收臣以一心任臣以獨掌九年冀登宰輔八歲載踐宗伯出擁干旄入叅衡鏡或雲臺之上微臣預疇咨之旨或日觀之下詔臣操刊勒之文美而暢之臣實尤忝明憲不敢以纖負玄造竟微於滴助日月其媮冰炭交集誠懷伏以前陪政事親荷德音謂臣等經侍軒墀子孫尚延保護臣荷螻蟻歛戴丘山臣宜生亦盡命死且陳力竊不知終而不知止朝列三數與臣同儕臣未六十推臣則幼獨臣彌當頓頓病不俟年盈量窮涯滿而招損逾時每乖於勿藥永日猶繫於苞桑覽分必然貪榮所忌伏乞免臣見職退畢餘生察臣榮不可支矜臣分不能強廼臣之幸也豈悟仁壽之闈有此一時承明之廬無緣再謁心神已弊晷刻增悲叨睿鑒則多士莫先違聖顏則小臣何遠惟冀三條啓道萬乘巡京悅西怨之羣黎逮東風之從者危蒐倘駐枯骨如存是臣之愜非臣所望臣又聞驅奔効駕先輟於羸駘翔集賀成近遺於鍛翻彼尚知暮而况臣哉聞未遑請臣之懇戀至於隳官臣合書罪無任戰慄懇結之至

曲終振響

表

齊王進白兔表

臣聞輿圖欲遠。則玉虎晨鳴。轍迹方開。則銀驪入貢。伏惟陛下。明明在上。翼翼居尊。德動天關。威移地軸。是以風煙照燭。毛羽禎祥。史不絕書。府無虛日。臣受服元戎。用綏邊鄙。轅門所屆。始次熊山。前茅慮無。乃獲白兔。光鮮越雉。色麗秦狐。月德符徵。金精表瑞。呈祥輿頌。効異披圖。尊敬之迹。旣明。應事之機。斯兆。臣之龔行。從陝略瑞。以素質彌雄。西氣庶重。承廟筭。方事申威。揜代齊分。韓裂趙。不任鳧藻踊躍之情。

傳會生情  
想當然耳

齊王進蒼烏表

臣某言。臣聞飛南陽之雉。尚闡霸圖。下建章之鵠。猶調和氣。况乃虞庭告瑞。姬社呈祥。咸高識哺之心。實

頌在抑揚  
作表當以  
此爲式

貴能知之性。伏惟皇帝陛下。德教百姓。孝刑四海。攝提從紀。天下文明。是以東海輸禽。乍改黔質。西山度羽。或變蒼精。臣去月三十日。行到陝州。獲大都督莫仁。回樂列。稱於州射堂內。見一蒼烏。林薄回翔。循環不去。駐乘木之精。轉司風之翼。卽召儀同某甲等。同時觀見。斯實禮敬所覃。孝慈之感。理宜歸瑞秘圖。書

新粧明艷  
絕世佳人

祥帝冊用光至德。取効升平。無令赤鳳留止。偏爲瘞玉之歌。玄鶴徘徊。獨擅銜珠之舞。

齊王進赤雀表

臣某言。臣聞南陽雉飛。尚論秦霸。建章鵠下。猶明漢德。當今天不愛寶。地必呈祥。自應長樂觀符。文昌啓瑞。伏惟皇帝欽明文思。惟以劬勞成務。曆象日月。允釐百工。海水無波。天星不動。去四月十三日。獲隴右符。府參軍李暉牒。稱戶屬秦川。清水郡伯陽縣文谷林在家庭。獲一赤雀。光同朱鳳。色類丹烏。降火飛精。似入公車之府。流金成製。若上凌雲之臺。謹按赤雀銜書。止於鄴戶。周之受命。興乎此祥。卽事所觀。同符合契。實可圖形。瑞譜書頌。儒林事足。成臺名堪。紀號豈直雲中。太守見赤心之奉主。蓬萊童子知白環之報恩。臣等預觀休徵。情迫恒慶。不任鳧藻之至。

爲晉陽公進玉律秤尺斗升表

臣某言。臣聞三才旣立。君臣之道已陳。六位時成。禮樂之功斯正。故以叶和日月。測度陰陽。悅豫兆人。儀刑萬國者也。伏惟皇帝應籙馭天。披圖受命。據太陽

典詞賡  
動聽

說在律上  
生頌淵玄  
澄澈

採擷菁葱

而懸像。履文昌而建極。白環表讓德之符。玄珪告成  
功之瑞。太階既平。升中可習。必當水建千年。山稱萬  
歲。伏見勅旨。刊正音律。平章曆象。奏黃鍾而歌大呂。  
變孤竹而舞雲門。莫不遠取疎通。聲從安樂。四分既  
明。三微且定。是以聞鐘於洛浦。卽辨聲乖。聽鐸於邯  
鄲。先知響韻。二分二至。行於司曆之官。九變九成。被  
於中和之職。足以動天地。感鬼神。被風俗。平寒暑。豈  
直吟嘯谿谷。回翔鸞鳳而已哉。是知零陵廟前。徒尋  
舜管。始平城下。空論周尺。臣聞上制其禮。下習其儀。  
君定其法。臣行其事。謹造玉律一具。并玉秤尺斗升  
合等。始得成功。至於分粟累黍。量絲數籥。實以仰稟  
聖規。參詳神思。所冀節移陰管。無勞河內之灰。氣動  
陽鍾。不待金門之竹。而琬琰事輕。般倕慮淺。不足展  
乎成均。增輝度量。賈噐奉表以聞。

### 進象經賦表

臣某言。臣伏讀聖製象經。并觀象戲。私心踴躍。不勝  
抃舞。伏以性與天道。本絕尋求。直以懸諸日月。遂獲  
瞻仰。九州既奠。近對河圖。四轍中繩。全觀玉策。未飛



弘詞韻句  
衝口而成

玄鶴先聞金石之聲。不上赤城。獨見煙霞之氣。置管而測。光景愈高。沉玉而觀。淵泉益遠。寢不自涯。課虛爲賦。詞非寥亮。學無雕刻。遂敢陳述。誠爲厚顏。况復日之遠近。本非童子所問。天之渾蓋。豈是書生所談。冒用奏聞。伏增流汗之至。

賀傳位於皇太子表

臣某言。伏見二月十九日。詔傳位於皇太子。昔者降居弱水。登庸有優劣之殊。來朝櫟陽。繼體有君臣之異。不得與夫天之兩日。日之再中。竝曜聯輝。重明雙

善於鋪揚

巧奪天孫  
之杼

照同年而語矣。伏惟天元皇帝。唯聖作聖。惟親尊親。降意於與能。鳴謙於神器。欲令百二相和。光聞揖讓之風。天下無爲。早識吾君之子。是以運獨見之明。行非常之事。先天不違。後天而奉。皇太子身貞萬國。道照四門。夙膺再命之符。實允基天之命。非關復子明辟。異於遷虞事夏。旣損旣益。尚或二天爲離。爲火何妨。兩日且平。陽蒲坂賢臣。則二十五人。顓頊高辛才子。則一十六族。與此計事。何遽無成。襲乎鼓之。軒乎舞之。自當八風通慶。雲聚五老同遊。三星運曜。豈直

與以美名  
足令心喜

雙龍再賜。九雉重飛而已哉。皇帝邈然姑射。正當乘雲馭龍。問道崆峒。豈復先秋木落。生預堯年。時逢舜日。覩惟新之慶。實倍萬恒情。

爲杞公讓宗師驃騎表

臣聞堯分四岳。是以望秩山川。舜命九官。是以光華日月。必須儀刑以德。明試以功。乃可協和萬邦。咸熙庶績。臣幼無學植。長闕裁成。鴻都之門。不能定其章句。雞鹿之塞。無以名其碑碣。憑天潢之派。水附若木之分。枝東岳則朝宿有名。南宮則門闌有籍。在臣庸

唯暢亦復  
棲惻

劣久之滿盈。武陽以功臣之重。特拜宗師。東平以母弟之尊。超登上將。臣有何德。能兼此榮。臣早傾庭蔭。曾未扶墻。母氏慈訓。哀矜苦勞。甫及成人。復垂捐棄。几筵如在。志離鞠養之恩。終天無報。叩地難任。欲草上丘陵。終身瑩域。霜露申履時之感。鷲雀展廻翔之心。不悟天澤沛然。謬垂提掖。當今玉燭調和。旣非金革之世。璿璣齊政。豈忘松楸之餘。况復一枝蹠曲。終危九層之臺。一股涔蹄。必傷千里之駕。皇帝欽明文思。光宅區宇。禮格四方。無容奪臣此志。孝治天下。自

當哀臣此情。太宗爲師。更求同姓之國。元戎叅乘。別選能賢之臣。伏願覽青蒲之奏。曲允微誠。詔鳳皇之池。特收嚴召。則天慈無濫。私願獲從。臣之容身。便當有地。

功臣不死王事請門襲封表

臣聞以法施民。必傳祀典。以勞定國。必有承家。孫叔敖祭酹無聞。有傷良相。女叔齊胤嗣絕沒。實貶賢臣。謹案大統十六年格。先有封爵。死於王事。絕嗣者。聽以支子繼襲。非死王事。不許承封。前牒五等功臣。皆

委曲篤厚如此非吳老公薄心腸諸嗣所能臣也

案符隆爲毛謙此功臣之所以長嘆

是勤勞王室。身當患難。扞禦災禍。翼贊大猷。一日遇疾。身捐館舍。不幸無胤。享祀便絕。於禮則不足。於義則有傷。未求上林之獵。已削其侯。不服襜褕之衣。先除其國。伏惟皇帝。崇德旌庸。興亾繼絕。聞鼓鼙而思將帥。畫雲臺而念舊臣。豈有功存社稷。而無後可守。事盡忠貞。而無祠可祭。周於蕃屏。爲約事在世。功漢以山河爲誓。義存長久。臣聞存人之國。大於救人之災。立人之後。重於封人之墓。竊以殷朝繼及。無廢小宗。周室興亾。貴存身後。紹高密者。累葉豈專。鄧禹之

信口吐出  
皆成珂珮  
陸宦公奏  
議之鼻祖

正胤嗣平陽者重世何必曹參之嫡孫愚謂生有其  
勞死非王事雖在支庶並聽承襲幸使伯有之魂不  
能爲厲若敖之鬼其無餒而幽顯對揚人神咫尺

庾子山集卷八終

庾子山集卷九

北周新野庾信著  
明東海屠隆評

啓

謝滕王集序啓

取材最窮  
究

紫微懸映。如傳闕里之書。青鳥遙飛。似送層城之壁。  
若夫甘泉宮裏。玉樹一叢。玄武闕前。明珠六寸。不得  
譬此光芒。方斯照燭。有節有度。卽是能平八風。愈唱  
愈高。始欲去天三尺。殿下雄才。蓋代逸氣。橫雲濟北。  
顏淵。關西孔子。譬其毫翰。則風雨爭飛。論其文彩。則

魚龍百變。蒲桃繞館。新開碣石之宮。修竹夾池。始作  
睢陽之苑。琉璃泛酒。鸚鵡承杯。鳳穴歌聲。鸞林舞曲。  
况復行雲逐雨。迴雪隨風。湖陽之尉。既成爲喜之因。  
春陵之侯。便是銷憂之地。某本乏材用。無多述作。加  
以建鄴陽九。劣免儒劓。江陵百六。幾從士隴。至如殘  
編落簡。竝入塵埃。赤軸青箱。多從灰燼。比年痾恙。彌  
留。光陰視息。桑榆已逼。蒲柳方衰。不無秋氣之悲。實  
有途窮之恨。是以精采。督亂。頗同宋玉。言辭。蹇吃。更  
甚揚雄。一吟一詠。其可知矣。好事者不求知音者不

用。非有班超之志。遂已棄筆。未見陸機之文。久同燒  
硯。至於凋零之後。殘缺所餘。又已雜用。補袍隨時。覆  
醬。聖慈憐愍。遂垂存錄。始知揄揚過差。君子失辭。比  
擬縱橫。小人迷惑。荆玉抵鵲。正恐輕用。重寶龍淵。削  
玉豈不徒勞。神慮匠石。迴顧朽材。變於彫梁。孫陽一  
言奔蹄。成於駿馬。故知假人延譽。重於連城。借人羽  
毛。榮於尺玉。溟池九萬里。無踰此澤之深。華山五千  
仞。終愧斯恩之重。卽日金門細管。未動春灰。石壁輕  
雷。尚藏冬蟄。伏願聖躬。與時納豫。南陽寶雉。幸足觀

瞻。鄴。縣。菊。泉。差。能。延。壽。伏。遲。至。鄴。可。期。從。梁。有。日。同。  
杞。子。之。盟。會。必。欲。瞻。仰。風。塵。共。薛。侯。而。來。朝。謹。當。逢。  
迎。冠。蓋。魚。腸。尺。素。鳳。足。數。行。書。此。謝。辭。終。知。不。盡。

答趙王啓

仰承張幕全韓連營上地澠池置陣解鄧禹之圍函  
谷開關削王元之印蜂旗朝上刁斗夜鳴彌雄壯士  
之心足起橫行之志况復才人出娉還得賢夫塞外  
有夫人之城軍中有女子之氣都尉青旗卽時春色  
將軍大樹已復花開雲氣浮壘流星泛枕細舞長歌

橫簫直笛當乎此時青雲之上信不學無術本分泥  
沉忽逢天造搜揚仄陋今者遂總憲司預聞刊鼎獻  
歲刑書旣應懸法上春木鐸方須徇人但年髮已秋  
性靈久竭嘉石肺石無以測量舌端筆端惟知繁擁  
垂展一月遂涉兩年傾首東瞻山河千里風塵未盡  
霜露霑衣仰願珍宜以爲身寶

謝趙王示新詩啓

八體六文足驚毫翰四始六義實動性靈落落詞高  
飄飄意遠文異水而湧泉筆非秋而垂露藏之山崑

遷延顧盼  
光彩動人

可使雲霧鬱起。濟之江浦。必當蛟龍繞船。首夏清和。  
聖躬怡裕。琉璃彤管。鵲顧鸞迴。婉轉綠沉。猿驚鴈落。  
下風傾首。以日爲年。犍爲舍人。實有誠願。碧鷄主簿。  
無由遂心。寂寞荆扉。疎蕪蘭徑。駮駕來梁。未期卜日。  
遣騎到鄴。希垂枉道。

謝趙王賚絲布等啓

鄭叡至。蒙賜絲布綾等十段。王褒至。又蒙賜許錢等。  
望外之恩。實符大賚。非常之錫。乃溢生涯。曳練且觀。  
無勞白馬之望。流泉欲委。佇見青鳧之飛。楊池掘荷。  
李園移樹。旣欣谷利。彌思青木。陳留下粟。有媿深恩。  
櫟陽雨金。翻慚曲施。靈臺久客。從此數炊。黍谷長寒。  
於今更暖。從雲夢之田。不喻此樂。得豐城之劍。未均。  
斯喜。

謝趙王賚絲布啓

去冬凝閉。今春嚴勁。霰似瓊田。凌如鹽浦。張超之壁。  
未足鄣風。袁安之門。無人開雪。覆鳥毛而不暖。燃獸。  
炭而逾寒。遠降聖慈。曲垂矜賑。論其蠶月。始罄桑車。  
津實秉杼。幾空織室。遂令新市數錢。忽疑敗綵。平陵。

人已事政  
以不貼題  
佳



妙境真境

月夜驚聞擣衣。妾遇新練自然心。伏妻聞裂帛。方當含笑。莊周車轍。實有涸魚。信陵鞭前元非窮鳥。仰蒙經濟。伏荷深慈。

謝趙王賚絲布啓

某息苟娘。昨蒙恩引。曲賜絲布等五段。南冠獲宥。既預禮延。稚子勝衣。還蒙拜謁。關尹津梁之織。鄴地雙絲。扶風彩文之機。仙園獨璽。青衿宜襲。書生無廢學之詩。眼旣成童子。得雩沂之舞。况復栖烏挾子。同之恩澤。雉將雛共喜。行春之令。根株一潤。枝

葉俱榮。

謝趙王賚白羅袍袴啓

程據上表。空論雉頭。王恭入雪。虛稱鶴氅。未有懸機巧綜。變躡奇文。鳳不去而恒飛。花雖寒而不落。披千金之暫暖。棄百結之長寒。永無黃葛之嗟。方見青綾之重。對天山之積雪。尚得開衿。冒廣樂之長風。猶當揮汗白。龜報主終自無期。黃雀謝恩。竟知何日。

謝滕王賚巾啓

奉教。垂賜鹿子巾一枚。解角新胎。戴藤初孕。落星交

艷奪目睛

纖麗

意頭自雋

映連珠疎點盤龍之刀既剪長命之縷仍縫翠羽懸  
推芙蓉高讓遊斯隱士足笑鼓皮入彼春林方誇笋  
籜某蓬鬢髮颯衰容者朽三秋不沐實荷今恩十年  
一冠彌欣此賚

謝明皇帝絲布等啓

比年以來殊有關乏白社之內拂草看冰靈臺之中  
吹塵視甌懟妻狠妾既嗟且憎瘠子羸孫虛恭實怨  
王人忽降大賚先臨天帝賜年無踰此樂仙童贈藥  
未均斯喜張袖而舞玄鶴欲來撫節而歌行雲幾斷

風雨之生  
來無處所

所謂舟楫無岸海若爲之反風薺麥將枯山靈爲之  
出雨况復全抽素蠶雪板疑傾併落青鳧銀山或動  
是知青牛道士更延將盡之命白鹿真人能生已枯  
之骨雖復拔山超海負德未勝垂露懸針書恩不盡  
蓬萊謝恩之雀白玉四環漢水報德之蛇明珠一寸  
某之觀此寧無愧心直以物受其生於天不謝

妙結

謝趙王賚犀帶等啓

奉教垂賚犀裝帶錢十貫魏君寶帶特賜劉稹趙王  
國租偏資裴楷貫藏文馬如燒安息之銀帶插通犀

啓

意雖平常  
詞頗穠至

似獵雲南之獸北郭騷之長貧是所甘愜南宮敬之  
載寶殊非念望花開四照唯見其榮鼇戴三山深知  
其重昔沈羲將盡逢司命而還生士爨行埋值仙人  
而更活今日慈矜斯之謂矣馬前軀而導路或似識  
恩雞未曉而開關容能報主

謝趙王賚米啓

丹烏銜穉既集西周黃雀隨車還飛東市漬而為種  
不無霜雪之精取以論兵即有山川之勢某陋巷簞  
瓢櫛風沐雨剝榆皮於秋塞掘蟄鷲於寒山仰費國

對筆

租遂開塵甑非丹竈而流珠異荆臺而炊玉東方朔  
之捧米既息長饑西門豹之墾田方慙此賚

謝趙王賚乾魚啓

醴水朝浮光疑朱鼈文鯨夜觸翼似青鸞况復洞庭  
鮮鮒温湖美鯽波瀾成雨鱗甲防寒其本吳人常想  
江湖之味及其饑也唯資藜藿之餘慈賚渥恩膏腴  
流竈不勞獅子之亭即勝雷池之長翻驚河伯獨不  
愛人足笑任公終年垂釣

流美作備  
宋人

謝滕王賚馬啓

啓

使事遠甚  
趙甚

柳谷未開。翻逢紫鷺。陵源猶遠。忽見桃花。流電爭光。  
浮雲連影。張敞畫眉之暇。直走章臺。王濟飲酒之歡。  
長驅金埒。

謝滕王賚猪啓

白腹見珍。度遼東之水。赤欄爲重。對襄陽之城。忽降  
全恩。謹充炮烙。孫弘牧於淄水。唯以求錢。卜式養於  
上林。豈知其味。

謝趙王賚馬并繖啓

奉教垂賚紫驕馬。并銀釘乘具。紫紬繖一張。上天降  
雨。特垂深澤。若水流光。偏蒙私照。迴茲翠蓋。事重靈  
基之恩。降此青驪。榮深李忠之賜。北部丹帷。便須高  
捲。西河竹馬。卽已郊迎。在命之輕。鴻毛浮於弱水。知  
恩之重。龜背負於靈山。况復驚鴻別水。但見徘徊黃  
雀。去關唯知。反顧棲戀之心。事同於此。

謝趙王賚雉啓

夏翟秋飛。江輦春澗。中牟縣之客。遂得坐觀。賈大夫  
之妻。已應含笑。仰費中厨。來供下客。山川道遠。口腹  
知恩。

殊有依人  
之致



庾子山集卷十

北周新野庾信著

明東海屠隆評

擬連珠

蓋聞經天緯地之才。拔山超海之力。戰陣勇於風飈。謀謨出乎胸臆。斬長鯨之鱗。截飛虎之翼。是以一怒而諸侯懼。安居而天下息。

蓋聞蕭曹贊務。雄畧所資。魯衛前驅。威風所假。是以黃池之會。可以爭長。諸侯鴻溝之盟。可以中分。天下蓋聞。解封豕之結。塞長蛇之源。必須製裳千里。噴血

轅門。是以開百里之圍。用陳平之一策。盟千乘之國。須季路之一言。

蓋聞得賢斯在。不藉揮鋒。股肱良哉。無論應變。是以屈倪參乘。諸侯解方城之圍。干木爲臣。天下無西河之戰。

蓋聞邯鄲已危。徒思馬服。薊城去矣。空用荆軻。是以竹杖扶危。不能正武擔之石。蘆灰縮水。不能救宣房之河。

蓋聞穴蟻衝泉。未知遠慮。玄禽巢幕。何能支久。是以

初佳

大厦旣焚。不可灑之。以淚。長河一決。不可障之。以手。蓋聞膏脣喋喋。市井營營。或以如簧自進。或以徂詐相傾。是以子貢使乎五都。交亂張儀。見用六國。縱橫。蓋聞謀猷是習。權變須長。時增齊竈。或卧燕墻。是以井陘之兵。如鴻毛之遇火。長平之卒。若秋草之中霜。蓋聞彼黍離離。大夫有喪亂之感。麥秀漸漸。君子有去國之悲。是以建章低昂。不得猶瞻灞岸。德陽淪沒。非復能臨偃師。

蓋聞市朝遷貿。山川悠遠。是以狐兔所處。由來建始。

之宮荆棘參天。昔日長洲之苑。

蓋聞天方薦瘥。喪亂弘多。空思說劍。徒聞枕戈。是以劉琨之英。畧莫知自免。祖逖之慷慨。裁能渡河。

蓋聞穀林長遠。蒼梧不從。唯桐惟葛。無樹無封。是以隋珠日月無益。驪山之火。雀臺絃管空望。西陵之松。

蓋聞雷驚獸駭。電激風驅。陵歷關塞。枕跨江湖。是以城形月偃。陣氣雲鋪。非綠林之散卒。卽驪山之叛徒。

蓋聞死別長城。生離函谷。遼東寡婦之悲。代郡孀妻之哭。是以流慟所感。還崩杞梁之城。灑淚所沾。終變

夜寢生悲

齊臣之狀  
知在目前

歸侃言鹿  
丈是為李  
陸解嘲

鬼趣可憐

乃為鯨魚  
寔鶴丹黃

湘陵之竹

蓋聞三世用兵。旣非貽厥。陰謀累葉。必以凶終。是以李都尉之風霜。上蘭山而箭盡。陸平原之意氣。登河橋而路窮。

蓋聞營竄不反。燐火宵飛。時遭獵夜之兵。或斃空亭之鬼。是以射聲營之風雨。時有冤魂。廣莫郡之陰寒。偏多夜哭。

蓋聞江黃戎馬之徼。鄢郢風飈之格。乍有去而不歸。或無期而遠客。是以章華之下。必有思子之臺。雲夢



之。傍。應。多。望。夫。之。石。

蓋聞無怨生離。恩情中絕。空思出水之蓮。無復迴風之雪。是以樓中對酒。而綠珠前去。帳裏悲歌。而虞姬未別。

蓋聞樹彼司牧。既懸百姓之命。及乎厭世。復傾天下之心。是以一馬之奔。無一毛而不動。一舟之覆。無一物而不沉。

蓋聞嚴霜之零。無所不肅。長林之斃。無所不標。是以楚塹既填。遊魚無託。吳宮已火。歸燕何巢。

所謂共傳  
收庚信也

蓋聞名高八俊。傷於閹豎之黨。智周三傑。斃於婦女之計。是以洪澤之蛟。遂挫長饑之虎。平臯之蟻。能摧失水之龍。

蓋聞吳艘蜀艇。不能無水而浮。以紅間綠。不能無弦而射。是以籠樊之鶴。寧有六翮之期。骹髀之馬。無復千金之價。

蓋聞性靈屈折。鬱抑不揚。乍感無情。或傷非類。是以嗟怨之水。持結憤泉。感哀之雲。偏含愁氣。

蓋聞遷移白羽。流徙房陵。離家折里。悽恨撫膺。是以

惟宋

此人所難

吳起之去西河潛然出涕荆軻之別燕市悲不自勝  
蓋聞廉將軍之客館程廷尉之高門盈虛倏忽貴賤  
何論是以平生故人灌夫不去門下賓客任安獨存  
蓋聞執珪事楚博士留秦晉陽思歸之客臨淄羈旅  
之臣是以親友會同不妨懷撫悽愴山河離異不妨  
風月關人

可憐

蓋聞五十之年壯情久歇憂能傷人故其哀矣是以  
譬之交讓實半死而言生如彼梧桐雖殘生而猶死  
蓋聞秋之爲氣惆悵自憐耿恭之悲疎勒班超之念

千古勸學

酒泉是以韓非客秦避讒無路信陵在趙思歸有年  
蓋聞懸鶉百結知命不憂十日一炊無時何耻是以  
素王之業乃東門之貧民孤竹之君實西山之餓士  
蓋聞胸中無學猶手中無錢今之學也未見能賢是  
以扶風之高鳳無故棄麥中牟之甯越徒勞不眠  
蓋聞十室之邑忠信在焉五步之內芬芳可錄是以  
日南枯蚌猶含明月之珠龍門死樹尚抱咸池之曲  
蓋聞百尺之高累於九碁之上千鈞之重懸於一木  
之枝是以截虎尾而非險傷龍鱗而未危

別灰生色

蓋聞居蘭處鮑。在其所習。白羽素絲。隨其所染。是以金性雖質。處劍卽凶。水德雖平。經風卽險。

蓋聞豫章七年。斃於豐草。芳蘭九畹。淪於幽谷。是以欲求其真。晉陽有自埋之蒿。若賞其聲。吳亭有已枯之竹。

蓋聞明鏡蒸食。未爲得所。干將補履。尤可傷嗟。是以氣足凌雲。不應止爲武騎。才堪王佐。不應直放長沙。蓋聞勢之所歸。威之所假。必能繫風捕影。暴虎馮河。是以輕則鴻毛沉水。重則磐石凌波。

蓋聞意氣難干。非資扛鼎。風神自勇。無待翹關。是以曹劌登壇。汶陽之田遽反。相如睨柱。連城之璧更還。蓋聞卷旒不死。誰必有心。甘蕉自長。故知無節。是以螺蚌得路。恐異驪淵。雀鼠同歸。應非丹穴。

蓋聞北邙之高。魏君不能削。穀洛之鬪。周王不能改。是以愚公何德。遂荷鍾而移山。精衛何禽。欲銜石而塞海。

蓋聞君子無其道。則不能有其財。忘其貧。則不能耻其食。是以顏回瓢飲。賢慶封之玉。杯子思銀珮。美虞

公之垂棘

蓋聞水之激也。實濁其源。木之蠹也。將拔其根。是以延年之家。預論掃墓。羊舌之族。先知滅門。

蓋聞磨礪唇吻。脂膏齒牙。臨風扇毒。向影吹沙。是以敬而遠之。豺有五子。吁可畏也。鬼有一車。

蓋聞虛舟不忤。令德無虞。忠信爲琴瑟。仁義爲庖厨。是以從莊生則萬物自細。歸老氏則衆有皆無。

蓋聞三關頓足。長城垂翅。旣羈旣旅。非才非智。是以烏江艤楫。知無路可歸。白雁抱書。定無家可寄。

卷終

庾子山集卷十一

書

北周新野庾信著

明東海屠隆評

爲上黃侯世子與婦書

昔仙人導引。尚刻三秋。神女將梳。猶期九日。未有龍  
飛。劍匣鶴別。琴臺莫不銜怨。而心悲。聞猿而下淚。人  
非新市。何處尋家。別異邯鄲。那應知路。想鏡中看影。  
當。不。含。啼。欄。外。將。花。居。然。俱。笑。分。杯。帳。裏。却。扇。床。前。  
故。是。不。思。何。時。能。憶。當。學。海。神。逐。潮。風。而。來。往。勿。如

曲寫柔情  
令我作數

織女待填河而相見

序

趙國公集序

竊聞平陽擊石。山谷爲之調。大禹吹筠。風雲爲之動。與夫含吐性靈。抑揚詞氣。曲變陽春。光廻白日。豈得同年而語哉。柱國趙國公。發言爲論。下筆成章。逸態橫生。新情振起。風雲爭飛。魚龍各變。方之珪璧。塗山之會。萬重。譬似雲霞。赤城之巖。千丈。文參曆象。卽入天官之書。韻涉絲桐。咸歸總章之觀。論其壯也。則鵬起。半。天。語。其。細。也。則。鷦。巢。蚤。睫。豈。直。熊。熊。且。上。增。城。

結挺拔

抱日月之光。燄燄宵飛。南斗觸蛟龍之氣。昔者屈原  
宋玉。始於哀怨之深。蘇武李陵。生於別離之世。自魏  
建安之末。晉太康以來。雕蟲篆刻。其體三變。人人自  
謂握靈蛇之珠。抱荆山之玉矣。公斟酌雅頌。諧和律  
呂。若使言乖節目。則曲臺不顧。聲止操縵。則成均無  
取。遂得棟梁文囿。冠冕詞林。大雅扶輪。小山承蓋。

傳

周使持節大將軍廣化郡開國公丘乃敦崇  
傳

崇恒州代郡鼓城縣廣義鄉孝讓里人也。昔壽丘建  
國。賜姓者十二人。平陽舉賢。登朝者十六族。况復大  
電繞樞。流星入昴。派分源別。幹其嗣興者乎。魏道武  
皇帝。以命世雄圖。飲馬河洛。兄弟十人。分爲十姓。辨  
風吹律。丘氏卽其一焉。五代祖邈。驃騎大將軍。開府  
儀同三司。營丘郡開國公。于時天道西北。旣稟謀謨。

壯節

馬首東南。實資匡贊。因以封名。仍爲賜氏。與夫南公伯。卽有連類。宗則樂正。非無準則。曾祖雙軌。使持節驃騎大將軍。司徒青交二州刺史。范陽文昭公。洛食之始。上馬治國。登庸之初。昇槐論道。生則絕席。武宮死則配祠。清室夫人太原王氏。三世爲將。四代爲公。社稷大宗。鍾鼎貴族。伉儷是歸。秦晉匹也。祖提。使持節衛將軍。駙馬都督河交二州刺史。靈壽縣開國公。公子公孫。聲名籍甚。增輝增耀。弱冠昇朝。夫人清廉。郡長公主。孝文帝之第二女也。王姬有行。車服不繫。

金轡中臆  
錦色離披

故得衛青上將。張耳賢夫。父願。使持節大都督徐州諸軍事。徐州刺史。平陽縣開國公。食邑四千戶。少年習象。多見兵書。澆沙聚石之營。却日橫雲之陣。彎弧則戟破小支。抽劍則泉飛枯井。夫人宇文氏。周文皇帝之第三妹也。母儀令範。女師賢哲。德高隆慮。義重河陽。魏受其終。周新其命。式墓封墳。追旌盛德。乃贈使持節大將軍。廣化郡開國公。食邑一千戶。夫人贈安德郡長公主。遊魂冤結。非無廣漢之城。久客思歸。唯有東平之樹。自永安以來。魏室大壞。海水羣飛。天



星亂動禮樂征伐不出於人主。舉賢誅暴議在於強臣。高丞相驅率風雲，奄荒齊晉。我舅氏文皇帝，駕馭龍虎，據有周秦。南北渝盟，東西敵怨。旣而各受圖書，竝當珪璧。百姓則父南子北，兄弟東西。事主則憂親求生，則慮禍。大周親戚，徧鍾荼炭。輸之城旦，下之織宰。關河嚴隔，三十餘年。天厭喪亂，人思反德。彼之風塵旣靜，函谷此之冠蓋。屢涉漳濱，中山冤枉之餘。代郡凋殘之澤，竝遇革音。咸蒙禮送，崇賓兄弟。二人相看氣息，親愛凋零。方寸久亂，恒山殺翮。豈望同飛而

安國徒中鬱爲卿相，班超絕域遂得生還。天和四年，至於新邑。朝廷以舅甥之國，外內之親，乃授賓使持節，驃騎大將軍，開府儀同三司，大都督，安樂縣開國公，食邑一千戶。賓得免虎口，仍上龍門，聲價已高。風焱卽遠，方欲討論國恥，申雪家冤。橫尸原野，是所甘心。時不我與，先從朝露。春秋若干，衛國典文子之慟。長安有詔葬之悲，乃贈本官，加少傅，蒲虞勳三州諸軍事，蒲州刺史。以天和六年某月日葬於長安之洪瀆原，妻青州石氏，長城郡君，胤子孤莞，生妻廢室，卽

能有節，還成守義。崇蒙授使持節大都督驃騎大將軍，開府儀同三司，廣化縣開國公，食邑一千戶。昆季二人，同年上將，彤廷交映，榮戟相臨。昔二馮同德，繼踵當官，兩杜齊名。夾河爲郡，比斯榮寵。彼將慙色，俄然賓疾。奄捐館舍，崇兄弟勝衣，備罹禍酷，同氣長養，得及全人。今者來歸，更連凶閔，每一悲慟，行路傷心。撫養愛子，情深馬援之慈；恭事寡嫂，義甚顏含之孝。天和六年，授大將軍，餘如故。龍庭賞出塞之功，玉門勞旋師之寵，異代同和，見之今日。建德二年，授使持

節都督宜州諸軍事，宜州刺史。忽忽橫閭，但有誦書暖曖，重帷惟聞善政，清不置水，明非舉燭，乃是入境移風，非直停車待雨，有勅大將軍宜州刺史廣化郡公崇，自夏季無雨，以迄於今，雖靡神不禱，仍未感。知彼州內，獨蒙滂澤，諒由大將軍精誠所至，憂念郡人豐稔可希，良以爲慰。又勅廣化公崇，知此存心政術，治勤黎人，受委稱職，嘉尚無已。古人有言，非行之難，念加勉勗，以致盡善。指令宣納，抑操賜齊陳物，如別宜諭朕懷。昔陽平太守別降紅泉之恩，荊州刺史

備蒙袞衣之賜。治績尤異。此之謂乎。崇清淨爲政。廉明爲法。人不忍背。吏不忍欺。性不飲酒。無所嗜欲。深沉。牆仞。喜愠不形。文必正詞。絃惟雅曲。仁義禮節。是所用心。緹袂緇素。愛翫無已。當今四郊多壘。尚有公卿之辱。鼓鼙不息。猶勞將帥之謀。語其讐恥。唯願橫行死地。思其報國。不吝身膏原野。但今天假之年。時綏之福。忠貞之事。公其取焉。畧書梗槩。陳之直史。

教

答移市教

昔張楷。碩儒尚移弘農之市。宜官妙篆。猶致酒壚之客。况復德總郇周。聲高梁楚。希風慕義之士。舉袂成帷。臥轍反車之流。摩肩相接。遂使王充閱市之處。遠出荒郊。石苞販鐵之所。翻臨崖岸。聖德謙虛。未忘誼湫。欲令吹簫舞鶴。還反舊鄆。賣卜屠羊。請辭新闈。而交貿之黨。好畱。幽岐之衆。難遣。

禹錫觀市  
篇窮工極  
妍終不若  
此之簡貴

動。則。燁。又。車。之。武。執。耳。味。對。發。對。王。衣。關。市。之。國。燕。  
容。氏。對。燕。懸。淵。風。飄。高。葉。裝。赤。風。慕。美。之。士。舉。疾。如。  
昔。飛。對。師。謝。尚。蘇。山。豐。之。市。宜。官。收。聚。離。姪。酒。獻。之。

答蘇市錄

錄

文

移齊河陽執事文

周天和四年四月二十七，使將節車騎大將軍儀同  
三司大都督陝西總管府移齊河陽執事，自疆場臥  
鼓，邊鄙收烽，義讓之行，未能暮月。孔誠誨盜，即值苞  
藏。是以板載之師，須時而動。自安封域，非求拒防。  
復風塵，斃接旗鼓，無侵五將，即迴雙嶠，已靜始奉朝  
旨，獲彼移書，令受叛城，使迴軍實，想彼邊司，已奉處  
分，既有此還，輒須領納，未知何日，可遣戍兵，指附行。

詞旨峻潔  
待告識體

人遲能速報盟且不渝隣境相善顧瞻原野幸甚實多故移。

### 移齊河陽執事文

周天和四年十一月十日陝州總管長史梁昕移齊河陽執事自拭玉繼書通關去傳實謂上方銷劍山陽息馬故茲禦客或慢重肩屬故司疆陰行善盜君一臣二上穆下乖國家以邊鄙心搖須固備守大司馬齊國公天子介弟中軍元帥駕馭孫吳驅馳豹虎舉因農隙義異城郎師巡我境曾非反郢縮載甫畢

典雅有則

前旗已廻彼國兵馬不防殿後餘塵遂致相接建旌壘上未及五申安鄴城傍先驚七伏當時鋒刃或膏原野所獲彼將夏州刺史梁老首領今以相還戶鄉不遠無令久客馬驢甲兵具條相勒封人宜依領納宿無鬪志不獲交綏致此埃塵誰階其咎故移

### 移虜留使文

年月朔日某官告配某州郡前本欲發遣彼使但某入境以來國祥甫邇自秋迄冬未申款接且狼星表邦嚴霜已戒浮河亂濟長路苦寒時當獻歲維新三

元告慶。珪贄盈庭。華裔參軫。式觀盛禮。洽此嘉讌。陽  
和旣動。澤漸萬邦。便當遣使相隨。永敦鄰睦。故移。

庾子山集卷十一終

庾子山集卷十二

北周新野庾信著

明東海屠隆評

讚

黃帝見廣成子

治身紫府，問政青丘。龍湖鼎沒，丹竈珠流。興雲卽雨，  
落木先秋。至道須極，長生可求。

堯登壇受圖讚

登壇洛汭，沉玉河湄。丹圖馭馬，綠甲乘龜。榮光上幕，  
休氣連帷。雖存克讓，於見文思。

舜舞干戚讚

平風變律、擊石來儀、先齊七政、更服三危、朱干獨舞、玉戚空麾、南風一曲、恭已無爲、

禹渡江讚

三江初鑿、九谷新成、風飛鷁、涌水起龍、驚樂天知命、無待憂生、危舟遂靜、亂檝還平、

湯解祝網讚

連珠兩起、合玉雙沉、穀爲祥樹、桑成樂林、三方落網、一面驅禽、德矣聖政、仁乎用心、

文王見呂尚讚

言歸養老、垂釣西川、岸止磻石、溪唯小船、風雲未感、意氣怡然、有此相望、于茲幾年、

武丁迎傳說讚

虞田路斷、辭潤泉飛、躬勞版築、有弊韋衣、賢臣入夢、天賜無違、千巖之下、遂得同歸、

成王刻桐葉封虞讚

虞叔百里、居河之汾、帝刻桐葉、天書掌文、禮以成德、樂以歌薰、天子無戲、唐其有君、



漢高祖置酒沛宮讚

遊子思舊、來歸沛宮、還迎故老、更召歌童、雖欣入沛、方念移豐、酒酣自舞、先歌大風

漢武帝聚書讚

獻書路廣、藏書柱開、秦儒出谷、漢聞吹灰、芝泥印上、玉匣封來、坐觀風俗、不出蘭臺

袁盎諫文帝讚

千乘峻轍、六轡危行、跡迴松坂、山敘柳城、龍淵地狹、華蓋風驚、賢臣攬轡、可謂忠貞

朱雲折檻讚

上書直諫、有怙明君、先求斬馬、遂請魚文、身摧欄檻、義烈風雲、應從御史、翻賴將軍

周公戒伯禽讚

伯禽居魯、鳴玉來朝、周公政治、爲國風謠、北山有梓、南山有橋、禮容雖備、俯仰無驕

五月披裘負薪讚

披裘當夏、俗則爲心、雖逢季子、不拾遺金、禽巢欲遠、魚沉唯深、清聲滅跡、何必山林

王祥扣冰魚躍讚

王祥之母、鮮鱗是求、冰連釣浦、凍塞寒流、精誠有感、無假沉鈞、二老同膳、雙魚共浮、

孫叔敖逢蛇讚

叔敖朝出、容悴還家、母氏顧訪、知埋惟蛇、爾有陰德、陽報將加、終爲楚相、卒享榮華、

高鳳好書不知流麥讚

高鳳好學、專心不廻、流連經笥、對翫書臺、石門雲渡、銅梁雨來、麥流雖遠、書卷猶開、

張良遇黃石公讚

張良取履、跪授無辭、兵書一卷、長者三期、昔稱韓相、今爲漢師、穀城餘石、還歸舊祠、

師尚父授丹書讚

尚父一遇、周王是親、赤雀旣下、丹書已陳、自論秉鉞、長別垂綸、獨有磻石、留名渭濱、

榮啓期三樂讚

榮期三樂、唯人與年、夫子相遇、卽以爲賢、性靈造化、風雲自然、雅琴雖古、獨有鳴絃、

夫子見程生讚

程生夫子一遇相知、薄言傾蓋、桑陰遂移、清陽共美、  
賢聖同羈、陳詩難別、贈絹傷離、

鉏麇見趙盾讚

趙盾將朝、端衣整笏、鉏麇受命、衝冠怒髮、惆悵賢臣、  
顧瞻城闕、利劍不抽、青槐先絕、

蔡澤就唐生相讚

蔡澤羈旅、唐生決疑、無勞神策、不問靈龜、富貴自取、  
年壽須期、雖云異相、會待逢時、

李陵蘇武別讚

李陵北去、蘇武南旋、歸驂欲動、別馬將前、河橋兩岸、  
臨路悽然、故人此別、知應幾年、

樊噲見項王讚

樊噲將軍、漢王車右、不憚鋒刃、何辭卮酒、霸上屯軍、  
鴻門固守、持謝范增、唯畱玉斗、

秦穆王飲盜駿馬讚

駿馬遇盜、秦王不嗔、先傾美酒、翻畏傷人、隣兵向國、  
窮寇侵秦、于時大盜、還作功臣、

延陵季子遇徐君讚

徐君有禮。季子惟賢。經過一遇。如舊依然。人非別後。心許生前。長松雖合。寶劍猶懸。

鶴讚

武成二年。春二月。雙白鶴飛集上林園。大將鄭偉。布弋設置。竝皆禽獲。六翮已摧。雙心俱怨。相顧哀鳴。孤雄先絕。孀妻向影。天子愍焉。信奏事階墀。立使爲讚。九臯遙集。三山迴歸。華亭別唳。洛浦仙飛。不防離繳。先遭見羈。籠摧月羽。弋碎霜衣。塞傳餘號。關承舊名。

南遊湘水。東入遼城。雲飛欲舞。露落先鳴。六翮摧折。九門嚴閉。相顧哀鳴。肝心斷絕。松上長悲。琴中永別。

銘

秦州天水郡麥積崖佛龕銘 并序

佛龕何存  
庚銘不死  
作是功德  
百倍捨身

麥積崖者。乃隴底之名山。河西之靈岳。高峯尋雲。深谷無量。方之鷲鳥。迹遁三禪。譬彼鶴鳴。虛飛六甲。鳥道乍窮。羊腸或斷。雲如鵬翼。忽已垂天。樹若桂華。翻能拂日。是以飛錫遙來。英杯遠至。䟽山鑿洞。鬱爲淨土。拜燈王於石室。乃假馭風。禮花首於山龕。方資控

鶴大都督李允信者籍於宿植深悟法門乃於壁之  
南崖梯雲鑿道奉爲亾父造七佛龕似刻浮檀如攻  
水玉從容滿月照曜青蓮影現須彌香聞叨利如斯  
塵野還開說法之堂猶彼香山更對安居之佛昔者  
如來追福有報恩之經菩薩去家有思親之供敢緣  
斯義乃作銘曰

鎮地鬱盤基軋峻極石關十土銅梁九息百仞崖橫  
千尋松植陰兔假道陽鳥迴翼載輦踰山穿龕架嶺  
糾紛星漢迴旋光景壁累經文龕重佛影彫輪月殿

古無此華

觀今無此  
精刻

刻鏡花堂橫鐫石壁閤鑿山梁雷乘法鼓樹積天香  
嗽泉珉谷吹塵石床集靈真館藏仙冊府芝洞秋房  
檀林春乳水谷銀沙山樓石柱異嶺共雲同峯別雨  
冀城餘俗河西舊風水聲幽咽山勢崆峒法雲常住  
慧日無窮方欲芥盡不變天宮

終南山義谷銘

并序

周保定二年歲次壬午七月己巳朔大冢宰晉國公  
命鑿石關之谷下南山之材維公匡濟彝倫弘敷庶  
績燮理餘暇披閱山經以爲終南敦物日月虧蔽杙

幹。枯。栢。椅。桐。梓。漆。年。代。蘊。積。于。何。不。有。乃。謀。山。澤。之。官。兼。引。衡。虞。之。匠。東。出。藍。田。則。控。灞。乘。漭。西。連。子。午。則。據。涇。浮。渭。派。別。八。溪。流。分。九。谷。銅。梁。四。柱。石。關。雙。啓。青。綺。春。門。溝。渠。交。映。綠。槐。秋。市。舟。楫。相。通。蓄。之。則。爲。屯。雲。泄。之。則。爲。行。雨。青。牛。文。梓。白。鶴。貞。松。運。以。寘。宮。崇。斯。雲。屋。千。櫺。抗。殿。龍。首。干。雲。萬。頃。踈。苗。蟬。鳴。再。熟。川。后。讓。德。山。靈。景。從。豈。如。運。石。甘。泉。纔。通。櫟。陽。之。殿。穿。渠。穀。水。直。繞。金。墉。之。城。將。事。未。勞。爲。功。實。重。國。富人。殷。方。傳。千。載。因。功。立。事。敢。勒。山。阿。銘。曰。

字字如畫

壯浪縱恣  
擺去拘束  
摹寫物象  
極肖極工

寥。廓。上。浮。崢。嶸。下。鎮。壁。立。千。丈。峯。橫。萬。仞。桂。月。危。懸。風。泉。虛。韻。乘。輿。嶺。阪。舉。鋪。雲。根。八。溪。分。注。九。谷。通。源。北。涵。桐。井。南。浮。石。門。摸。象。大。壯。規。繩。百。堵。交。葛。九。成。徘徊。于。柱。桂。棟。凌。波。栢。梁。垂。雨。䟽。川。奠。谷。落。實。摧。柯。事。均。刊。木。功。侔。鑿。河。

織白明媚

玉帳山銘

玉。帳。寥。廓。崑。山。抵。鵲。摠。葉。成。帷。連。雲。起。幕。玉。策。難。移。金花。不。落。隱。士。彈。琴。仙人。看。博。巖。留。舊。鼎。竈。聚。新。荆。煮。石。初。爛。燒。丹。欲。成。桑。田。屢。變。海。水。頻。盈。長。聞。鳳。曲。

永聽簫聲。

吹臺山銘

江寧吹嶺。雖山出筠。秦簫下鳳。此岫爲真。青槐避日。朱草司晨。石名新婦。樓學仙人。吳中字王。城南姓秦。比花依樹。登榭要春。舞能留客。聲便度新。雕梁數板。無復輕塵。

望美人山銘

高唐礙石。洛浦無舟。何處相望。山邊一樓。峯因五婦。石是山侯。嶮踰地肺。危陵天柱。禁苑斜通。春人常聚。

連漪增瑤  
林之沃若

樹裏聞歌。枝中見舞。恰對粧臺。諸窓畫開。斜看已識。直喚便迴。豈同織女。非秋不來。

至仁山銘

峯橫鶴嶺。水學龍津。瑞雲一片。仙童兩人。三秋雲薄。九日寒新。真花暫落。畫樹常春。橫石臨砌。飛簷枕嶺。壁繞藤苗。窓銜竹影。菊落秋潭。桐疎寒井。仁者可樂。將由愛靖。

明月山銘

竹窓標嶽。四面臨虛。山危簷迴。葉落窓疎。看掾有笛。

對樹無風。風生石洞。雲出山根。霜朝唳鶴。秋夜鳴猿。  
堤梁以堰。野路疑村。船橫埭下。樹俠津門。寧殊華蓋。  
詎識桃源。

行雨山銘

山銘行雨。地異陽臺。佳人無數。神女羞來。翠幔朝開。  
新粧旦起。樹入床頭。花來鏡裏。草綠衫同。花紅面似。  
開年寒盡。正月遊春。俱除錦帔。併脫紅綸。天彩劇藕。  
蝶粉生塵。橫藤礙路。弱柳低人。誰言洛浦。一箇河神。

刀銘三首

詞氣健拔  
可以助將  
軍之勇成  
天子之功

風伯吹鑪。雲師煉冶。鐵燄朝流。金精夜下。價重十城。  
名高千馬。

千金穎合。百鍊鋒成。光連斗氣。燄動山精。身文水動。  
刃古珠生。

斗精遙降。山靈下從。水文千曲。蛇鱗百重。燕砥斂刃。  
蜀水開鋒。氣生分景。環成屈龍。

思舊銘

歲在攝提。星居監德。梁故觀寧。侯蕭永卒。嗚呼哀哉。  
人之滅也。既非金石所移。士之悲也。寧有春秋之異。

鋪陳終始  
排比古今  
痛極快極



高臺已傾。稷下有聞琴之泣。壯士一去。燕南有擊筑之悲。項羽之晨起帳中。李陵之徘徊岐路。韓王孫之質趙。楚公子之畱秦。無假窮秋於時悲矣。况復魚飛武庫。預有棄甲之徵。鳥伏翟泉。先見橫流之兆。星紀吳亾。庚辰楚滅。紀侯大去。邴子無歸。原隰載馳。輶轅長別。甲裳失矣。餘皇棄焉。河傾酸棗。杞梓與檇櫟俱流。海淺蓬萊。魚鼈與蛟龍共盡。焚香複道。詎假遊魂。載酒屬車。寧消愁氣。芝蘭蕭艾之秋。形殊而共瘁。羽毛鱗介之怨。聲異而俱哀。所謂天平。乃曰蒼蒼之氣。

所謂地乎。其實搏搏之士。怨之徒也。何能感焉。彫殘殺翮。無所假於風飈。零落春枯。不足頌於霜露。幕府昔開。賢俊翹首。爲羈終歲。門人謝焉。至於東首告辭。西陵長往。山陽車馬。望別郊門。潁川賓客。遙悲惣路。稽叔夜之山庭。尚多楊柳。王子猷之舊徑。唯餘竹林。王孫塋地。方爲長樂之宮。烈士埋魂。卽是將軍之墓。昔嘗歡宴。風月畱連。追憶平生。宛然心目。及乎垂翅秦川。關河羈旅。降乎悲谷之景。實有憂生之情。美酒酌焉。猶思建業之水。鳴琴在操。終思華亭之鶴。重爲

此別嗚呼甚哉。麟亾星落。月死珠傷。瓶罄罍耻。芝焚蕙歎。所望鐘沉。德水聲出。風雲劔沒。豐城氣存。牛斗潜然。思舊乃作銘云。

風雲上慘。舟壑潜移。駸駸霜露。君子先危。紀侯大去。懷王不返。玉樹長埋。風流遂遠。荀伯舊縣。慶封餘邑。萬里歸魂。修門詎入。墳橫武庫。山枕盧龍。思歸道遠。返葬無從。徒留送雁。空靡長松。平陵之東。無復梧桐。松聲蕭瑟。長起秋風。疇昔隆貴。提携語默。託情稽阮。風雲相得。有酒如澠。終温且克。朝陽落鳳。大野傷麟。佳城鬱鬱。流寓於秦。山陽相送。唯餘故人。孀機婺緯。獨鳳孤鸞。閨深夜靜。風高月寒。生平已矣。懷舊何期。匣中絃絕。隣人笛悲。昔爲幕府。今成總帷。

房山集 / 卷十一



國家圖書館, NATIONAL CENTRAL LIBRARY, TAIWAN, R.O.C.

庾子山集卷十三

碑

北周新野庾信著

明東海屠隆評

陝州弘農郡五張寺經藏碑

蓋聞如來說法萬萬恒沙菩薩轉輪生生世界豈直  
 優波提舍祇夜脩多而已哉是以熙連禪河質多羅  
 樹七處八會三清四說皮紙骨筆木葉山花象負之  
 所未勝龍藏之所不盡雖復銀函東度金疊南翻秦  
 景遙傳竺蘭私記譬猶得海水之一珠不下崑山之

王簡栖頭陀寺碑文  
 詞金碧輝煌為世所寶此作自以輕紅淺翠見長

點次新妍  
香非塵境

片玉若夫人雲深藏。師子雷音梵志往生。聲聞說戒。雪山羅漢之論。鷲嶺菩提之法。本無極際。何可勝言。弘農五張寺者。南陽張元高。寓居此地。昔者千金之族。見徙五陵。大姓之民。移家六郡。蓋其流也。元高五子。負荷遺訓。離經辨志。竝是成名。入室生光。咸能顯德。加以尊承慧業。敬受法門。兄弟同居。共捨爲寺。伽藍肇建。卽以五張爲名。是知城居趙信。仍名趙信之城。殿入蕭何。卽號蕭何之殿。加以象馬無愆。衣裘是捨。春園柳路。變入禪林。蠶月桑津。迴成定水。平輿雖

盛。豈可獨擅二龍。扶風最良。不得專稱五馬。寺主三藏。大法師法映。邑主洛州刺史張隆等。財行法擅。身心罄竭。兼化鄉邑。道俗數千。敬造一功德輪。見成三百餘部。雲書金繩。金檢削之。蒸粟之簡。裝酸棗之珠。竝入香城。咸封禪閣。坐堂伏檻。羗非湘水之神。綠房紫的。足擬恭王之殿。高掌西望。長河北臨。昇氣常浮。爐煙咸起。戶牖寥廓。吹萬龍門之風。梁棟崢嶸。落客河源之樹。僧徒雲集。不遠燉煌之城。學侶相奔。更合華陰之市。兩陝昔分。實基王化。二陵今阻。翻馳羽

檄虞公屈產。交亂風塵。召伯甘棠。凋零霜落。雖復兼  
能共治。未遣渡河之獸。烽柝是警。實擾移關之民。是  
以法王御世。天人論道。汲引四流。周圓五怖。故能調  
伏怨憎。消除結縛。法水津梁。得無砥柱之難。香山轍  
迹。非復終南之險。天子命我。試守此邦。墨竈未黔。孔  
席無暖。纔臨都尉之境。卽有樓船之役。旣而南風不  
競。北道言旋。幕府旣開。邦君且止。鄉俗耆老。依然此  
別。屬茲法事。須余制文。聊以課虛。爲銘云爾。

勝辨爭論。波提東度。祇夜南翻。非空卽色。離有無言。  
達人止是。獨悟重昏。身雖繫鳥。心避騰猿。禪樓却月。  
義殿翔鷗。迴風香蓋。反露珠幡。西臨砥柱。東背轅轅。  
河鳴陽硤。山響蘇門。翔禽歌轉。流澗絃喧。渡河餘獸。  
移關舊村。昔爲畿服。今成塞垣。城疑廣武。地似樓煩。  
燿烽竝照。象馬單奔。無鐘襲莒。有雨圍原。不資十方。  
誰釋三怨。風傾地柱。火及天元。銀鈞永固。金牒長存。  
封君馬首。方事南蕃。言從楊僕。請謝劉昆。

周上柱國齊王憲神道碑

有琴瑟之  
至音無鞞  
鼓之促節

任彥升竟  
陵文宣王  
行狀有其  
芳潤

昔者軒皇受姓十有四人。周室先封十有五國。自爾承基纂胄。保姓受氏。雖復千年一聖。終是百世同宗。故知昔之東京。既稱炎漢。再受今之周曆。卽是鄴都中興。公諱憲。字毗賀突。恒州武川人也。晉太康之世。據有黃龍。魏孝昌之初。奄荒玄菟。太祖以百二諸侯。三分天下。函谷先登。鴻溝大定。功業如此。人臣以終。公含章天挺。命世誕生。降太一之神。下文昌之宿。珠角擅奇。山庭表德。儀範清冷。風神軒舉。聳動廊廟。光華城闕。未逾齟齬。已議論天下事。人或曰。是謂若木。

半神矯遠  
定一篇之  
松策

一枝旁蔭數國。長河一直自然。千里風颺欲遠。光景將昇。後魏二年。封涪城縣開國公。時年五歲也。虹蜺滿野。是廢當途之高。鸞鷲鳴岐。實始維新之命。國家光宅受圖。欽明秉曆。大風初卷。長沙始封。周元年。進爵安城郡公。食邑二千戶。仍授使持節。驃騎大將軍。開府儀同三司。開府同於馬駿。秩擬六卿。驃騎等於劉蒼。位高三事。宗子維城。彼多慙色。武成二年。授使持節大將軍。都督益壽寧等二十四州諸軍事。益州刺史。改封齊國公。食邑萬戶。公時年十有六。王武子。

以上將開府未滿立年荀中郎爲十州都督才踰弱冠方之於公已爲老矣加復營丘負海齊桓公受脤之城岷山導江漢武帝求仙之地自非召陵孤竹聲振沉黎豈得南至穆陵西登積石幸無白虎之患寧待黃龍之盟邛笮畏威微盧仰德生爲立廟刻石頌功成都有文翁之祀非謂生前漢陽有諸葛之碑止論身後比之今日豈可同年而語哉保定四年與大司馬蜀國公圍金墉城師臨洛浦則廣武營奔兵上印山則河橋路斷八川風俗五方名利鐵市銅街風

飛塵起天和元年徵還行雍州牧公以日月之明威神其政漆沮旣從荆岐卽又少陽用事路不喘牛仲秋以殷民無驚水二年拜大司馬仍理小冢宰營室殿軍器太監天官以邦國爲基是司六典夏官以兵戈爲主專謀七德是以器械填委旣包吳漢之功宮殿崢嶸彌狀蕭何之法時以白露涼風務閑農隙督兵三萬出自宜陽拔伏龍之城平姚萇之壘馬陵削樹魏將路窮平陰聽烏齊師其遁天子冢弟禮絕羣公仁義所往事資道德建德元年進爵爲王仍拜大

蘭茗翡翠  
香韻襲人



祖織中時  
帝流美之  
所以可

尋常故實  
入手便讀

冢宰姬旦封於曲阜不廢居中劉交國於彭陽無妨  
常從豈直周召二南竝居師傅晉鄭兩國俱為卿士  
而已哉匈奴突於武川燿火通於灞上公迷職巡御  
治兵朔方馬邑星飛龍城月動撓留犁之酒經畧不  
前失燕支之山下馬而去東隣逆命反道敗德囚箕  
子於寒庫罵文王於王門天子將有孟津之師召公  
獨議公報以誕應天命克成厥勲昔者秦昭起師於  
蜀直問張儀晉武用兵於吳惟謀羊祜於是中軍無  
帥僉曰有歸五年拜上柱國元戎東討給王鐵騎二

萬先襲太原斗建麾兵天離轉戰虎嘯風騰雲飛電  
掩林胡棗栗詎得充饑晉陽荻蒿何能拒防又加王  
精兵六萬長圍晉州然後六軍星陳萬騎雷動中權  
始及前茅已戰自爾即為前鋒橫行入鄴觀彼車徒  
槐本馬驚旋濘積甲高昆陽之城尸封塞富平之水  
莫不如彼建瓴同斯破竹一朝指揮六合大定是用  
光昭下武翼亮中都足以據祖宗之宿憤解生民之  
怨黷方當待彼石閭部斯玉鼓經緯天地光華日月  
既而赤鳥夾日黃熊入寢實沉無祀桑林不祭宣政

元年六月二十八日薨。春秋三十有四。季友之亡魯可知矣。齊喪子雅。姜其危哉。公噐宇淹曠。風神透遠。璣鏡照林。山河容納。置樽待酌。懸鐘聽扣。聲動天下。光照四鄰。武皇帝以介弟懿親。特垂愛友。而密謀奇策。加禮敬焉。常謂左右曰。孔子云。自吾有回。門人日親。其齊王之謂也。用之作宰。則萬方協和。用之撫軍。則四表懾伏。豈直臯繇爲士。國無不仁。隨會爲卿。民無羣盜。愛翫書籍。敦崇禮樂。管絃入耳。則溪谷俱調。文雅沿心。則煙霞竝韻。養由百發。落鴈吟猿。應奉五行。縹緗縹帙。雍容舉止。抑揚談論。當世以爲楷模。搢紳以爲軌範。則少有壯志。頗校兵書。玄水降靈。穀城授策。飛風長柳。月角星眉。莫不吟誦在心。撰成於手。所著兵法。凡有五卷。六韜九法。不用吳起舊書。三令五申。無勞孫武先誠。可謂有忠孝焉。有壯武焉。不自驕矜。謙光下物。宋人獻玉。不貪爲寶。百成子高。守仁爲富。不謂以信致欺。爲善非樂。天年不享。嗚呼哀哉。以某年月日。葬於石安縣洪瀆川之里。原隰悽愴。埋於盛德。幾年。丘陵搖落。蘊於才良。永矣。乃爲銘曰。

悠哉朔方。逖矣窮陰。山連鳥道。地盡龜林。重黎業大。伯翳功深。胄其積德。必有君臨。太祖撥亂。喪君有君。功廻地軸。策動天文。猶臨赤水。尚復黃雲。諸侯八百。天下三分。公之挺生。寔惟天假。翠微神降。文昌星下。照於四國。充於兩社。舟楫江河。棟梁華夏。水通詞鋒。風飛文雅。純深之性。義極天經。忠貞之道。事感百靈。君親惟一。臣子惟寧。忠泉出井。孝笋生庭。乃宰天官。爲國之輔。是居上將。爲天之柱。乃聖乃神。惟文惟武。策高開闢。威移雲雨。九宮神略。三術謨明。天離轉陣。

月德廻兵。黎陽水駭。官渡山驚。冀州旣載。東原底平。溟波欲運。弱木將危。中峰岳斷。半海鵬垂。鳳沉丹穴。龍亾黑陂。臨淄廢市。東武山移。千齡萬古。英聲在斯。

周太子少保步陸碑

公諱逞。字季明。本姓陸。吳郡人也。君子至止。旣紹虞賓。鳳皇于飛。實興齊國。南越使者。解漢帝之衣。西陵將軍。覆吳王之蓋。曾祖載。爲宋王司馬。留鎮關中。赫連之亂。伏劔魏室。黃河叅陵。或亾追路。烏江艤船。更無歸迹。今爲河南洛陽人也。高祖冠軍將軍。榮州刺

霏微溶洩  
淡宕清遠  
卽非小吏  
得意之篇  
在他集中  
猶當命以  
鉞鉞

拜之關弓  
性巴蛇九  
目不足盡  
其方此銘  
似之

疑誤

史吳人有降附者悉領爲別軍自是官司擁鐸更爲吳越之兵君子習流別有樓船之陣父政驃騎大將軍儀同三司恒州刺史中都獻公太祖扶危濟傾經綸夷阻報君之恥遠襲平原以高平霸業所基委命留事關中餽食非直滎陽之師河內供軍豈但淇園之竹公秉照晉之靈降明神之德猛虎振檻七年不驚羝羊觸藩九齡能對諸兄以公先君愛子稱之曰仁推而襲封雖復季未大成之心守節旣遭燠穴翻從歷紐太祖初封咸谷始合諸侯以公詞令叅謀機

疑誤

疑誤

密故得戎政克宣師言無漏賜姓步陸孤氏委鹿輅而論都入鴻門而舞劍方之吹律綽有餘榮出身羽林監輕車將軍除尚書右丞官聯會計務殷平準水衡貫朽常平粟紅授使持節車騎大將軍儀同三司增邑千戶尋遷駕部中大夫領兵部中大夫領蕃部東京鼎實先加鄧騭之勲西晉官人多用山濤之啓豈若五王登朝必司賓主之禮六龍御轡取定鸞和之節御正以官觸父名不拜會稽有王會之名其子不爲太守博陵有王沈之封其兒不爲刺史遷驃騎

大將軍開府入掌納言治司宗伯又爲軍司馬職居常伯勤問於南宮位管王言連官於北斗豈止郊天祀地龍門嶰谷之聲贊鼓頌旗白露涼風之月闇夜有人餉羅數十匹公閉門不受行人干觸具以聞奏朝野稱之太尉楊震直推故吏之金涼州張奐高揖故人之馬清畏人知我無慙德齊國通和封人受使以公有出境之才見命張檀之禮旣珠盤軟血定楚國之連名七首登壇反齊人之侵地是謂使乎國稱光國久輔公侯五陵鐘鼎桐街柳市塵起風飛乃授

京兆尹增邑通前一千六百戶餘官如故上林兵息蘭池盜靜不學王陽平生鑄金之術未同張敞終日章臺之遊家僮暮行還得遺錢於道并白繩十匹公訪得其主卽以還之見金於路指以示人得錢於道留持樹樹方之今日異代同風俄遷司會治小司馬重摠六軍再操八柄考績入於歲成論功書之年表尋授宜州諸軍事宜州刺史露冕觀風停車待雨百城解印憚朱穆之威千里相迎受王基之德曾未朞月被勅追還眷眷吏民不無河內之請依依故老實

念黎陽之別。少陽養德。前星守器。尊師讓齒。必俟賢能。乃授太子太保。方之劉寔。道高於太邦。譬以山濤。榮深於小輦。本有消渴之疾。常餌金石自理。舊疾微增。奄捐館舍。茂陵之下。不留封禪之書。校尉之營。惟餘服食之器。嗚呼哀哉。春秋四十有七。建德二年五月十一日也。天子以大臣之喪。躬輟聽訟。東朝以師傅之尊。親臨攢祭。詔贈某官。謚某公。禮也。以今三年正月十日。塋於京兆之高陽原。夫人郁。久閭西。遇王姬受敬。肅恭言容。令淑有聞。箴爨無廢。紘緹爰在。盛年先從大夜。今節婦開墳。松柏已拱。季孫成寢。丘陵始同。况復圖畫賢妃。方在甘泉之室。瘞埋才子。卽用高陽之原。公儀表外明。風神內照。器量深沉。諸基不測。事君惟忠。事親惟孝。言爲世範。行爲士則。留連墳素。悃悵文詞。霜府錄於尚書。天官總於司會。出入匡贊。常帶數職。身具六龜。腰恒四綬。陳平密謀。旣非天子所見。荀彧上策。又非諸侯所聞。其爲郡也。惟取赤土封書。其爲州也。唯以青鹽換粟。留家則千樹無資。遺子則一經而已。嫡子操。至性過禮。純孝不遺。墳前。

之樹。染淚者先枯。庭際之禽。聞悲者則下。銘曰。  
山連日觀。水枕滇機。富春沙起。開陽柱飛。大夫屈節。  
將軍振威。南越受吏。西陵解圍。昔我列祖。垂翅秦中。  
白馬無路。烏江不通。笛吟鄉里。琴哀土風。營州恒州。  
擁旄世載。壯節旃矜。人雄關塞。直河穿趙。平雲臨代。  
生謂立功。沒爲留愛。降茲岳瀆。誕此貞明。祥符雲氣。  
慶合星精。宮帷定策。殿柱書名。忠泉暗漏。孝笋寒生。  
世屬殷周。時逢楚漢。天下三分。鴻溝一半。以我明略。  
來叅匡贊。日乃再中天。成兩旦。遞叅三事。歷副六鄉。  
天師光宅。地載謨明。春官定禮。夏官治兵。讖言默識。  
溫樹無名。謙恭周密。言行無乖。忠公兕殪。陰德虵埋。  
軍國紛總。部領瑱堵。馬不入廐。金不入懷。具瞻惟德。  
高山惟仰。甲觀初登。龍樓初上。東國桓榮。西京疎廣。  
年齡俄頃。風電相摧。銘旌兩沒。池柳雙迴。煒煒胤子。  
御疚銜哀。身彰野火。心懼天雷。日月其除。榮終哀始。  
馬歸司隸。書還太史。曆對天星。墳連地市。山勢接飛。  
松形蓋起。德音無絕。平原忽矣。

周大將軍崔說神道碑

公諱說字某博陵郡安平縣人也昔者華陽之野降龍首之神烈山之都啓龜文之繇匡周則盟津有會佐夏則龍門始鑿西遊則起家秦相東人則載世齊卿備乎史籍可得言矣祖辨中軍將軍定州刺史父楷鎮北將軍司馬烈侯竝厲風霜俱張鋒穎邸史疊迹官曹凜然是謂鮑恢都官百城振懼葛豐握節京師歛手公特稟英靈偏鍾山岳雄姿俊茂睂目疎朗觀虎於檻齧髮不驚稱象於船勝衣能對至於拉虎羈熊摧斑碎掌忘歸繁弱落鴈吟猿故得氣蓋關中

威申河外解褐領軍府錄事轉諮議叅軍時當塗失御政在權門始論函谷之兵卽起韓陵之戰太師賀拔勝作牧西荆公爲假節冠軍將軍防城都督及南陽失守卷甲奔梁樂毅羈旅猶思燕路陳軫愴悽終戀秦聲幸值和隣言歸舊國授衛將軍都督封安昌縣開國子食邑三百戶弘農克復沙苑揮鋒進爵爲侯增邑并前一千一百戶信珪則更受司勳穀壁則還輪典瑞鐵馬有河橋之戰戈船有汾水之兵除京兆太守移民下邑未學邊韶走馬章臺不同張敞遷

金鈴觀鶴  
不比攢箭  
弱羽



帥都督持節撫軍通直散騎常侍大都督尋遷持  
節車騎大將軍儀同三司都官尚書定州大中正五  
曹奏事有朱穆之忠九品論人見楊喬之直改封安  
國縣侯益邑合前一千四百戶賜姓宇文改名爲說  
漢王改婁敬之族事重論都魏后變程昱之名恩深  
捧日遷車騎大將軍開府儀同三司加侍中竇憲連  
官單于之寶鼎可致張寬固位渭橋之流星可識司  
木七工既掌丘陵之賦司會六典乃均邦政之才居  
官得人於斯爲盛進爵爲公改封萬年縣通前二千

荷誦紫蓋  
滿堂青刀

四百戶除隴州刺史都督隴州諸軍事隴坻路遙秦  
川望遠鄧仲華之不去馬文淵之願歸尋除涼州刺  
史總督河西甘瓜諸軍事地似伏龍城如飛鳥燉煌  
實錄宛在胸襟玉門亭障無勞圖畫有馬如羊不以  
人旤有金如粟不以入懷柱國齊王今上之介弟龔  
行薄伐問罪河陽以公爲行軍長史參謀帷幄中軍  
之司既舉魏絳上卿之佐實用荀林以公方之差無  
慙德除使持節大將軍大都督崇德安義建忠九曲  
安樂三泉伏流周張平泉固安蠻通俗凡十三防禦

汝看盲左  
在我指端

點染處雖  
寒枝宿莽  
有青律之  
變

熊和中三州黃蘆起谷王晏供超牽羊溫狐交河大  
嶺避雨木柵寺一十戍諸軍崇德防主宜陽上地更  
有秦兵熊耳山前還逢積伏用是連營函谷獵騎黎  
陽威振兩河名陵三晉改封安平縣公淮陰一國韓  
信之故人戶牖萬家陳平之鄉里公此衣錦足爲連  
類建德四年正月十日薨於長安之永貴里私第春  
秋六十有四詔贈敷延丹綬恒五州諸軍事敷州刺  
史謚曰莊公禮也卽以其年二月二十四日葬於京  
兆平原鄉之吉遷里北陵追遠大司馬有賜綬之恩

西京贈行冠軍侯有詔葬之禮嗚呼哀哉世子儀同  
衍生事以禮死葬以禮愛親有王祥之孝同氣有姜  
肱之睦百行之本於斯備焉况復松檟深沉旣封青  
石之墓丘陵標榜須勒黃金之碑乃爲銘曰

華陽之神厲山之祖鳳野匡周龍門佐禹日浴溟池  
山浮海浦甫穆霸國營丘樂土胤斯宗邑承此壤王  
移封東武就君安陽中軍節目鎮北鋒芒商飈獵草  
電火驅霜公之輪煥繼體貞幹儀表丘墟風神墻岸  
孝有至德忠能臣贊不廢橫琴無妨歌案旣班三事

沉實古朴  
簡有漢人  
氣韻

又貳六官。衛青受詔。韓信登壇。長城馬窟。廣武兵欄。  
軍吏無犯。營民不寒。乃用六謀。乃論三策。城壘向背。  
星辰主客。劍起沉犀。弓開仗石。楚后讓盟。秦君還壁。  
百齡危脆。千仞摧藏。諸侯地裂。邊將星亡。輕車騎士。  
玄甲黃腸。社如齊地。廟似桐鄉。銘功贊德。碑闕相望。

周大將軍司馬裔碑

公諱裔。字遵胤。河內温人也。昔顓頊之命。始則南正  
司天。重黎之後。又以羲和掌曆。夏陽適晉。得隨會而  
同奔。東海避秦。與毛公而俱隱。其後金行受命。玉笥

翊天啓  
刺刺紫雲  
雄壯無偶

南遷。帝系極於東圖。中朝至於江表。曾祖楚之。晉太  
傅。錄尚書。楊州牧。會稽文孝王之次子。元顯之幼弟  
也。元顯見害之後。相玄篡逆之初。爰自韶甌。客身屠  
釣。河內道左。抱劍長號。代郡城前。慟悲靈祭。江淮志  
節之士。汝潁風塵之客。感激一言。咸多依附。既而雲  
生伏龜。星出鯨魚。太白經天。蚩尤映野。公乃收合餘  
燼。泣血登埤。臨武牢之關。據成臯之坂。擁衆萬家。歸  
於魏室。魏明元皇帝。遥授平南大將軍。荊州刺史。襲  
封瑯琊郡王。尚河內公主。命王承制。從賓國之儀。于

捷似崔  
發

時宋兵憑陵旗鼓侵逼虎牢不封金墉無援魏太武  
皇帝授王使持節侍中安南大將軍開封儀同三司  
給前後部鼓吹兄城啓行志雪冤恥登壇慷慨三軍  
掩泣黃河漕粟已出石門仕馬連旗將臨野坂既而  
雲中析起代郡烽燃反旆南轅途窮北略贈征西大  
將軍都督梁益秦寧荆交青豫郢洛十州諸軍事楊  
州牧司徒謚貞王祖金龍封瑯琊鎮西大將軍儀同  
三司吏部尚書贈司空謚康王父悅鎮南將軍豫州  
刺史漁陽莊侯以荆河刺舉時值亂離釁起蕭牆遂

終非命公遺腹載誕流離寇逆複壁襁負深山擁樹  
程嬰之匿趙武從役家臣王成之藏李燮爲傭酒市  
遭大夫人憂苦草墳塋以終灰燼形骸毀瘠逾於喪  
禮年十有五始幹家事楹前鑿柱卽取遺書石上開  
松仍求故劍出身司徒府叅軍除中堅將軍員外散  
騎常侍值魏室多難所在烽起孟津以北無虞封畿  
嵩山以南卽爲鋒鏑公建議脩武立柵温城函谷西  
封河橋北斷長亭籍馬竝入武城百里祖車咸輸温  
縣太祖文帝締構關都經綸夷阻招携以禮懷遠以

德馬文淵之釋主去隴坻而歸身實周公之入朝在  
河西而奉詔大統七年蒙授平東將軍北徐州刺史  
十年河內故義四千餘家願立忠誠須公衣錦乃授  
使持節領河內太守加前將軍懷州拓境兩鎮奔波  
柳泉轉戰三城授首十三年太祖召山東諸立義之  
將能率眾入關者有加重賞公率先而至領戶千室  
即以為封固辭不受其菽粟之賜或以指困馬牛之  
賞將同量谷朝廷以華陽西極漢水東流歎孟達之  
奔兵怪劉封之失策魏前元年移鎮漢中除白馬城

主領華陽郡守者昔稱導漾今聞上瀦烟沉冰井雨  
歇雲門其年授大都督加散騎常侍柱國蜀國公開  
金牛之道通牧馬之關公卷甲北塞懸車束馬遂得  
策預葭萌勲參綿竹封龍門縣開國子蒲州刺史仍  
領新州尋授使持節車騎大將軍儀同三司大中正  
隆周授圖天保定以公才望仍為舊臣遂乃義深  
追遠恩隆繼絕即改封瑯琊縣公邑五百戶仍遷驃  
騎大將軍開府儀同三司都督巴州諸軍事巴州刺  
史武成二年被勅赴援信州魚復道阻屢却岑彭荆

門水急。幾沉。吳漢公乃月峽先登。瞿唐直上。天子以公操履忠勤。儀刑亮直。乃徵爲大御伯。尋轉大御正。邑一千一百戶。樞機近侍。出納絲言。所謂多識舊章。殿中無雙者矣。四年。大將軍東討。公所領義衆。先守枳關。授都督懷州諸軍事。懷州刺史。偃師。張幕。河陽。救馬。雖接戰於富平。已連營於官渡。五年。詔追還拜始州刺史。更封信州。賊山彰。尋寶。淪恃險。峽路五尺。絙釣纜。通縣水。三門橋。飛濟渡。旣而風行草偃。谷靜山空。前後平十二城。獲九千餘口。馬歸平樂。金輸人

衡。天保二年。除信州刺史。都督信州諸軍事。朝發白帝。暮宿江陵。氣振巴丘之兵。威警建平之戍。五年。遷潼州刺史。益州柱國公。降帝子之重鎮。天井之星。延閣擬於叢臺。岷山方於代郡。公仰稟雄謨。參謀遠略。故得身預舞陽之功。位極長平之寵。六年。授使持節。大將軍。大都督。西寧州諸軍事。西寧州刺史。方欲關沫若。徼狎柯。見夜郎之候。習昆彌之戰。而飛鳶墮水。馬援去而無歸。金馬騁光。王褒行而不反。嗚呼哀哉。七年正月十日薨。春秋六十有五。詔贈使持節。大將

瘦壁橫空  
山花關日  
奇麗似之

軍懷邠汾晉四州諸軍事懷州刺史夫人襄城公主  
魏憲帝之曾孫趙穆王季女王姬肅恭。綸翟禮典四  
教。競莊三星。令淑有光。隆慮之賢。足表平陽之盛。生  
則從夫。以秩死。則同穴。以禮。建德元年八月十二日  
合葬於武公三時原大夫墓樹以栢。諸侯墳高於雉。  
于嗟滕公來居此里。詔謚定公禮也。公資忠履孝。蘊  
義懷仁。直幹千尋。澄波萬頃。逢蒙射法。力牧兵書。星  
辰高下之占。風雨逢迎之氣。故得師出以律。天幸將  
軍者也。至如官曹案牘。未常煩壅。戎馬交馳。不妨餘

裕。足使四岳彌峻。三台更明。在朝四十一年。身經一  
百餘戰。凡任四郡。歷八州。未嘗以貨殖經懷。去如始  
至。渭南千畝之竹。更懼盈滿。池陽二頃之田。常思止  
足。身歿之日。家無餘財。素車白馬。狹室崎嶇。黃腸玄  
甲。堦庭仄陋。有詔冬官。爲營寢室。朱邑祭酹。無所。漢  
后是以賜金。陳表妻子露立。吳王爲之開館。嗚呼哀  
哉。世子侃。孝家忠國。楊忠顯親。是以勒此豐碑。懼從  
陵谷。殖之松栢。不忍凋枯。銘曰

欽若曆象。平秩寅賓。少梁奔華。地入咸秦。族夷興馬。

筆花大放

書窮獲麟。玉鏡云始。金行乃構。象浦通關。龍沙開侯。  
上糝石起。河陽水關。五馬南浮。三星東宿。太傅作牧。  
奄有江沱。司徒避辭。承制荆河。南勞推轂。猶思枕戈。  
龍棋被野。蒼哭凌波。莊侯季年。禍機相接。誕公遺嗣。  
崎嶇懷挾。山窟趙武。家藏李燮。伍負道阻。燕丹路遙。  
南奔楚塞。北避秦橋。水流登壠。寒風度遼。有功都護。  
則重嫖姚。懷書上馬。習禮從戎。陣圖六甲。兵占八風。  
藏松寶劍。射柳瑯弓。推誠賈復。屈節廉公。八翼頻飛。  
六循亟秉。勇此仁義。行茲寬猛。持印山開。沉黎盜靜。

如轆轤之  
不窮

取甲無丘。均田不井。懋功賜爵。上將賞官。軍中受詔。  
塞外登壇。方屠叅合。更塵阜蘭。渝川毒水。熨道灾氛。  
地亡都尉。灘悲使君。谷寒無日。山空足雲。北風吹旒。  
秋霖泣軍。遣奠雙設。銘旌兩布。泌水同墳。平陽合墓。  
悲哀嗣子。攀號靡訴。慟甚風枝。悲深霜露。自此何世。  
從斯幾年。麒麟欲鬪。華表中燃。地形樓起。松心蓋圓。  
茫茫丘壠。代代英賢。

周柱國大將軍拓拔儉神道碑

蓋聞放勛立而羲和昇。重華登而元凱用。思皇多士。



既成西伯之功，俊德克明，乃定南巢之伐，是知惟賢非后弗食，惟后非賢弗乂。若夫君臣一德，啓心沃心，見之昌寧文公矣。公諱儉，字慶明，恒州高陸人也。北岳天孫之星，燕河帝子之國，故多奇節，甚茂華風。高闕圖南，二王齊軫，長城拔本，十族分源。高祖太尉北平王，光輔五君，允釐百揆，恒衛既從，淮沂其乂。祖豹龍驤將軍，恒州刺史，常山刺舉，非無取代之符。龍驤總戎，或似平吳之號。父鹹年止弱冠，榮終解印，公以五常蘊智，六氣資德。乘天則策馬，秉靈降神，則牽狼

應象直心於物，水火恬然，無負於天。雷庭不懼，富貴自取，豈資唐舉之言，聲名有聞，無勞李膺之識。年十八，解褐員外散騎侍郎，尋授輕車將軍羽林監。太祖文皇帝駕馭天綱，苞羅英傑，選公才德，光佐中書，諸葛亮之西歸，玉壘成三分之業。管夷吾之入仕，葵丘有一匡之功。天水黠羌，漁陽群盜，乃遷秦州刺史，長史防城大都督，封信都縣開國伯。三年，滑州蟻聚，保鄣沉命，靡旗亂轍，乘冰渡河。丞相大行臺授假節撫軍，行滑州刺史。大統元年，授持節東夏州刺史，加散

勢險節短  
便是文家  
健兒

騎常侍郅支抱馬。如聞耿秉之戰。單于願識。似畏王  
商之威。五年遷使持節鎮東將軍都督東北三夏州  
諸軍事。西夏州刺史。增邑千戶。改伯爲公。旣而江漢  
遼遠。車書寂寞。蜀主的顛。未出檀溪之水。秦王飛雉。  
猶向南陽之城。六年以公爲使持節都督三荆三襄  
南雍平信江隨郢浙一十二州諸軍事。荊州刺史。東  
南道行臺僕射。楚城隣境。實有讓田。吳人對營。無妨  
贈藥。部內屬城。爲人所訟。公遂集文武。肉袒自罰。兄  
弟不讓。延壽責躬。吏民有過。翁歸引咎。天子異之。璽

書勞問。贈賄加幣。王人接踵。大丞相書云。此之美事。  
耳目之所未經。歎賞無極。故遣專使。公善於撫馭。長  
於接引。山藪無棄。苞苴不行。示人赤心。與人顏色。盜  
不敢發。民不忍欺。至是將校耆老。於州城之南。起清  
政之樓。勒賢臣之頌。杜鎮南之作。牧當世。樹碑竇車。  
騎之臨戎。生年刻石。方之今日。彼獨何人。于時戶口  
日增。荒萊畢墾。華實紛敷。黔黎茂豫。但恐衮職有關。  
待公而補。鼎飪未和。須公而正。是以漢民陰望。荆南  
杞梓。竝皆上書詣闕。連名乞留。河內之借。寇恂更慙。

謁帝交州之請。士燮還著上表。九年授車騎大將軍。儀同三司。十二年除大行臺尚書。仍爲大丞相司馬。以公識度嚴明。志節清儉。遂改公名儉。字慶明。非關書月詎待看碑。幸得千畝不同。二山無廢。十三年加開府。餘官如故。十四年除尚書右僕射。加侍中。進驃騎大將軍。居上星執法。在文昌之位。以公才望兼而有之。十五年更除東南道行臺僕射。都督十五州諸軍事。行荊州事。十六年大丞相總十六軍。尅清河洛。公又中分麾下。參謀幃幄。高選霸僚。公爲長史。其年

加都督南道三十六州諸軍事。餘官如故。南陽文學更遇王基。章華衮衣。還迎郭賀。昔日伐蜀之謀。張儀與秦昭計合。平吳之利。羊祜與晉武意同。太祖始定成都。卽有江陵之志。公密獻其策。懸符深旨。糧運久積。梯衝立備。一戰而舉。鄢郢再戰而燒。夷陵遂得。席卷三荆。此又公之勲也。詔賞奴婢三百口。太祖與公書云。由公立計。果何所謀。公頃自鎮江陵。以安蜀地。後魏二年。改武川昌寧郡。開國公。歷陽居民。非惟景丹之封。曲逆戶口。豈但陳平之國。其年授大將軍。太

和之中。曹真於府內受冊。元封之末。衛青於軍中卽拜公之。此比。綽有餘榮。詔曰。吳人未復。湏助謀謨。今使梁王兵馬。受公節度。三年。加都督東南道五十三州諸軍事。增邑萬戶。維周革命。光宅欽明。作貳大官。允諧邦治。元年。授小冢宰。保定二年。治蒲州刺史。檢校六防諸軍事。四年。治襄州。仍授柱國大將軍。餘官如故。秩登四岳。階平六府。豈不功重昭陽。名高蔡賜。控馭五十州。風行數千里。拔園葵而去。織婦無三惑。而絕四知。一室之中。未免虛白。日膳之資。三杯而已。

轉轂  
設若飛  
知唐宋  
通對長詞  
咸爲贅勝

詔乃賜繒綵一千段。粟麥二千斛。天和元年。陝州刺史都督八州二十防諸軍事。解荊州總管。餘悉如故。路出王宮城。臨河曲。成清陝右。高視棠陰。部領宴煩。晦明爲疾。天和四年。謝病。故京薨于私第。春秋七十有八。鑿蹕降臨。軒懸轍樂。九旒龍旆之錫。三河騎士之送。詔贈太保。涼夏靈銀。長原河鄯。廿瓜十州諸軍事。涼州刺史。謚曰文。公狀貌丘墟。風神磊落。玉山秀立。喬松直上。烟霞之涯際。莫尋。江海之波瀾。不測。少遭荼苦。在山服終。攀栢樹枯。侵松獸死。盡忠事國。竭

力從政、其門如市、其心若水、奇策密謀、具僚仰止、忠貞亮直、明主敬焉、至如風后陰陽之占、力牧星辰之度、魏公子之兵書、李將軍之射法、莫不成誦在心、取爲時用、居常服翫、或以布被松牀、盤案之間、不過桑柘石鼎、遺令山陵、一無所用、公私贈襚、竝不得受、止依太祖陵側、無忘事君、墩等兄弟、竝至性、善居喪、號墓墳埏、奉遵遺訓、是以衛青之塚、仍陪漢武之陵、管仲之墳、卽接齊桓之墓、天和六年、天子以四海未寧、三方鼎峙、有懷將帥之志、言念封疆之臣、旣畫雲臺

乃題麟閣、更贈公爲鄒國公、邑五千戶、追崇列辟、事極神魂、再改銘旌、恩隆封墓、公在民留愛、身後見恩、吉日良辰、郊祠野祭、儀同趙超等、六百九十七人、表求立廟、陳請象魏、有詔許焉、桂棟杏梁、綠墀青瑣、按歌會舞、鳳蓋電裳、南浦送而行雲、東風颺而零雨、是知漢陽郡前、非徒武侯之廟、臨淄城下、豈獨樂公之社、嗚呼哀哉、乃爲銘曰、

道鍾屯剝、世屬雲雷、地軸左轉、天關北開、客車周室、繫馬秦臺、乃齊七政、爰答三才、烈祖燮諧、九龔梁棟、

水流湘祠  
月照庾樓  
無此清泚

取才逢獵求賢入夢。匡贊官雲。謀猷紀鳳。律定公族。  
珪分職貢。乃惟嗣德。寔秉英靈。身圖斗宿。面繞樞星。  
青衿敬業。童子離經。信陵虛右。干木分庭。忠孝純深。  
樞機周密。孔光不言。曹參勿失。溫席扇枕。承顏悅膝。  
凍浦魚驚。寒林笋出。肅肅風政。沉沉器局。直似貞筠。  
溫如瑞玉。清不置水。明非舉燭。馬願如羊。金湏似粟。  
上將克昇。元戎既序。夏陽三捷。夷陵一舉。憑軾下齊。  
凌江入楚。鼎反歷室。鐘歸大呂。六卿咸事。天官是司。  
二南作伯。棠陰實治。清風有頌。綠竹聞詩。贈行之冊。  
超然帝師。昔侍蘭苑。今陪杏林。死生契濶。無違一心。  
風雲積慘。山障連陰。陵田野寂。松逕寒深。夏嬰之隴。  
喬玄之墓。馬見千年。車回三步。左無長樂。前非武庫。  
直望高碑。增悲行路。

居業山集 / 卷一三

三十一



國家圖書館, NATIONAL CENTRAL LIBRARY, TAIWAN, R.O.C.

庾子山集卷十四

北周新野庾信著

明東海屠隆評

碑

周柱國大將軍紇于弘神道碑

興至不刪  
紫瀾蔚起

公諱弘字廣略原州長城縣人也本姓田氏虞賓在位基於揖讓之風鳳皇于飛紹於親賢之國論其繼世之功則狄城有廟序其移家之治則長陵有碑况復高廟上書小車而對漢王聊城祭鳥長岳而驅燕將公以胎教之月歲德在寅載誕之辰星精出昴是



以月中生樹。童子知言。水上浮瓜。青衿不戲。而受書  
黃石。意在王者之圖。揮劍白猿。心存霸國之用。魏永  
安中。任子都督。翻原州城。受隴西王節度。于時洛邑  
亂離。當途危逼。禮樂征伐。不出於天子。舉賢誅暴。實  
在於強臣。太祖文皇帝。始創霸功。初勤王室。秣馬蒐  
乘。誓衆太原。公伏劍轅門。麓謀當世。隨何遠至。實釋  
漢帝之憂。許攸夜來。卽定曹王之業。永熙中。初迎魏  
武帝入關。封鶉陰縣開國子。邑五百戶。太祖以自着  
鐵甲賜公。云天下若定。還將此甲示寡人。白水良劍。

罷朝而贈陳寵青驪善馬。軍廻而賜李忠竝經輿服。  
足爲連類。大統三年。轉帥都督。進爵爲公。十四年。授  
使持節都督原州諸軍事。原州刺史。仙人重返。更入  
桂陽之城。龍種復歸。還尋白沙之路。公此衣錦鄉里。  
榮之。侍從太祖戰河橋。復弘農解華山圍。平沙苑陣。  
必有元勳。常蒙別賞。太祖在同州。文武竝集。號令云。  
人人如紇于弘。盡心天下。豈不早定。卽授陣騎大將。  
軍儀同三司。前魏元年。轉驃騎大將軍。開府。所連猶  
遠。卽受冠軍之沙幕。未開元。置長平之府。梁信州刺

史蕭韶寧州刺史譙淹等猶處永安稱兵漁陽公受  
命中軍流下瀨遂得朝發白帝暮宿江陵猿嘯不驚  
雞鳴卽西平反羗本有漁陽之勇鳳州叛氏又習仇  
池之氣公推鋒直上白刃交前萬死一決凶徒多潰  
身被一百餘箭傷肉破骨者九瘡焉被十槩露布甲  
上朝廷壯馬糾糾葛屨魏有去舊之歌零露瀼瀼周  
受維新之命乃進爵封鴈門郡公食邑通前二千七  
百戶保定元年授使持節都督岷州諸軍事岷州刺  
史隴頭流水延望秦關川上峨眉猶通蜀道公不發  
私書不燃官燭獸則相負渡江蟲則相銜出境四年  
拜大將軍餘官如故衛青受詔未入玉門之關竇憲  
當官猶在燕山之下公之此授差無慙德渾王叛換  
梗我西疆巖羌首窳藩籬携貳公受服於社偏師遠  
襲揚於龍涸繫馬甘松二十五王靡旗亂轍七十六  
柵鶉奔雉窳旣蒙用命之賞乃奉旋師之樂天和二  
年被使南征帶甲百萬軸轡千里江源水起海若乘  
流船官之城登巢懸爨吳兵習流長驅戰艦風灰箭  
火倏忽凌城公以白羽麾軍朱絲度水七十餘日始

得解衣。朝廷以晉尅夏陽先通滅虢之政。秦開武遂。始問吞韓之謀。是以馳傳追公。以爲仁壽城主。齊將段孝先。斛律明月。出軍定隴。以爲宜陽之援。公背洛水而面熊山。陣中軍而疎行首。乘機一戰。宜陽銜璧。增封五百戶。進柱國大將軍。司勳之冊也。建德元年。拜大司空。二年。遷少保。姬朝三列少保。爲前炎正。五官冬官。爲北頻煩。寵命是謂賢能。三年。授使持節都督襄郢昌豐唐蔡六州諸軍事。襄州刺史。江漢之間。不驚雞犬。樊襄之下。更多冠蓋。旣而三湘遼遠。時遭

鵬入五溪。卑濕。或見鳶飛。舊疾增加。薨于州鎮。天子畫凌烟之閣。言念舊臣。出平樂之宮。實思賢傳。有詔贈某官。禮也。卽以四年四月二十五日。歸葬于原州高平之鎮山。屬國玄甲。輕車介士。一依霍驃騎之禮。衛將軍之葬。嗚呼盛哉。公入仕四十五年。身經一百六戰。通中陷刃。疾甚。曹叅刮骨傳藥。事多關羽。而風神果勇。儀表沉雄。事親無隱。無犯。學不專。經略觀書籍。兵無師古。自得縱橫。青烏甲乙之占。白馬星辰之變。九宮推步。三門伏起。天弧射法。太乙營圖。竝皆成。

驅使往事  
蝶舞花翻

誦在心。若指諸掌。虜青犢之兵。甚有秘計。燒烏巢之米。本無遺策。西零賊退。屈指可知。南郡兵廻。插標而待。常願執金鼓而問吳王。橫瑯戈而返齊地。有志不就。忠貞死焉。世子恭等。孝惟純潔。居喪過禮。對其苦寢。則梓樹寒生。聞其悲泣。則巢禽夜下。嗚呼哀哉。乃爲銘曰。

天齊水合。日觀山連。兵強東楚。地遠開燕。五卿咸正。三王竝賢。靈龍更起。燧象還燃。自天之德。乃祖乃父。維岳降神。生申及甫。北門梁棟。西州雲雨。勇讐燕城。

名題漢柱。公始青衿。風神世載。猛獸不驚。家禽能對。劍學千門。書觀六代。有竭忠貞。無違敬愛。乃數軍實。乃握兵謀。澆沙成壘。聚石成圖。風雲順逆。營陣狐虛。靈雨鉦鳴。燿火飛狐。淮陰受冊。車騎登壇。公爲上將。有此同官。下江燒楚。上地吞韓。推功玉案。定策珠盤。天有三階。公承其命。國有六卿。公從其政。台曜借輝。槐庭重暎。匡贊七德。謨猷八柄。腹滿精神。心開明鏡。伏波受脈。樓船推轂。東道未從。南征不復。飲丹有井。澆泉無菊。功存柳林。身在構木。移芮及葬。提柩山行。

芻靈隴水哀挽長城。山如北邙。樹以東平。松門石起。碑字金生。渺渺山河。笳笳亂子。泣血徒步。奔波千里。孝水先枯。悲雲卽起。世數存歿。哀榮終始。

周柱國大將軍大都督同州刺史爾綿永神

道碑

公諱永，字永賓，東燕遼東郡石城縣零泉里人也。本姓段，昔者昌意陵居，初分若水之姓，其叔出奔，始有京城之族，西河居士，蕃魏而却秦，北岳將軍，威胡而奉晉。其後居於北代，則先封遼水，備乎史籍，可略而

言祖，援鎮西將軍，馮翊太守，父儒，平東將軍，持節，恒燕朔三州諸軍事，恒州刺史，公年裁弱冠，卽值亂離，驅馳關塞之間，早有縱橫之志，軍陣方圓，無勞聚米，山川形勢，不待披圖，魏正光五年，入仕解褐，殿中將軍，孝昌三年，加龍驤將軍，永平二年，授平東將軍，都督中埏，建義勳謀，是先蒙賞，倉泉縣，開國男，食邑一百戶，其年淮淝侵軼，南鄙徵公，兵受賑，偏師一月，三捷，昔張遼奄至。

縣開國伯，食邑五百戶，進爵爲侯，永熙元年，授使持

節車騎大將軍左光祿魏武帝特詔入仕閣內大都督馬武小心侍蕭王於臥內典韋忠壯陪魏后於宮中于時賊帥元伯破掠城市西自潼函東綿鞏洛京畿大都督請馬七千公曰此賊無他策尋爲鳥散止請五百騎應手生擒朝廷賞其謀策百姓喜其除害既而喪亂弘多生民版蕩乘輿西幸宗社北遷公妙識玄象深知曆數乃與昆弟謀爲自全斬西中城主送首關內蒙賞平昌縣開國子食邑三百戶大統元年授使持節都督北徐州刺史平竇軍復弘農戰沙

苑河橋公竝預元城身當鋒首謨猷應變備在司勳增邑八百戶通前合二千戶進爵爲沃陽縣開國公授南汾州諸軍事南汾州刺史十四年增邑三百戶轉大都督其年授車騎大將軍儀同三司加散騎常侍十六年授驃騎大將軍開府加侍中尋授恒州諸軍事恒州刺史又遷雲州刺史昔軒丘分族異姓者十四人鄠邑建侯宗盟者四十國太祖文帝席卷關河三分天下潁川從我竝有鄉里之親新豐故人非無布衣之舊更立九十九姓還存十六國舊胃還姓

滿腹帝王  
譜牒吐出  
便成珊瑚  
之枝

爾綿增邑一千進爵為廣州城郡開國公尋授文州諸軍事文州刺史國家以玉門西拒久勞亭鄣陽關北牧多事風塵武成二年有詔進公都督瓜州諸軍事瓜州刺史是以名馳梓嶺聲振榆關無雷畏威負霜懷惠保定三年還朝授工部大夫尋遷車司馬夏官司武待白露而治兵冬官考工紀玄雲而授職四年增邑三百戶通前合三千九百戶其年授使持節大將軍都督治左八軍總管軍事落食朝登上將暮會小卒事涉交接觀豐而返天和二年以本官領小

唐人序云  
夕郎歸其  
峻寵冬  
美其成  
未若此之  
妍媚

司寇三度有星名天獄八卦有坎象刑書公繁不秋荼嚴無夏日民知約法未肯以獄吏為尊吏識刑名無敢以死灰相懼又任左廂第三軍總管仍被勅將兵馬北道教習韓信入關即申軍令陳農受詔仍校兵書豈若六郡良家五營騎士懸知正正之旗遙識亭亭之氣蒙犯霜霽旗鼓驅馳俄而遘疾疹至大漸五年六月十六日薨於賀葛城春秋六十有八將軍死綏三軍行哭都護喪還緣邊追祭九月二十三日靈柩至于京師皇帝臨喪百寮赴弔詔遣使持節車

騎大將軍儀同三司賀拔軌監護喪事又遣使持節  
車騎大將軍儀同三司紇豆陵亮冊贈使持節柱國  
大將軍同華宜敷冊五州諸軍事同州刺史謚曰恭  
公其年十一月五日葬于京城南高陽原高司里夫  
人赫連氏兗州刺史悅之女年十四適爾綿氏冊拜  
魯城縣君遷清陰郡君又遷廣城國夫人肅恭令淑  
儀範賢才四德有耀三星增輝三公夫人見於斯矣  
建德元年十二月亡春秋五十有八二年正月歸於  
高司之塋劉荊州之墓合葬於襄水之陽衛將軍之

陵同穴於廬山之下嗚呼哀哉世子岌使持節儀同  
大將軍領兵部大夫純孝事親忠貞事國禮義自立  
聲名有焉銘曰

軒臺受氏若水降居西城仲胤北陸寘餘山川雄烈  
風俗扶疎昔我關塞汭襲干戈時遭拔本世值橫波  
北封代郡東據遼河地未平一天猶薦瘥我公重光  
繼文踵武總牧三蕃兼治六輔雅俗觀風都亭待雨  
不逢問吏無闔桴鼓公以載世挺此令聞孝有三德  
忠惟一君馬陵釋患聊城解紛兵防滿月戰避迎雲



長松都尉細柳將軍。旣牧淮海，且蕃恒代。高壁負關，長亭穿塞。豐鼓司盟，吏不能欺。兵無敢背，玉關遺矩。汾海留愛，大將受冊。公昇其壇，六卿咸事。公貳其官，夷陵燒楚。上黨分韓，營軍參合。校戰臯蘭，年深厲起。福禍災生，上台裂岳。次將星傾，赤地悲淚。白虎哀鳴，懸弓。陲凝不動，泉凍無聲。天子愴然，追於。加陪陵受地，印綬日策。衣衾日禭，玄寔歲列。黃腸在位，自此何世。從斯幾春，樹爲櫪社。陵成谷神，詎知雲閣名在功臣。

周車騎大將軍婁公神道碑

昔者軒丘命氏，初分兄弟之姓。若木降居，始建諸侯之國。自是以官爲族，因地爲宗。水派枝分，其可知矣。公諱慈，字元達，本姓張，清河東武城人也。仕於周，張仲爲孝友，謀於晉，張彥爲賢臣。韓有開地，則五世強國。趙有孟談，則三卿不戰。祖慶少習邊將，憑伏智勇。雖復五車行簡，不取博士之名。一卷兵書，卽以將軍自許。角端在手，必無齊魯之侵。蓮花插腰，甚得蛟龍之氣。爲車騎大將軍，儀同三司，散騎常侍，霸城開國。

英詞高節  
可廢汗人

房山集卷十四  
伯贈河州刺史。父璨，公子公孫。有鑑基於天下。良弓  
良冶。有世業於家風。書則百家可知。劍則千人可敵。  
三槐以魯鼎象物。知其神奸。五等以桓珪旆瑞守其  
宮室。君以才望兼而有之。終於使持節車騎大將軍。  
儀同三司散騎常侍。武定縣開國公。贈秉河州刺史。  
兼山岳之靈。受星辰之氣。年在髫髮。甫就勝衣。竹馬  
來迎。已知名于郭。伋羊車在道。卽見賞于王。澄豈直  
童子明經。書生說卦而已。至如禪河清論。秋水高談。  
故以辨折龜林。聲馳鹿野。國家官族。君爲首姓。起家

車騎大將軍。儀同三司。襲封爲公。邑合一千六百戶。  
弱冠登朝。傳呼甚寵。漢魏台鼎。故無此比。中朝方伯。  
罕有其年。大家宰任總機衡。是勤王略。借君忠壯。委  
以爪牙。鎮左廂。親信出梁州防主。華陽西極。漢水東  
流。巴濮旣寧。沉黎卽靜。保定四年。王師北伐。以君驍  
勇。被召將兵。師下宜陽。身登函谷。將燒白馬之城。以  
覆烏巢之壘。旣而中途甚雨。未獲圍原。軍師聞喪。不  
成侵宋。柱國趙王。今上之第九弟也。文則河間上書。  
武則任城置陣。作鎮岷丘。揚旂錦水。白虎之俗難安。

使事鬆快  
非活剝生  
吞者比

黃龍之盟不定。以君智略，入佐中權。天和元年，授使持節大都督治柱國總府司錄，仍轉司馬。餘官封如故。相如西喻，鏤石於靈山。武侯南征，浮船於瀘水。方之今日，彼獨何人。九品課工，爲上之下。四年，入朝歸事。宰旅卽受載師，大夫將命齊國，尋盟出境。卽用和鄰之。入國聞喪，仍從會葬之禮。可使南面，此之謂乎。尋以本官入治軍正，至如渭水。兵書存心爲志，軒丘陣法聚石成圍。旣得師不疲勞，兵無怨讟。入陪中禁，更領儀同。邸客城池，門闌戶籍，咸資巡警。竝用司存。帝城近臣，宮室密戚。如逢司隸，似畏都官。旣而孤城鄭姬，不相其年。巴水深翁，不醫其疾。春秋三十有三，奄捐官舍。呂子明之疾甚，歎軫吳王。阮文瑜之長逝，悲深魏主。有詔贈某官禮也。以建德四年三月日歸，塋於河州苑川郡之禁山。公六郡良家，西河鼎族。地壯金行人，雄塞氣。兵書七卷，河水浮來。射法三篇，天弧夜下。鋒旗不息，刁斗恒驚。猶得馬上讀書，軍中習禮。太史子儀善於謀策，諸葛公休長於撫馭。四代儀同三司，七世河州刺史。鐘鼎成烈，冠蓋連陰。謂生

若汎雲華

爲貴臣。死爲貴神者也。但以遊魂久客。反葬途遠。道阻山長。妻孤子幼。哀聲滿野。愁氣連雲。况復松檟飄颻。方臨武威之戍。丘陵迥遠。直對臨洮之城。馬援亡於武溪。尸柩返於魏里。梁鴻死於會計。妻子歸於平陵。嗚呼哀哉。嶮崎遠矣。昔者繁昌祠前。卽有黃金之碣。德陽墓下。猶傳青石之碑。是謂勒功。乃爲銘曰。七葉佐漢。五世相韓。忠臣入仕。孝友當官。青城仙洞。黃石祠壇。臺堪走馬。書足迴鸞。武定風颺。霜城嚴肅。竝馳雙傳。俱分兩竹。重世刺舉。連鑣袞服。草靡青丘。

骨氣高遠  
不徒以彩  
而競繁

風馳赤谷。世不乏賢。挺茲上嗣。孝有三德。忠無二志。劔足身挺。書堪面試。於節旣秉。高蟬且珥。龜轉印函。蛇盤綬笥。左右將軍。前後常侍。繼踵五侯。因循三事。旌旃九坂。艦舳雙流。還驅木馬。更引金牛。江波錦落。火井星浮。蹲酒望帝。安歌蜀侯。受脰河陽。偏師洛浦。置陣成臯。連旗廣武。朝兵減竈。夜營多鼓。箭起六麋。鋒摧九虎。倏忽人世。俄然今古。崇發兩星。鑿驚二豎。遊魂通夢。言返舊塋。紫泥賜丹。黃腸贈行。途登石紐。路入金城。寒關樹直。秋塞雲平。劔埋合柱。書藏鑿楹。

武侯爲廟。樂公爲社。雲蓋低臨。電裳紛下。碑枕金龜。松橫石馬。永矣身世。留名華夏。

周上柱國宿國公河州都督普屯威神道碑

銘

公諱威。字某。河南洛陽人也。舊姓辛。隴西人。基若水之源。纂商丘之胄。邑于大亳。實定其居。封于小辛。乃成其姓。是以三川被髮。辛有得見事之機。八卦占爻。辛廖有知人之鑒。佐治以東都上將。魏帝解衣。武賢以西國功臣。漢王推轂。祖大汗。武川太守。考生河州。

歷叙世系  
雲蒸霞湧

四面總管大都督。隴右貴臣。河西鼎族。公侯踵武。岳牧連鑣。竝得聲振長榆。名雄高柳。公秉靈山岳。誕載星辰。結髮嶷然。韶年成德。澄波萬頃。建標千仞。鋒穎旣高。光芒已遠。青衿學劍。旣爲人主所稱。童子論兵。卽佐中軍之策。永熙元年。入仕。蒙授直盪都督。大祖文皇帝。雪舊君之恥。連西伯之功。始裂鴻溝。初登函谷。公擢衣沐髮。杖劍轅門。撤洗足而相迎。下賓階而顧問。自此卽居帳內。仍爲直寢。授寧遠將軍。羽林監。白土縣開國伯。邑五百戶。大統元年。從迎大駕。進爵。

高峭

爲侯增邑三百戶。加冠軍將軍散騎常侍轉大都督。公善於用兵。長於撫御。自攻洛陽。定弘農。戰河橋。平沙苑。冒刃衝鋒。前無橫陣。况以弦木六鈞。函犀七屬。門多懸胄。箭必中鞍。山積器械。谷量牛馬。軍吏計功。司勲賞策。授使持節銀青光祿大夫。進爵爲公。增邑八百戶。昔者受律赤符。韓信當千里。治兵白帝。張飛擬萬人。皆此於今日。公之謂也。五年授使持節都督揚州諸軍事。揚州刺史。浮於江海。達於淮泗。滌蕩旣敷。瑤琨卽序。十三年授車騎大將軍。儀同三司。尋遷

操青溪綠

驃騎大將軍開府。仍賜姓普屯。卽爲官族。入陪武帳。出搃戎韜。置府於陽關。張旃於瀚海。故得上書於漢。卽用同宗。爭長於周。還無異姓。十六年授鄜州諸軍事。鄜州刺史。公穎煩兩牧。風政神明。虎去西河。梟移東郡。河湄瑞氣。特表廉平。鄜祀神光。徧明正直。及乎魏終天祿。周受惟新。明命已遷。彝倫或革。周元年。改授大將軍。抱罕郡。開國公。增邑一千戶。軍中受詔。非論北伐之功。大將登壇。無待東歸之策。置陣太平。開陰晉之道。連兵廣武。納榮陽之城。校戰丹山。移營白

壁莫不勇冠三軍。名凌五將。保定四年。授寧州摠管。掌其北門。既爲鄭國所委。捍其西鄙。無懼秦亭之逼。是以築平綱之城。衛人拱手。戍滎波之澤。梁氏寒心。朝廷與公有內外之親。令公從戚里之貴。乃以魏文帝女爲公夫人。遂得長門之左。別開公主之園。濯龍之傍。便有王姬之館。五年。被徵入京。拜少司馬。期於司武。以公爲魏絳。佐於中軍。以公爲荀首。豈直謂之鶉火。稱之縉雲而已哉。其年被使領兵出西涼州。奉迎突厥皇后。紀志繻求。卿爲君逆。稱族而行。尊君命。

也。天和元年。授柱國。拜大司寇。楚之柱國。方之南火。軒之司寇。譬以西雲。總授於公。能官人也。建德二年。授少傅。四年。授河州摠管。都督七州諸軍事。卽爲河州大中正。公之桑梓。本於此地。再爲連率。頻仍衣錦。襄城龍種。更反池臺。桂陽仙人。還歸鄉里。故老親賓。酣歌相慶。安車駟馬。天下榮之。宣政元年。授上柱國。更加少傅。配于上相。卽陪玄扈之圖。居于京師。實有圮橋之策。改封宿國公。食邑并前五千五百戶。射鴻舊圃。舞鶴餘城。旣浮酸棗之河。聊對淇園之竹。來朝

芳甸神皇  
刻畫如畫

建章。則天子降席。出遊咸里。則郡公下階。是以行滿  
天地。名聞四海。方當光輔五軍。叅謀七政。天厲弗戒。  
薨于所居。春秋六十有九。柳莊告殯。傾社稷之臣。鄭  
僑云亡。得諸侯之禮。詔贈某官。謚某公。禮也。以今開  
皇元年七月某日。反葬於河州金城郡之苑川鄉山  
行隴底。地入塞原。望積石以緣河。臨崆峒而下坂。玄  
甲黃腸。崎嶇亭鄣。及云奠徹。方勞榆沈。若夫樹反壤  
也。封夏屋馬。終須賴川之碑。乃見華陰之碣。世子儀  
同永達。孝性有聞。居喪得禮。嗟海變而田成。懼山飛  
而地絕。勒石墓田。仍銘云爾。

少典之孫。玄王之子。貫於月。金承於水。降及于周。  
公侯復始。風俗氣候。山川表裏。河連積石。山帶崆峒。  
秦亭北上。漢使西通。金行氣壯。地勢人雄。稜稜高節。  
凜凜疎風。祖考藩屏。濁河清渭。兩地謨明。雙流光賁。  
水無別色。雲無異氣。爲吏爲民。惟懷惟畏。公之嗣世。  
實秉英靈。降神中嶽。廻文列星。鸞翔鳳顧。珠角山庭。  
臣深義本。子極天經。洛城戰陣。河橋旗鼓。箭飲石梁。  
劍燃銅樹。竝麗六麋。俱抽雙虎。玉門開郡。陽關置府。

綴玉聯珠  
再納結繡



再爲上台兩爲少傅模範帝師經綸國步允襲峻德  
欽明審諭不吝車茵誰言溫樹天道茫昧年齡倏忽  
上將星開功臣鼎沒九原陵阜山河甲卒地險龜林  
營危馬窟西州永別北闕長辭山張虛蓋野祭空帷  
陵原地迥松路風悲銘于碣石勒以貞龜

周柱國楚國公岐州刺史慕容公神道碑

昔在殷書懋賞周禮議勲諸侯計功大夫稱伐惟師  
尚父昆吾載寶鼎之銘王命尸臣栒邑傳琯戈之賜  
故知太上立德明試以功存有顯爵之榮歿有大名

緣起落韻  
價比瓊瑤

之貴昊天不弔其惟楚國公乎可以旌德景鐘勒勲  
彝器式昭盛美載揚洪烈者焉公諱寧字永安昌黎  
徒河人也都尉總六縣之卿名山稱五岳之佐燕太  
祖文皇帝慕容皝以當世英雄奄有河朔趙之南境  
且建王城冀之北土仍爲興國公旣皝之苗裔家世  
燕陞高祖侍中使持節都督中外諸軍事太保錄尚  
書北地王慕容超之世蕃屏王室詳之燕錄可得稱  
焉曾祖尚書府君因魏室之難改姓豆盧仍爲官族  
祖仕魏文成皇帝考早亾朝廷以庸勲攸屬恩深追

遠保定三年有詔贈柱國將軍少師涪陵郡開國公食邑二千戶公稟氣中和降祥川岳岐嶷表羈貫之年通禮稱綺紈之歲夙著奇節幼表大成兄弟分果備知推讓賓客解鈴曾無愠色永安元年太宰元天無穆魏室滿輔握兵淮右抗權江南公時任別將便從征伐自是長城峽石必先行陣秦南隴西每當矢石權降乘勝莫不前驅策勲行賞常居第一永熙元年補子都督并加鼓節軍儀除桑乾太守轉補都督其年以魏王西幸奉迎大駕賜封河陽縣開國伯增

邑三百戶俄遷大中大夫改伯爲侯增邑合九百戶仍授使持節都督顯州諸軍事顯州刺史四年遷鎮東將軍金紫光祿大夫其年秋河橋之役先登破陣遷爲車騎大將軍儀同三司五年沙苑之功加封合前二千戶俄授敷州刺史加散騎常侍外深推轂內侍集書十五年授右衛將軍十六年授大將軍後魏元年重授敷州刺史公以先經刺舉固辭不就三年改封武陽郡開國公除尚書僕射職惟贊奏任居封掌分左右之儔兼典舉之選屬以江南阻兵渚宮邊

敵軍機警急，鋒鏑縱橫。公奉命星言，元戎啓路。搃秦人之銳士，兼荆戶之廣卒。水龍競雙刀之勢，步奇陳四分之威。夷陵旣燒，黔中方定。旋軍反旆，解甲休兵。其後鳳州內叛，成都外絕。公又搃督衆軍，蒐乘卽盜。兵不血刃，竝皆擒獲。遷其會豪，納其降附。皇朝受終，文祖革命。神宗選賢與能，改絃創制。爰降冊書，授公柱國，增邑四千戶。二年，授同州刺史，衿帶關輔，唇齒秦晉。編戶殷積，邸閣儲峙。藩籬是任，親賢勿居。公建旗作牧，褰帷行部。六條斯舉，百城咸勸。三年，授公大

司寇。又以功勲庸特著冊，封楚國公，食邑一萬戶。蓋因破侯方仁等于荆陝，卽其地而封焉。逖糾王慝，弛張刑政。式遏寇虐，於是御之以寬，猛柔遠，能邇然後平之。以冲和舜任，咎陶不仁者遠。晉舉隨會，群盜皆奔。保定四年，授岐州諸軍事，岐州刺史。沉痾彌留，保定五年三月四日薨于私第。春秋六十有二。詔贈某官，謚某公禮也。十月庚申，塋於洪瀆之川。馳綽毀宗客車專道。玄甲被屬國之兵，介士陳輕車之騎。克善令終，生榮死感。嗚呼哀哉！經德秉哲，體道居貞。履貴

怒波人立

思冲居盈念損澄波千頃不能變其清濁高墻百仞。  
無以測其汙隆立身行已居安如墜亡躬殉義視嶮。  
若夷至於將略應變出奇設伏太一風角之占常從。  
星辰之候。艘船戰陣之錄。強弩馳射之書。莫不動會。  
機神發符雷電梯衝所向地靡百樓之城長戟所臨。  
野關三門之陣。是以斬將擐旗四十三戰尊官厚祿。  
三十七年武彰七德之義。誦九功之業。迹紀庸器。  
之文。行昭易名之典。昔臧文既歿。穆叔稱其立言。鄭。  
僑云亾。宣尼泣其遺愛。德陽青石之墓。千年未平。板。

與銳頭將  
軍工力悉  
敵

板江白虎之碑。百代無毀。敢因斯義。乃作銘曰。  
遼水之東。冀州之北。旣曰都尉。兼稱屬國。歛氣餘勇。  
雄邊遺則。孝實天經。忠爲令德。冠冕世祿。羽儀祚胤。  
俗被燕丹。風慚英蘭。劬勞役行。辛苦行陣。勇過溺駿。  
氣踰瓦震。王國克生。思皇多士。温温恭人。謙謙君子。  
擁旄仗節。出蕃入仕。五朝建旗。千里時逢。改特名載。  
策勲淮陰。召拜昭陽。破軍職司。刑政獄慎。深文沈羊。  
不飲。崔盜無聞。巴庸薄伐。江漢專征。軍摠六校。兵兼。  
七營。運長擊短。後實先聲。增壘威敵。滅竈潛兵。鐘鳴。

夜漏晞露朝陽。邑里蕭索。宅帷荒涼。豐碑下柩。題奏  
遷喪。宮臨檣里。臺傾孟嘗。卜兆戒期。遠辰告筮。德遺  
身後。名昭歿世。館舍長捐。泉扃永閉。晏嬰悼齊。柳莊  
悲衛。風秋北原。日沒川逝。塋田舊頃。客土新封。淚墮  
片石。劒挂孤松。清徽令範。千載餘蹤。

周兗州刺史廣饒公宇文公神道碑

唐朝以元凱竝進。十有六人。周室以昭穆先封。十有  
五國發源纂冑。葉派枝分。開國承家。珠聯璧合。是用  
克明峻德。思皇多士。盛德有後。公其裕哉。公諱常。字

子元。豫州滎陽人也。周宣中興。然後樹賢。建威鄭武  
有國。然後保姓受氏。荆衡之賦。千乘莫敢加兵。虢會  
之封。十城翻爲獻邑。况復郊門致騎。先迎內史之賓。  
南宮旦朝。獨識尚書之履。祖思慶。建威將軍。山陽太  
守。建威取曹仁之號。可以定名。山陽有王暢之賢。足  
觀風俗。考頊銀青。金紫方於溫羨。傅祗鎮南。征東比  
於劉弘。荀顗報功之冊。則槐路是儀。贈行之典。則荆  
河惟牧。公弱齡早慧。幼志夙成。立必正方。言無勦說。  
青衿智勇。卽埋雲夢之蛇。童子仁心。已愛中牟之雉。

始遊庠塾。不無儒者之榮。或見兵書。遂有風雲之志。出忠入孝。事盡於心。脩身立名。理窮於性。大統三年。起義華陽。先登廣武。浮潛逾沔。入渭亂河。蒙授永安縣開國男。輔國將軍。自爾長從太祖。入爲帳內都督。河橋接戰。秋水則三月不流。洛城揮鋒。金墉則一月路斷。西京不賓。羗戎侵軼。城如飛鳥。地有伏龍。公以金僕裁。抽靈鈺。擢舉蜂目。已奔狼心。遂革遷平東將軍。帥都督。十五年。襲父封魏昌縣開國伯。傅大都督。魏後二年。授使持節車騎大將軍儀同三司。黃權受

印應字清節  
詞發就鏡

詔嘉其入魏之功。實憲當官。賞其平戎之策。公之此授。勲庸著矣。進爵廣饒縣開國公。邑五百戶。保定三年。授都羅州諸軍事。羅州刺史。仍領金州兵馬。應接上庸。公於文谷路。溪澗崢嶸。巖崖豁嶮。山窮水斷。馬束橋飛。中埽旣開。雙城卽款。往者申息。盡掩江黃。無援。涪陽極浦。亟犯風塵。夏首西浮。頻遭鋒鏑。公以伏波受賑。樓船誓衆。入橫江之陣。進下瀨之兵。越客文身。湛盧終去。吳人長鬣。餘艤遂遠。建德四年。授使持節開府儀同大將軍。公孫敖下光祿之塞。諸葛誕勒

九都之山。公之處焉。差無慙德。四方雜俗。天下殊風。以君廉能。使爲觀察。馳傳擁節。揚於持斧。旣乘驄馬。仍被繡衣。群盜累足。貴戚斂手。鄉亭留宿。幸無歸忌。之疑。公車奏事。寧有反支之日。是使陽球司隸。無所申威。鮑恢都官。因人成事。高祖武皇帝。以仲春誓衆。甲子濟河。公仗劔六軍。披圖入陣。譬彼張遼。前鋒而報魏主。方之耿弇。先戰而待蕭王。及乎九州道同。四隩旣宅。遂得功參勇爵。名入司勳。授上開府。增邑五百戶。加以舉功行賞。推恩分邑。兼乘而反。光乎譙郡之城。載寶而歸。照於臨漳之水。卽日賜姓宇文。與國同族。婁敬上書於鹿輅。項伯舞劔于鴻門。公之此榮。足爲連類。以公績著屯險。誠貫風霜。其年授使持節。督東徐州諸軍事。徐州刺史。宣政元年。授都督南兗州諸軍事。南兗州刺史。作牧濟河。風行於雷澤。建旗海岱。化被於淮沂。簾帷入境。貪殘者解印。冕旒從政。仁義者郊迎。豈直白石開渠。青鹽換粟。祥雲入境。行雲隨軒而已哉。在任邁疾。薨于方鎮。百姓嵩監。御斯牧賢。能刺史荀中郎連率。此則中興方伯。英聲茂實。

公之有馬，詔贈某官，諡某公，禮也。以大象二年十一月十日歸葬於滎陽之某山舊墓。九原悽愴，趙文子其何言。駟馬悲鳴，滕成公其已遠。若夫勒鼎刊碑，銘功頌德，陳其令範，必在生前。嗟乎！此之樹碑，異乎洙泗之水。此之勒石，異乎燕然之山。嗚呼！哀哉！乃爲銘曰。

高陽之子，少典之孫。蒼林遠邁，若水遙源。公侯復始，鐘鼎逾繁。承基纂胄，建國開藩。我壯我武，旣公旣侯。緇衣出鄭，卿士歸周。魚陵北上，滎澤東流。河移酸棗。

雨粟陳畱，祖守南邦。考鎮東部，兩龜爲印。雙虵結綬，日察陰陽。星占長柳，是曰世載。其名不朽，事親之道。孝以立身，事君之道。忠以立仁，今君嗣德。一此君親，如松之茂，如竹之筠。功參荆棘，職立兵戈。北臨青嶺，南通白波。直雲橫塞，長星渡河。陳開沙斷，師移竈多。舉功行賞，封疆受位。宮室鏤珪，山河分地。決勝千里，謀深計秘。建武功成，名連星次。建旗濟潔，擁節龜蒙。旣蠶桑土，實撫梧桐。野無異噐，河無別風。吳亭楚障，莫敢彎弓。倏忽身世，俄然松檟。路轉銅魚，山迴石馬。



武侯之廟。樂公之社。望此高碑。悽然淚下。

周隴右總管長史贈太子少保豆盧公神道

碑

君諱永恩。字某。昌黎徒何人。本姓慕容。燕文明帝旣之後也。朝鮮微子之封。孤竹伯夷之國。漢有四城。秦爲一侯。其先保姓受氏。初在柳城之功。開國承家。始靜遼陽之亂。自天市星妖。連津兵覆。尚書府君改姓。豆盧。筮仕於魏。祖代左右將軍。魏文皇帝直寢。父長少以雄畧知名。不幸早世。周朝以公兄弟佐命。義存

追遠。保定二年。有詔贈柱國大將軍涪陵郡公。是知春。雨。潤。木。自。葉。流。根。西。伯。行。仁。推。存。及。歿。公。以。山。岳。精。靈。星。辰。秀。異。氣。侔。鐘。鼎。聲。感。風。雲。觀。於。秦。兵。尚。稱。童。子。對。於。楚。戰。猶。在。青。衿。太。祖。文。皇。帝。乘。時。撥。亂。奄。有。霸。業。潁。州。從。我。舊。愛。無。望。春。陵。故。人。相。知。惟。有。普。泰。二。年。開。西。建。義。授。殄。寇。將。軍。奉。迎。大。駕。賜。封。新。興。縣。伯。邑。五。百。戶。開。新。安。之。鄉。還。移。楊。僕。之。關。解。弘。農。之。圍。更。入。劉。昆。之。郡。援。桴。併。轡。竝。預。前。驅。大。統。三。年。有。沙。苑。之。戰。四。年。河。橋。之。役。介。冑。蟻。虱。戎。馬。生。郊。公。

應變愈長。風颺更勇。隱若敵國。強人意。授龍驤將軍。中散大夫。八年。授直寢右親信都督。尋轉大都督。加通直散騎常侍。十六年。授使持節車騎大將軍儀同三司。魏元年。授驃騎大將軍開府儀同三司。鄧騭以漢朝親戚。始授中台。黃權以魏國功臣。初登上將。公頻煩寵授。朝野爲榮。三年。都督成州諸軍事。成州刺史。尋加侍中。外摠連帥。振威百城。內參常伯。榮高八舍。于時隴坻黠羌。時穿上谷。榆中群賊。或聚漁陽。公卷甲星馳。長驅千騎。迴洛覓徒。望風草靡。瓜州豪傑束手歸軍。後魏元年。改封龍支縣侯。三年。朝廷使大將安政公隨突厥吐蕃渾歸國。河鄯二州屬當路首。公領騎八千。以爲戎防。南通丹粟。西望白蘭。關塞無虞。公之勲也。周元年。授都督鄯州諸軍事。鄯州刺史。其年改封沃野縣公。增邑千戶。二年。授隴右總管府長史。武成元年。都督利涉汶三州諸軍事。利州刺史。五年。兵破文州陽陣蠻。仍平瀘水。以保定元年。將兵破巴州恒獵獠。渡瀘。五月。葛亮有深入之兵。長坂九迴。王遵有忠臣之路。霜電不驚。水草無乏。天幸將軍。

斯之謂矣。其年授司會八法斯掌九賦是均事總歲  
成功。叅日要三年。還授隴右總管府長史。公屢弼英  
蕃。頻相大府。北海入朝。仰以對問。東平謁帝。因而定  
禮。遂使馬首懷燕。不無樂毅。蕃臣擬漢。或多田叔。兄  
楚國公。以叅和挹讓。莊贊樂推。建國開都。奄荒南服。  
求以先封武陽郡三千戶。益公沃野之封。朝廷以兄  
弟相讓。不無前史。推恩分邑。有詔計焉。增邑并前合  
四千七百戶。既而六氣相犯。五聲相觸。靈壽不終。遊  
魂且變。薨於官舍。春秋五十八。詔贈少保。幽冀定相。

等五州諸軍事。幽州刺史。謚曰敬公。禮也。天和元年。  
二月六日。葬於咸陽洪濱州。大夫墓樹以栢。諸侯墳  
高於雉。嗚呼哀哉。公資忠履孝。蘊義懷仁。直幹百尋。  
澄波千頃。留心職事。愛玩圖籍。官曹案牘。未嘗煩委。  
戎馬交馳。不妨餘裕。兄弟公侯。國朝親戚。宜春有湯。  
沐之盛。濯龍無流水之機。渭南千畝之竹。尚懼盈滿。  
咸陽二頃之田。常思止足。立身則十世可有。遺子則  
一經而已。刺史賈逵之碑。旣生金粟。將軍衛青之墓。  
方留石麟。乃爲銘曰。

朝鮮建國。孤竹爲君。地稱高柳。山名密雲。遼陽趙裂。  
武遂秦分。寶珪世胄。雕弋舊勳。名稱賓實。言謂身文。  
挺此含璋。降茲岐嶽。有犯無隱。王道正直。唯愛唯敬。  
永成悅色。枕籍禮闈。留連學植。策叅帷帳。功披荆棘。  
韓陣揮戈。齊城憑軾。豹策乃建。龍韜同啓。校戰岐陽。  
申威隴坻。城壘畫地。山林聚米。上馬論書。臨戎習禮。  
賈復開營。廉公屈禮。從容傳會。占對造請。用此廉平。  
終茲寬猛。綠林兵息。潢池盜靜。名振赤山。威高青嶺。  
玄獸浮河。飛螟出境。災氣出隴。毒水侵涇。朝傾地鎮。

夜落台星。石壇承祀。豐碑頌靈。渭城前栢。昌陵下庭。  
須知地市。爲讀山銘。

溫湯碑

咸池浴日。先應綠甲之圖。砥柱浮天。始受玄夷之命。  
仁則滌蕩埃氛。義則激揚清濁。勇則負山。餘力弱則。  
鴻毛不勝。仲春則榆莢同流。三月則桃花共下。其色。  
變者流。爲五雲之漿。其味美者。結爲三危之露。烟青。  
於銅浦。色白於鉛溪。非神鼎而長沸。異龍池而獨涌。  
洒胃滌腸。典羸起瘠。秦皇餘石。仍爲雍齒之階。漢武。

流自繡腸  
故無儉筆

庚子山集卷十四  
舊陶卽用魚鱗之瓦。山間涌水，寔表忠誠。室內江流，彌彰純孝。豈若醴泉消疾，聳乎建武之朝。神水蠲痼，在乎咸康之世。嵩山三仙之館，不孤擅於天池。百丈之泉，豈獨高於蓮井。

庚子山集卷十四終

庚子山集卷十五

北周新野庾信著

明東海屠隆評

誌銘

周大將軍襄城公鄭偉墓誌銘

公諱偉，字子直，滎陽開封人也。周宣母弟，就封於鄭，河洛之地，卽有民人。號郟之君，非無郡邑。其後蛇鬪於門，鼃嘗於鼎。韓侵負黍，晉滅陽城。其祀忽諸，以國爲氏。祖徹，撫軍贈濟州刺史。父先護，驃騎大將軍儀同三司，襄城郡公，青州刺史。永安中，洛城晝掩，黃河

凌合翟泉會盟之地。蒼鳥忽飛，武庫兵欄之中。鱗魚逐上，三帥北綫五馬南浮。梁武帝大造中原，樹君伊洛。公之憑軾棧車，言歸舊壤，起爲通直散騎侍郎。天厭魏德，政在強臣。公耻入亂階，乃於陳留起義。太祖封函谷而待諸侯，坐鄴宮而朝羣后。威懷是接，席卷西飛。大統三年入朝，蒙授武陽縣開國伯，食邑六百戶。尋除龍驤將軍，北徐州刺史，開河橋之陳，解玉璧之圖。張旃於富平，被練於伊闕。探虎穴而揮戈，上魚門而懸胄。故以策名司勳，功高舍爵。魏將侯景，狼顧荆河。天子命我，偏師赴接。垂餌虎口，中途背盟。事獲交綏，公之力也。除中軍將軍，散騎常侍，大都督，襲襄城郡公，食邑二千戶。仍除使持節，車騎大將軍，儀同三司，餘如故。遷驃騎大將軍，開府，加侍郎，常伯位重。霍去病之登朝，上將官尊。公孫敖之出塞，以今方昔。異代同榮。魏後二年，授大將軍，事江陵防主都督。十州諸軍事，吳兵教士，艦舳習流，島嶼憑陵，波瀾衝激。公暨臨江界，已悉南越之兵。裁汎樓船，卽善昆彌之戰。遂得安歌，澧浦弭節。潯陽留魯侯，而宴章臺。對

齊人而畋雲夢。周保定元年授使持節都督宜州諸軍事。宜州刺史。天和六年授都督華州刺史。餘如故。嶠函重嶂。汧渭分流。陽陵之益既奔。華陰之學還聚。而消渴連年。屢有相如之患。至於大漸。遂如范增之疾。桐君對藥。分闕神明。李柱侍醫。更無方便。以天和六年四月十七日薨。年五十七。詔贈本官。加少傅。都督司豫洛相冀五州諸軍事。司州刺史。謚曰肅公。禮也。天子輟朝。彌深大臣之議。羣公會葬。咸得同盟之禮。夫人李氏。頓丘貴姓。卿相之門。賢才之室。霜露先侵。策封郊次。以其年十一月六日。合葬於咸陽之長安縣某原。合葬非古。既異三王之前。死則同穴。還同六載之始。雖復銜珠兩鶴。同歸紫蓋之松。出匣雙龍。共沒延平之水。嗚呼哀哉。乃薦銘曰。

國有巖邑。朝多君子。武以莊公。平王卿士。溫麥渝盟。祊田廢祀。驂乘停輿。來朝識履。惟祖惟考。既侯既公。樞機周密。出納清通。治繁政簡。處亂心雄。濟河遺惠。海岱餘封。世濟其美。載誕其器。忠無不爲。孝則不匱。幽冀紛梗。關河鼎沸。自北自南。聲聞梁魏。揚旌汝穎。



典重之章  
出以風雅  
是其獨步

威震三川擁旄江漢。席捲樓船成臯塵起。廣武烽燃。麋典鹿箭。鴈落驚弦。揔衛蘭錡。申威河外。山類鼓樓。樹如車蓋。都護兩道。將軍獨拜。梧桐茂苑。楊柳倡家。千金回雪。百日流霞。凋零倏忽。悽愴榮華。河陽古樹。金谷殘花。隴昏雲暝。山深路晚。風氣纒高。松聲卽遠。疇昔親友。懽愉交結。不為平生。應為此別。

周驃騎大將軍開府侯莫陳道生墓誌銘

君諱道生。字某。朔州武川人也。本系陰山。出自國族。降及於魏。在秦作劉。父少興。武川鎮將。山河抗拒。關

高響裂雲

塞被邊。早擅威聲。咸多雄烈。君子讀書。馬上清談。劍端獨運。六奇專精。三略雖復。身居末將。而勇冠旌門。位在支軍。而謀參幕府。魏正光五年。任統軍。穎天柱。爾朱榮征北海王。永安三年。隨太師賀拔勝入關。尋轉別將。滑源卷甲。關城束馬。竝皆剋捷。君有力焉。永熙三年。補都督。太祖文皇帝。奄有關河。令行天下。以君幹畧。委之爪牙。名洽中涓。功參上造。兵臨河曲。前登白馬之津。寇發蒲城。先戰黃沙之苑。臨晉橫船。旣禽趙將。馬陵削樹。復下齊兵。班瑞司勳。披圖疏爵。授

筆筆軒蒼

青蓮詞多  
本此

騾騎大將軍金紫光祿大夫鄆縣開國公食邑五百  
趙儼之為騾騎止駕單車張堪之拜光祿長乘白馬  
以斯連類朝野榮之大統九年更姓侯莫陳氏隨大  
將軍拓跋遠經始陽二水長鬪三川無市擐甲構病  
死於轅門春秋五十一贈持節都督潮州刺史君在  
武川文皇帝同鄉里霸功既立王業克成不忘捨講  
猶論償博今嗣德惟新功臣追遠東都馬鳴不無見  
日之歎北陵車過終憶平生之言有詔更贈使持節  
騾騎大將軍開府儀同三司都督宜敷絳三州諸軍

事敷州刺史謚某公禮也夫人拓跋氏安邑郡夫人  
庭有鐘鼓家承箴誡教容教德言告以歸天和五年  
六月薨卽以其年十月同葬於京兆某縣洪源鄉武  
子成寢請西階而合葬平陽下嫁卽廬山而共墳銘  
曰

凝陰遠寂廣漠平寒沙窮瀚海地盡臯蘭塞鴻秋去  
胡桑夏乾風土壯氣山河凜然師旅上谷威雄武川  
君則繼踵代不乏賢匣有忠劔庭流孝泉魏室多故  
餘風未殄天保護德當途廢典上將指蹤中涓力展

銘詞生氣  
勃勃可起  
莫陳而肉  
其骨

廣子山集卷十五  
洛城夜捷。河梁朝剪。鐵劍金龜。榮追玉鉉。身胄漢祚。門承魏緒。竝擅華宗。俱稱當路。伉儷云匹。年齡竝故。趙瑟秦聲。同爲丘墓。小陵石槨。洪原鄉墓。芻靈兩引。池柳雙前。隊路仍合。松城卽連。霜隨柳白。月逐墳圓。芝蘭幾代。陵谷何年。

周車騎大將軍贈小司空宇文顯墓誌銘

公諱顯，字某，上黨武鄉人也。自大霧浮河，長虹映渚。承源於若水，纂系於蒼林。上黨居韓之西，常山在趙之北。因地爲氏，可略而言焉。祖求南，衛將軍，冀州刺

史父金殿征南將軍，定州刺史。竝控鶴兵，俱張戎樂。聲榮之盛，繼踵當年。公稟山嶽之靈，擅風雲之氣。容止矜莊，聲名籍甚。彎弧挽強，左右馳射。故得名高上谷，威振樓煩。襲爵安吉縣侯，食邑五百戶。永興三年，幽并叛換，有無君之心。帝顧謂公曰：天下洶洶，將若之何？公曰：擇善而從之。乃誦詩云：彼美人兮，西方之人兮。帝曰：是吾心也。乃定入關之策。以公母老家大，令預計。公曰：今日之事，忠孝不竝。君不密則失臣，臣不密則失身。帝愴然改容曰：卿是我王陵，遷朱衣直

閣閣內大都督改封長廣縣公邑一千五百戶武帝  
初至潼關太祖親迎溱水太祖素知公名而未之識  
也目於衆疑而不問直云令此人射水傍小鳥應手  
卽著太祖喜云我知卿名矣卽用爲帳內都督滄州  
諸軍事滄州刺史增邑并前二千五百戶黃公衡之  
決王魏后是以推心潘承明之忠壯吳王爲之降禮  
異代同榮見之今日東夏邊隅地連荒服井陘塞道  
飛狐路斷乃以公爲使持節衛將軍都督東夏州諸  
軍事東夏州刺史白波青犢之兵銅馬金繩之亂莫

不交臂屈膝牽羊抱馬在州邁疾解任還朝小馬留  
廐餘狀掛衽吏人攀戀刊石陘山雖非漢陽之城還  
似扶風之路授使持節車騎大將軍儀同三司加散  
騎常侍以魏後元年疾甚亾於同州春秋五十七天  
子輟樂羣公會喪太祖親臨弔祭哀慟左右于時兵  
革交侵普斷贈謚卽以本官印綬權塋於同州之北  
山今建德二年二月二十三日遷喪於咸陽長安縣  
之洪瀆原時逢禮樂之遷代屬謳歌之變國雖異政  
人足追榮乃贈使持節驃騎大將軍開府儀同三司

小司空丹延綏三州諸軍事，延州刺史，謚其公禮也。夫人高氏，渤海人也。柔察晉政，拒曹爽之異謀，起在漢庭，共王陵而俱對，况乎箴訓有儀，言容以德，肅恭中興，賢才內訓，豈直不聽，雖樂以變，齊國之風，不食鮮禽，以斷荆王之獵，昔之命堊，季武子之西寢，今之同穴，長平侯之北陵，世子神舉，兄弟至性，純孝善居，喪禮有終，有始於身，無改是以，宦成名立，孝顯忠存。

銘曰

北岳二名，玄河兩本，其安惟極，其源惟遠，俗稟山川，

句饒爽氣

人資台衮，義烈桓桓，才雄惘惘，乃祖乃父，繼踵威雄，樅金北陸，鳴玉南宮，隱若吳漢，賢哉竇融，負霜依德，無雷向風，挺此含章，生茲秉德，孝實天性，忠爲人則，暢轂鏤膺，燕南趙北，若水將通，九部可勒，帷幄叅謀，宮闈典職，善擇忠言，能防變色，繁弱已勁，淇園乃直，戟中小支，禽穿左翼，建旛赤谷，揮戈武州，長城萬里，河水雙流，潁川多恙，淮水未瘳，義重穿壁，恩深置郵，于谷之口，于渭之丘，陽山零落，碑闕低昂，草銜秋火，樹抱春霜，書劔俱沒，人琴竝亾，哀哀嗣子，純心靡託。

孝水未枯，悲松先落。室進巢鷲，門通弔鶴。功臣身殞，會圖麟閣。

周大將軍琅琊莊公司馬喬墓誌

公諱喬，字遵胤，河內溫人也。南正司天，北正司地。是謂西河之官，卽嗣重黎之政，卽之歸楚。與章邯而竝封，豫之避秦。共毛公而俱去，祖龍仍居選部。水鏡三臺，父悅再牧荆河。威風千里，而身遭禍機。遂爲季布所哭，獲存遺嗣。實賴程嬰之忠，國家追念功臣。更撫叔敖之子，言思官族。還求女齊之胤，公始應辟。爲河

魏若飛九

風調和美

內功曹，除員外郎常侍，汲郡治兵，黃河浮馬，摧鋒軹關之捷，逐北長城之陳。授平東將軍，北徐州刺史，柳泉風塵，三城席卷，棠陰鋒鏑，千室入關。遷車騎大將軍，儀同三司，開國龍門縣伯。仍除巴州刺史，雖復巴水三迴，夷歌數曲，徒逢白竹之弩，已濟青衣之功。朝廷以漢之功臣，須開上將之府。晉之代胄，宜紹瑯琊之國。遷驃騎大將軍，開府，改封瑯琊公，食邑一千五百戶，宮闈近密，寔俟忠貞。詔爲大御伯，仍徐大御正，職司常伯，任總夔龍。王道旣平，絲言惟允。尋除始州

如孫登一  
嘯林木振  
音

刺史都督始州諸軍事蠻夷恃險狼顧鴟張高山尋  
雲深谷無景九地縱橫三門起伏峰危馬束水險橋  
飛遂得谷靜山空水消霧散仍爲信州刺史都督信  
州諸軍事精兵守於白帝足懼巴州之城船梯下於  
荊州彌動西陵之戍卽授使持節大將軍都督西寧  
州諸軍事西陵州刺史將啓北戶之人向通雲南之  
國聞寵若驚奄從深夜天和六年正月十八日亾春  
秋六十五詔贈本官加懷邵汾晉泗州刺史謚莊公  
禮也以建德元年七月十三日葬於武功之郡三疇

原公愛敬純深有隱無犯忠貞亮直知無不爲在戎  
四十二年身經六十九戰至於多竈唱籌竝得成功  
飛沙擁石未嘗乖律恂恂教義吳起西河之風閑閑  
鼓旗李牧長平之政身死之日家無餘財山木所資  
一由詔葬有始有卒生榮死哀銘曰

祝融是命重黎克舉公族乃建天官卽序避世於秦  
承家於楚金行失馭玉鏡淪輝我之烈祖識變乘機  
黃旗東沒青蓋西飛落星置道長州出圍及我皇父  
荆河再撫世屬喪亂身沒猾豎嗟我遺嗣崎嶇趙武

貧道愛其  
神駿

寒覆鳥翼，饑吞獸乳，獲歸河內，更襲瑯琊。年方小馬，怨結長蛇，藏兵九地，置劍千家。雪山埋馬，冰河陷車。既乃班政，超然榮守。朱鷺頻飛，金龜轉紐。築塞長榆，營軍高柳。玉案推食，河橋勸酒。石門冰釋，金堤電散。蘆水門關，茅津成觀。馭風逸翮，脩途始半。建武功臣，先悲吳漢。沉寥搖落，游場浸微。金城路斷，郿塢人稀。風松雲蓋，白水山衣。賢已星殞，人沒蘭衰。

周大將軍懷德公吳明徹墓誌

公諱明徹，字通昭，兖州秦郡人也。西都列國，長沙王

好氣岸好  
聲調

英雄遺恨  
千古如一

功被山河，東京貴臣。大司馬名高，西漢豈直。西河有守，智足抗秦。建平有城，威能動晉。而已也。祖尚南譙，大守父標。右軍將軍，抗拒淮沂。平夷濟滌，代為名將。見於斯矣。公志氣縱橫，風情倜儻。圜橋取履，早見兵書。竹林逢後，徧知劍術。故得勇爵登朝，材官入選。起家東宮直，後除左軍。葛瞻始嗣，兵戈仍遭。蜀滅陸機，纔論功業。卽值吳亡，公之仕梁，未為達也。自梁受終，齊卿得政。禮樂征伐，咸歸舜後。是以威加四海，德教諸侯。蕭索烟雲，光華日月。公以明略佐時，雄圖贊務。



麟翼更張風颺遂遠冠軍侯之用兵未必師古武安君之養士能得人心擬於其倫公之謂矣爲左衛將軍尋遷鎮軍丹陽尹北軍中候總政六師河南京尹冠冕百郡文武是寄公無愧焉蕭湘之役憑陵島嶼風船火艦周瑜有赤壁之兵蓋軸檐艦魏齊有橫江之戰仍爲平南將軍開府儀同三司都督湘衡桂武四州刺史遂得左廣廻局驎車反暢長沙楚鐵更入兵欄洞浦藏犀還輸甲庫雖復戎歌屢凱軍幕猶張淮南望廷尉之囚合肥稱將軍之寇莫不失穴驚巢

詔亦貴重

沉水陷火爲使持節侍中司空車騎大將軍都督南北兗青譙五州諸軍事南兗州刺史南平郡開國公食邑八千戶鼓吹一部申自在玄武之宮上將列文昌之宿高蟬臨鬢吟鷺階軒平陽之邑萬家臨淄之馬千駟坐則玉案推食行則中分麾下生平若此功業是憑旣而金精氣壯師出有名石鼓聲高兵交可遠故得鱸舫所臨蓋於淮泗旌旗所襲奄有龜蒙魏將已奔猶書馬陵之樹齊師其遁空望平陰之鳥俄而南仲出車方叔蒞止暢轂文茵鈎膺偉革遂以天

敘恩寵則  
煦如遲日  
語淪落則  
凜若凄風  
真是造化  
在手

道在北。南風不競。昔者禪將失律。衛將軍於是待罪。中軍爭濟。荀桓子於焉受戮。心之憂矣。胡以事君。宣政元年。屆於東都之亭。有詔釋其驚鑣。蠲其疊社。始弘就館之禮。卽受登壇之策。拜持節大將軍。懷德郡開國公。邑二千戶。歸平津之館。時聞櫪馬之嘶。舍廣城之傳。裁見諸侯之客。廉頗眷戀。寧聞更用之期。李廣盤桓。無復前驅之望。霸陵醉尉。侵辱可知。東陵故侯。生平已矣。大象二年七月二十八日。氣疾增暴。奄然賓館。春秋七十七。卽以其年八月十九日。寄瘞於

京兆萬年之縣。東郊詔贈某官。謚某禮也。江東八千子弟。從項籍而不歸。海島五百軍人。爲田橫而俱死。嗚呼哀哉。毛脩之。埋於塞表。流落不存。陸平原。敗於河橋。死生慙恨。反公孫之柩。方且未期。歸連尹之尸。竟知何日。遊魂羈旅。足傷溫序之心。玄夜思歸。終有蘇昭之夢。遂使廣平之里。永滯寃魂。汝南之亭。長聞夜哭。嗚呼哀哉。乃爲銘曰。

九河宅土。三江貢職。彼美中邦。君之封殖。負才矜智。乘危恃力。浮磐戢鱗。孤桐垂翼。五兵早竭。一鼓前衰。

移營滅竈。空幕禽飛。羊皮詎贖。畫馬何追。荀瑩永去。隨會無歸。存沒俄頃。光陰愴悽。岳裂中台。星空上將。眷言妻子。悠然亭障。魂或可招。喪何可望。壯志沉淪。雄圖埋沒。西隴足抵。黃塵碎骨。何處池臺。誰家風月。墳塋羈遠。營魂流寓。霸岸無封。平陵不樹。壯士之壠。將軍之墓。何代何年。還成武庫。

周大將軍上開府廣饒公鄭常墓誌銘

公諱常字某。滎陽人也。周宣王之弟。初封其國。鄭穆之孫。始成其姓。祖思慶。建威將軍。山陽太守。考項。儀

同三司。豫州刺史。南陽坐嘯。值此邦君。西河建隼。逢斯刺舉。公侯繼踵。冠冕連鑣。可得而言。傳於史籍。公髫鬣知禮。早年馳譽。就經費舍。略見書堂。習武兵欄。偏知劍術。雖復年猶小學。已爲儒者所稱。位在偏裨。卽入將軍之賞。大統三年。起義華陽。授本縣開國男。文皇帝霸迹初基。英雄輻輳。公拔劍轅門。潁川從我。洛城逆戰。壯於白馬之兵。河橋解圍。勇於烏林之策。授平東將軍。帥都督。襲父封。魏後二年。授持節車騎大將軍。儀同三司。車騎用郭淮之勳。儀同取王沉之

後修詩賦  
氣以取景  
色

貴公之此授，僉曰得人。進爵廣饒縣公，邑千戶，保定三年，授使持節都督遷州諸軍事，遷州刺史，卽總領金州兵馬，開拓北戎，高山尋雲，深谷無景，梯繩乃上，浮竹裁通，闕越影響，勾吳聲勢，公出戰短兵，竝皆奔北，瓦解冰碎，山空谷靜，授持節開府儀同大將軍，栢梁高宴，有大將軍之詩。幕府初開，有平陵侯之國，比之今日，豈可同年而語哉！自是使車，被之繡服，風謠是察，刑政是觀，公露節東驅，風奔羣盜，埋輪當路，威振中原，武皇帝有盟津之師，以公爲中權之勁，外從

決勝，內侍軍謀，及文軌旣同，旃旌已偃，司勳行賞，軍吏舉功，乃授使持節上開府增邑五百戶，賜姓宇文，與國同乘之榮，周之宗盟，非復異姓之後，蕃屏是寄，隆寵所歸，公室無踈，此之謂矣。九州都督，須得其才，千里諸侯，實俟其政，乃爲使持節都督東徐州諸軍事，徐州刺史，尋遷南兗州，諸軍事，南兗州刺史，公頻摠六條，再勞十部，俗變風移，人懷吏畏，滯穗遺秉，有利疲人，山桑野蠶，足充貢賦，化被殊俗，威行隣境，奏事京師，四方第一，謂真刺史，其在斯乎。春秋未高，奄

然遘疾，以大象元年薨於州鎮，時年六十三。嗚呼哀哉！吏人扳慕，飛走變色。河濟輟春，淮沂罷市。以今年歸塋於滎陽之山，詔贈某官禮也。嗟陵谷之貿遷，懼徽猷之永遠，地久天長，敢鐫貞石銘曰：

荆河惟豫，洛食之本。水遶滎波，山斜陸渾。德星猶照，祥風未遠。代不乏賢，文無闕袞。公之生也，實降英靈。忠爲德本，孝稟天經。觀書虎館，學劍龍亭。雕弓偃月，行馬流星。置陣黎陽，麾兵官渡。平陰聽烏，馬陵書樹。氣視迴津，星占飛步。火斷羗營，沙崩賊路。及驅犀節，乃牧雄州。吏不驚犬，人無喘牛。西蠶得歲，東作逢秋。草爛獄戶，星低市樓。五將星亡，三台岳坼。哀哉天道，遂當明哲。棟梁崩壞，風雲寂滅。北郭長悲，東都永別。幽深此地，宅兆斯憑。山迴虎圈，路上魚陵。悲風夜烈，苦露晨凝。蘭芬菊茂，終古相承。

周大將軍聞嘉公柳遐墓誌

君諱遐，字子昇，河東解縣人也。秦始征晉之地，漢開平越之鄉。律中夷則，星居鶉首。况復莊謀於衛，旣爲社稷之臣；喜對於齊，無廢諸侯之職。祖叔珍，宋員外

其才雋上  
其氣清剛

散騎常侍、義陽內史。有徐邈之應對，居於散騎之省。有汲黯之正直，理於淮陽之郡。父季遠，臨川王諮議。參軍，宜都大守。蘭臺石室，是以洽聞。白馬飛狐，逾高詞氣。西都吳融，擅名江表。言談相會，宛如舊馬。君膺令德之靈，稟冲天之氣。齟齬髻髮，夙智早成。愛敬自天，虔恭得性。合仁抱義，履信居貞。世父儀同，忠惠公特加器異。乃謂公曰：吾昔逮事伯父太尉公，見語云：我昨夢汝登一高樓，樓盡峻麗。吾以坐席乞汝，汝或富貴，恨吾不及見耳。吾向聊復晝寢，又夢將昔時坐

席，還復賜汝。汝位官當復見及。王祥佩刀，世爲卿族。鮑永驄馬，家傳司隸。以此連類，差無慙德。輕車西昌侯，作藩襄漢。君時年十二，以民禮脩謁，進止端詳。神情雅正，侯目送之不輟。試遣左右，踐君衣裾，欲視舉動。君徐步稍前，曾無顧眄。魏侯之見劉廙，不覺斂容。漢主之觀田鳳，遂令題柱。比之今日，曾何足云。驃騎廬江王，帝子出藩，懸衡高選。以君華望，召爲主簿。張坦直諫，旣稱荀令之香。鄒湛知言，彌見羊公之德。諮議府君，於都薨背。君奔赴六日，卽屆京師。形骸毀瘁，

隨事着色  
枯樹爲之  
札開

不復可識。靈樞沂江。中川薄晚。亂流乘選。迴風反帆。  
舟中之人。相視失色。抱棺號慟。誓不求生。俄爾之間。  
風波卽靜。咸以君精誠所致。成都孝子。自赴江流。桂  
陽先賢。身彰野火。竝存靈樞。咸可傷嗟。太夫人乳間  
發瘡。醫云。惟得人吮。瘡血。或望可差。君方寸已亂。應  
聲卽吮。旬日之間。遂得痊復。君之事親。可謂至矣。從  
兄右衛。擁旌嶺表。苦相携致。昔馬游志。氣爲馬援所  
知。班嗣才學。爲班彪見賞。復聞於今日矣。乃除永化  
縣令。靜除歌案。或吟長岑之遠。乍撫鳴琴。不以河陽

爲陋。日南金柱。合浦珠泉。莫肯經懷。未嘗留目。解巾  
平西郡陵。王法曹叅軍。仍轉尚書工部侍郎。始入禮  
闈。旣登蘭閣。尚書僕射陳郡謝舉人望國華。引君言  
論。謂同位坐曰。江漢英靈。見於此矣。西中郎岳陽王。  
以綠車之重。臨西河之牧。敕用君爲本州治中。尋遷  
別駕。王叔理以品物流名。陳仲舉以題軒馳譽。君之  
展驥。兼而有之。及乎大盜移國。王室騷然。月動星搖。  
雲平虹直。岳陽王承制陝左。當璧漢南。天網所頓。英  
賢必集。授君散騎侍郎。吏部員外郎。散騎常侍。兼太

碌碌使事  
飾以豐功  
將無循魯  
頌之轍

子侍讀、監儲甲觀、事重史丹、侍講桂宮、名高張禹、俄  
遷車騎大將軍、侍中、開府儀同三司、餘如故、方之駿  
乘、霍去病爲侍中、譬彼將兵、公孫敖爲驃騎、足以照  
曜六府、謨明九德、豈直允諧上將、匡贊中軍而已哉。  
既而言從梁國、服政鄴都、管仲有詞、卽受下卿之禮。  
臧孫見德、還奉嘉賓之宴、有詔授使持節、驃騎大將  
軍、開府儀同三司、霍州諸軍事、霍州刺史、犀節去關。  
袞衣馳傳、迎郊則文學、前驅賓衛、則邦君負弩、直以  
五溪遼遠、馬伏波之思、歸三湘卑濕、賈長沙之不願。  
是以宜城刺史、直會鹿門、白沙故地、仍留龍種、天厲  
弗戒、奄然終極、大和某年、歸窆於襄陽白沙之舊塋。  
君器宇祥正、風鑒弘敏、澡身浴德、游藝依仁、汝南令  
望、扶風長者、不言財利、王夷甫之爲德、不談人物、阮  
嗣宗之爲人、從容亂離之機、保此令名、舒卷風雲之  
際、無妨貴仕、張衡渾儀之後、卽賦歸田、杜預沉碑、已  
來、遂停鄉里、王仲宣有讀書之樓、諸葛亮有彈琴之  
宅、實欲因此謝病、閑居終焉、鳴琴在膝、或對故人、寶  
劔自隨、時遇稚子、百年俄頃、嗚呼哀哉、遂使君子之



陵止埋銅劍。賢臣之墓。唯銘石函。銘曰。

有莊有惠。居魯居衛。義是隨時。才堪濟世。北部尚書。東京司隸。必復其始。侯君相繼。華蓋一岳。文昌一星。青衿辨志。童子離經。義勗非典。書勒映螢。往年靈柩。漂泊江池。以君哀慟。川后停波。揚名北海。馳譽西河。誰登九折。不入朝歌。蔚炳胥變。攀陪遂遠。白塵隨軒。丹暈附冕。位叅上將。榮兼本選。蛇盤綬結。龜廻印轉。來朝平樂。歸政咸陽。藩維卽啓。軍幕仍張。起茲禮數。峻此戎章。長離宛宛。刷羽陵江。世急奔流。年催驚隼。滅沒頓轡。扶桑搖軫。智士石圻。賢人星殞。西鄂芝枯。南陽菊盡。愴馬啓手。生榮終極。相杵輟春。鳴機罷織。箠箠胤子。視陰餘息。霜露履之。哀哉樂棘。龍巢北望。鳳闕前觀。松長風遠。地厚泉寒。書埋簡落。琴覆絃寬。贈行之冊。書而納棺。

故周大將軍義興公蕭公墓銘

昔司徒之敷五教。當堯讓之初。丞相之總萬機。值秦  
亾之後。若殷人受氏。乃承微子之封。梁運應圖。實啓  
延陵之國。公諱太。字世怡。蘭陵人也。太祖文皇帝之

妙句

意語軒翊  
公子之

孫鄱陽忠烈王之子。派別天潢，支分若木。直幹自高，澄源已遠。茂親明德，是稱毛畢之功。宗子維城，乃建邢茅之國。大同元年，年十六，封豐城縣開國公，食邑五百戶。山臨鶴塞，非無陶侃之賓。氣連斗牛，卽有張華之劍。解巾給事中，仍太子洗馬。公子出身，非郎官而同品。中朝洗馬，異式道而前驅。以公居之，誠爲高選。大同元年，入直殿省。其年轉太子中書舍人、南宮宿衛、職司簡錡。北閣從班，榮叅顧問。通籍兩官，得賢斯在。大同三年，授持節、仁威將軍、譙州刺史、塞帷、祥

詞淡處低  
般風雅

氣之境。刺舉消憂之地。南陽風俗，文學更多。美稷相迎，童兒逾遠。旣而亂離瘼矣，王室騷然。大夫有行役之悲，君子有無期之怨。背關懷楚，扁舟而行。江漢奉當壁之君，張華歸中典之主。承聖元年，拜侍中，無雙對問，實踵武於丁鴻。多識舊章，足齊衡於王粲。二年，除持節、平西將軍、臨川內史。仍轉平南將軍、桂陽內史。尚方鑄劍，再轉金龜。御史分符，雙封銅虎。豈直鄧攸清白，見稱五鼓之歌。劉寵廉能，名爲一錢之郡。遂以天保未定，王途多梗。還吳不可，歸蜀無路。臨淄負

善作危語

杜工部長  
王孫篇數  
言已扼其  
要

海。飜。然。改。途。竄。身。清。漳。垂。翅。渤。海。蒙。授。車。騎。大。將。軍。  
散。騎。常。侍。仍。為。持。節。都。督。永。州。刺。史。而。秦。亭。壓。境。邾。  
析。聞。城。鼓。角。地。鳴。將。軍。天。落。雖。復。瓶。缶。聽。聲。無。防。於。  
地。道。冠。繩。柴。結。不。却。於。雲。梯。請。命。受。降。翻。歸。都。護。周。  
朝。以。楚。材。晉。用。不。停。於。平。章。趙。璧。秦。求。無。論。於。羈。遠。  
以。保。定。五。年。降。使。持。節。驃。騎。大。將。軍。開。府。儀。同。三。司。  
義。興。郡。開。國。公。食。邑。一。千。三。百。戶。天。和。二。年。授。使。持。  
節。都。督。蔡。州。諸。軍。事。蔡。州。刺。史。楚。頃。襄。之。愛。子。既。布。  
衣。而。戍。谷。魏。安。釐。之。母。弟。亦。羈。旅。於。邯。鄲。憂。既。傷。人。

訖章鳳姿  
千古罕儔

降。年。不。永。春。秋。五。十。有。一。薨。於。蔡。州。之。鎮。送。故。入。關。  
空。餘。袞。服。歸。軒。在。道。還。更。垂。帷。嗚。呼。哀。哉。有。詔。贖。官。  
謚。禮。也。五。年。十。一。月。葬。於。長。安。北。原。樗。里。子。之。墳。正。  
臨。武。庫。太。史。公。之。墓。直。對。臯。門。銘。曰。  
玄。鳥。遠。烈。相。土。弘。謨。東。封。宋。社。西。歛。秦。圖。人。承。佐。漢。  
國。紹。開。吳。有。美。令。德。茂。親。藩。邸。建。國。皇。支。承。家。帝。弟。  
率。由。冥。會。亮。直。天。啓。轅。固。聞。詩。唐。都。習。禮。博。望。之。苑。  
金。華。之。宮。文。林。講。德。武。帳。參。戎。名。書。柱。上。策。滿。帷。中。  
託。身。淄。右。蒞。政。淮。東。秦。降。西。逼。楚。澤。南。窮。時。驚。獵。火。

抽思雲湧  
選言天拔

或懼秋風。屬期遠畧。逢茲應變。陣橫十里。兵圍一面。月暈孤城。塵驚虛援。春筍非糧。秋蒿無箭。垂翅臥龍。夷矜輟戰。時值懷來。恩加始賞。王爵愈峻。戎章更上。朱鷺才飛。虞歌卽響。泣子留恨。藏書長往。炎涼迭運。零落山丘。霜芬幕月。松氣陵秋。嗟南國之王子。成東陵之故侯。

故周大將軍趙公墓銘

公諱廣。字乾歸。邵惠公之元孫。幽孝公之長子。若木拂日。長虵委天。龍圖幕河之光。神鼎連雲之氣。六辯

構字。五運徵祥。是以維嶽降神。自天生德。凝脂點漆。日角珠庭。爲子則名高五都。爲臣則光照千里。華蓋中天之峰。未階其峻。虞淵浴日之水。不盡其源。歲在瑠車。年方竹馬。月內桂樹。切問能訓。石上木生。懸思卽悟。年十一。孝公薨。箠箠在疚。孺慕過禮。泉驚孝水。竹動寒林。三行克宣。八翼斯舉。大周建國。宗子維城。設壇封人。分司典命。開國天水。郛公食邑二千戶。元年。授使持節驃騎大將軍。開府儀同三司。其年四月。授都督秦州刺史。孝公久牧汧隴。遺愛在人。今見撫

我君之子，豈獨司隸之臺。鮑宣累葉，丞相之府。韋賢重代。二年，拜大將軍，方衛青之張幕。冊重元勳，警韓信之登壇。榮高獨拜，武成元年，遷都督。與梁等十九州諸軍事，梁州刺史。嶓冢導漾，乃濟漢之東流。蔡蒙旅平，實華陽之西極。其年九月，改封蔡國公，食邑萬戶。地接韓城，關鄰楚鄣。戶封八縣，恩深寇恂之功。邑啓萬家，事極曹叅之賞。保定元年，授少司寇，任戶苔生，圖關籥動，載酒屬車。幸無冤氣，觀囚軍府。或聽鳴琴，二年，勅守蒲城都督。潼關等六防諸軍事。其年閏

月，遷都督秦渭等十二州諸軍事，秦州刺史。公亟牧冀城，須藩隴坻，豪桀斂手，貪殘解印。加以上谷精兵，漁陽噪鼓，北臨高柳，南望長榆。匈奴下馬之山，貴相藏酒之谷，莫不遠慕威聲，遙承風化。二年，奉詔向甘州，迎皇后有文書，手仲子之歸紀，裂繻來卿，爲君逆自非名，高絕國威，被和隣，豈得稱族而行。尊君之命，四年，授柱國大將軍，昭陽以功高，見用。項梁以名將，當官以今方之，彼有慙德。天和三年，授都督陝虞等八州，并防諸軍事，陝州刺史。屈產垂棘，既有滅號之

就無事實  
處點染何  
亦淋漓乃

兵王官羈馬非無絕秦之路公以正正鼓旗閑閑車  
軌服叛威遠等無遺策但以中外久勞積斯災疾山  
川則竝走羣望賓客則諸侯在門是以請謁承明言  
歸湯沐方詢夏郊之祀或辯桑林之崇更除秦州刺  
史仍襲父爵豳國公分流之嶺未登晚塞之城空望  
太夫人以公羸瘠悲泣相守胸氣交衝奄捐館舍公  
頓伏苦寢水漿不入雖王人勸奪瘡詎愈增母死於  
子子死於親慈孝之道一朝總集大漸之辰春秋二  
十有九四關罷市三軍行哭言尋聽訟猶見寒棠還

我欲市其  
言而食其  
色

顧空營惟餘衰柳謚贈某官禮也六年六月歸葬於  
秦州之某原玄甲啓路追旌驃騎之功龍旂贈行深  
悼東平之遠公亮直惟忠溫恭惟孝居之仁義飾以  
禮樂風神機警聰獻精明有仞於宮牆無形於喜愠  
金版玉策之記枕籍忘疲蘭葉芝花之圖膏映必舉  
碣石秋雲昭陽落月思風含臆言泉流吻翩翩書記  
則阮瑀陳琳荏荏風流則王濛謝眺語其百發弓絕  
於猿吟論其百中劔深於鴈陣枚乘之望梁死不憚  
棄官樂毅之求燕路無辭千里至如應變將略雷電

立成帷帳謀猷孫吳闡合有品藻人理之志有清平  
天下之心鵬路忽催龍津遂壅嗚呼哀哉大宰早茂  
三荆長辭萬始撫養遺孤連枝同氣馬援之誠兄子  
義存謹飭王况之事世叔情深愛敬同德比義此之  
謂乎乃爲銘曰

御乾從紀乘離作聖白環讓德玄珪受命平一地紐  
增輝天鏡傍廕數國前臨七政地屬先登時逢下武  
玉璜撥亂金滕光輔衛晉承家邢茅祚土波分建木  
派流玄扈景命寅序徽猷淵塞忠有令圖孝爲全德

約法

山節蒞政桓珪守國瀚海將臨燕山行勒平樂高宴  
金華說經論儒璧水親禮明庭相風待賦承露頒銘  
乘舟向日策馬隨星德舉克明能賢允淑上將授賑  
元戎推轂趙失東漁胡亡南牧箭下遼城泥封函谷  
袞衣頻露丹旌亟卷約法情推繁辭理遣盜烏懸察  
疑蛇立辯人共官園家同野藹籥雲推轉風落仞  
星裂中台山傾左鎮夏楹舍爵殷階啓殯繆慕躡行  
明旂庭引秦川直望隴水分飛山河滿目容衛靈歸  
陵圖石馬車盡袞衣小山搖落長林變衰凄愴原隰

彩色煜煜  
注射不定

燧火新焰  
旋燒青玉  
五枝

危飢險勢

泣盡李陵  
衣上之血

贊經綸。參謀揖讓。名高廣武。功重長平。夫人七德。含  
章四星。連曜敬愛。天情言容。禮典九日。登高作銘。秋  
菊三元。告始或頌。春椒年十。有四娉于譙國。友其琴  
瑟。愈恭節儉之心。伐其條枚。實秉憂勤之德。鄴地登  
高之錦。自濯江波。平陽採桑之津。躬勞蠶月。天和元  
年。冊拜譙國夫人。東武亭之妻。既稱有秩。南城侯之  
婦。還聞受封。柱國殿下。以名華分照。增城峻土。楊旌  
棘道。問政邛都。白狼之溪。途艱黃牛之板。荔枝之山。  
地險葡萄之國。夫人別離親戚。關河重阻。夷歌一曲。

未足消憂。猿鳴三聲。沾衣無已。是以天厲之疾。遂成  
沉痾。玉瀝難開。金膏實遠。建德元年七月九日。薨于  
成都私第。春秋二十有一。卽以其年十一月二十二  
日。歸葬長安之北原。詔贈譙國夫人。禮也。殿下傷神  
秋月。掩淚長松。周季直之畱書。更深冥漠。潘安仁之  
詞藻。徒增哀怨。豈言西河女子。獨見銀臺。東海婦人。  
先逢金闕。銘曰。

芟陵反旆。椒山止戈。金精據嶺。昌閣凌波。西遊卿相。  
東裂山河。華亭冠冕。穀水絃歌。震維徙族。燕垂從官。



塞入飛狐。關連鳴雁。策預登阜。功參臨澗。寶鼎留銘。  
彫戈餘贊。應圖淑令。秉禮言歸。魚軒馮軾。澤雉文衣。  
明月照鏡。仙石支機。行雲細起。迴雪輕飛。北降帝子。  
南麾蜀守。若水旣開。靈山已鏤。月峽猿啼。江神牛鬪。  
星機北轉。日轡西迴。陽泉伏氣。陰律沉灰。鶴辭吳市。  
鳳去秦臺。神光離合。燈影徘徊。雙流反壑。百兩迴旌。  
少女離位。夫人去城。帷堂野設。帳殿郊營。山川奇事。  
風月無情。搖落丘隴。荒涼封域。樹樹秋聲。山山寒色。  
草短逾平。松長轉直。節墳方固。園陵永植。

周趙國公夫人紇豆陵氏墓誌銘

夫人諱含生。本姓竇。扶風平陵人。魏其朝議。列侯。則  
莫能抗禮。安豐奉圖。功臣則咸推上席。外戚列傳。旣  
聞建武之書。仲山古鼎。或表單于之獻。祖略少保。建  
昌郡公。父織。柱國大將軍。大宗伯。鄧國公。孟津大誓。  
常預同德之臣。咸陽違約。克贊先登之主。竝得位入  
六府。功參八柄。夫人有文在手。有象應圖。榮曜風彰。  
徽華早茂。肅恭以禮。受教于公宮。言容以德。有聞于  
師氏。及乎進賢君子。內主邯鄲。琴瑟在堂。輜駟是服。

鋪張弘麗

長久於節。不無秋菊之銘。履端於始。或有椒花之頌。豈止莊姬掩口。楚相知慙。定姜問兆。齊兵不入。武城二年。冊拜趙國公夫人。漢王聞立義之婦。邑以延鄉。齊侯見有禮之妻。封之石窳。異代同榮。差無慙德。柱國殿下。居若木之一枝。在天潢之別派。揚旌玉壘。驅傳銅陵。南通向日之民。東被無龍之國。夫人從政。月峽贊德。雲門錦濯。江波還臨。織室山明。石鏡卽對。粧樓旣而玉律頻移。金爐不變。胡香四兩。嗟西域之使。稀靈草一枝。恨瓊田之路絕。天和五年。四月二十二

清韻欲絕

日薨於成都之錦城。春秋二十。孫子荆之傷逝。怨起秋風。潘安仁之悼亡。悲深長簟。况復仙臺永別。無復蕭聲。傳母長歸。唯留琴曲。七年二月日。歸葬於長安之洪瀆原。詔贈趙國夫人。禮也。雲南去來。旣留連於楚后。光陰離合。實惆悵於陳王。銘曰。

河西斗絕。觀津孤起。章武賢臣。安豐賢仕。木樓千仞。金山萬里。紹慶邢姨。基昌宋子。施衿趙北。侍母秦南。絃經禮數。厭狄駢駢。義超江汜。仁流葛覃。玉筐迎鸞。金籠助蠶。敬愛純深。端莊淑問。有光國史。無形喜慍。

貴女嬌嬈  
之態兩言  
狀盡

舉案外恭停機下訓馨馥於蘭年華於舜風雨消散  
神靈離絕婺女還星姮娥歸月左楹夕奠高堂朝發  
空揚凌波更無迴雪下平日隰高平日原西臨水井  
北望塞門猶垂雉服尚駕魚軒平原忽矣天道何言  
山迴地市路沒滕城松悲鶴去草亂螢生新雲別起  
舊月孤明賢墳永式節隴常貞

周安昌公夫人鄭氏墓誌銘

夫人諱某滎陽武人也周宣王之母弟俾侯于鄭  
鄭莊公之重世卿士於周以國爲族自茲而始祖瓊

細氎胡衫  
轉身甚捷

太常恭侯父穆司空貞公西京賦詩奉常參栢梁之  
宴東都言讖司空爲武衛之官籍連帝譜旣同盤石  
門稱通德無廢儒林夫人禮義閨門端莊令淑采采  
芣苢萋萋葛覃及乎作配君子言事舅姑下氣怡聲  
承中奉帚親戚惟禮閨闈以睦保定二年冊拜滎陽  
郡君序戚升榮從夫有秩豈惟立義之婦邑以延鄉  
有禮之妻封之石窀大將軍沉犀二江夫人聞猿三  
峽明月靈關之阻秋風蜀道之難掩以瑤華先從春  
露天和十八年五月二十日薨于成都春秋三十六

年詔贈安昌國夫人禮也。卽以其年十一月十六日歸葬於咸陽之白起原。遂使山廻反壤。先封節婦之陵。日入虞淵。實掩賢姬之墓。嗚呼哀哉。乃爲銘曰。天河開國。分畿置政。地有十城。人居九命。疇昔之邑。今茲成姓。識履傳風。叅輿留慶。三星在戶。百兩言歸。虔恭內政。榮曜中闈。承姑奉盥。訓子停機。桑園蠶績。綿室鸞飛。珩璜節步。藻火文衣。巴水幽咽。猿鳴斷絕。月落珠傷。春枯桂折。趙琴長辭。秦簫永別。貞姬掩隧。節女封墳。洛濱無月。荆臺失雲。烏悲傷聽。松聲愴聞。千年遂古。百代餘芬。

周大將軍隴東郡公侯莫陳君夫人竇氏墓

誌銘

夫人諱某。扶風平陵人也。章武開國。名高外戚之右。安豐入朝。位在功臣之上。祖以孝昌之始。主諾淮陽。父以正光之初。褰帷海岱。夫人生於禮義之門。宗於箴誠之德。虔恭惟禮。令淑惟儀。及乎百兩言歸。三星在戶。箴盥始事。條枚是則。有子從政。猶無逸豫之心。有夫出征。自識山陵之兆。大統十六年。冊授永安郡

小小結聚  
日不升

君婦以夫尊。親由子貴。朝章家慶。兼而有之。保定二年。改授隴國夫人。車服禮數。袿褙典則。有美河魴。足光彤史。既而風霜所及。灰琯遂侵。與善何言。至於大漸。天和六年。四月七日薨。春秋六十有六。卽以其年十月十日。遷葬於咸陽萬年縣之杜原。山形起伏。旣符白鶴之祥。地勢風烟。乃合青烏之氣。銘曰。

觀津世族。平陵豪姓。四侯登仕。三君從政。白狼建功。丹蛇襲慶。漢之廣矣。先聞淑令。君子朝端。賢才家政。簪珥以禮。軒車以命。讓果成廉。推珠止競。百年超忽。

千金莫恃。室謝賢夫。庭辭貴子。歸鞍輟露。采繁廢祀。室委眠蠶。衣畱畫雉。雲垂下澤。日掩高春。空帷舊館。虛幕新封。山迴廣柳。路沒深松。游魂幾變。大人何從。

周冠軍公夫人烏石蘭氏墓誌銘

夫人諱某。樂陵人也。晉司徒樂陵公苞。後子孫就封。因卽家焉。扶風舊城。猶存鐵市。河南故墅。尚餘金谷。或寓燕陲。仍仕代郡。祖行。代郡尹。父魏司空蘭陵郡公。司空佐命。魏朝少傅。丞疑周室。竝爲大族。俱蒙賜姓。秦晉匹也。是日通家。夫人年十七。歸于宇文氏。淑

明麗如酒  
江映曉

令端莊含章貞吉箴盥惟儀閨闈已正某年除金郡  
君某年改授冠軍國夫人四德小君宜其家室三事  
內主翻辭贊務以保定五年四月邁疾薨時年四十  
有四卽以其年某月日歸葬于京兆之某原人世風  
煙山川超忽陵波青麥儻逢貞女之墳隴首白楊或  
表賢姬之墓乃爲銘曰

三星麗天五岳鎮地禮有其秩人居其位燕趙多奇  
山川雄氣挺茲令淑惟此含章玉生庭照蘭開室香  
邢姨褰服宋子河魴百兩言歸九儀從聘綸翟七彩

軒車六命鼎室辭親槐庭贊政世爲閩水人成大慶  
迴帳山門移燈泉洞金棗長含銀蠶永送香填栢榔  
路閉松城悲鸞獨影雄劍孤鳴畱連趙琴悽愴秦笙

周太傅鄭國公夫人鄭氏墓誌銘

夫人諱某滎陽開封縣遠里人也七子賦詩足光賔  
客三卿從政實靜諸侯驂乘則晉后停輿來朝則漢  
君識履華胄蟬聯無虛史籍祖那秦州別駕父茂伯  
撫軍將軍涼州刺史伯陽縣侯夫人令淑早聞芝蘭  
獨茂旣容旣德言告言歸悌實溫清恭惟箴盥太傅

彌諧周室。股肱攸寄。夫人輔佐君子。勤勞是司。琴瑟  
既友。條枚無伐。故得用之邦國。成之孝敬。某年月日  
封鄭國夫人。禴翟既加。紘紼是務。夫人有安世之貴。  
躬服浣濯。子有文伯之尊。無忘機杼。表衷惟安。閨闈  
且正。醫門有疾。藥對無徵。天和三年三月二十日薨。  
葬於長安之石安原。世子某。兄弟並勗慈訓。咸尊母  
儀。霜露深悲。寒泉增慟。銘曰。

居德圃田。當官教府。置騎賓來。開黌學聚。福履家室。  
賢才踵武。棠棣之華。螽斯之羽。人倫七德。風化二南。  
采采芣苢。萋萋葛覃。節行聲玉。副加珈簪。柳園秉杼。  
桑津浴蠶。春秋超忽。零落無時。家亡淑女。國喪賢姬。  
香墳永送。舞鶴長辭。山深月闇。風急松悲。千年開閉。  
將驗靈龜。

後魏驃騎將軍荊州刺史賀拔夫人元氏墓

誌銘

在河之洲。聞君子之配德。言采其蕨。見夫人之有禮。  
用之風化。人倫厚焉。夫人諱安。字大羅。河南洛陽人  
也。祖某。京兆康王。父昭。驃騎大將軍。開府儀同三司。

錄尚書司州牧汝陽郡王跗萼雄圖。堦基霸迹。公卿之室。將相維國。維家夫人能脩法度。無思犯禮。恭儉節用。憂在進賢。大統五年。封樂安公主。歸于賀拔氏時。年十三。思事憂勤。化成婦德。彤管載暉。棠棣早茂。及乎謳歌有歸。禴翟降等。輔佐君子。猶安其室。周天和元年。乃封章武郡君。霜露不居。風煙飄忽。遘疾累旬。奄捐館舍。以周天和四年二月二十六日。薨于長安萬年里。春秋五十有二。詔贈頓正國夫人禮也。卽以其年三月二十日。歸葬于咸陽之石安原。旣異乘鸞。翻然永去。雖非舞鶴。卽掩泉門。欲誌佳城。乃爲銘曰。

小度出其  
第二筆德  
似范蔚宗  
史贊

逝矣雄謀。悠哉霸轍。九服潛運。三川中竭。卿相連鑣。賢才舞絕。琬琰令淑。施衿結褵。方之棠棣。譬以螽斯。旣全婦德。還稱母儀。遊水滔滔。危途冉冉。問藥無對。蒸丹不驗。狄服空陳。絃機虛掩。郭門路轉。哀挽途窮。隴深結霧。松高聚風。春蘭秋菊。唯始唯終。

周大都督陽林伯長孫瑕夫人羅氏墓誌銘

夫人諱某。恒州代郡太平縣人。祖某。父協。周大將軍。



南陽郡公夫人資於事親躬奉訓誡教于宗室足聞詩禮及乎言歸肅恭如事蘋藻維敬紘縵是勤內位克諧中閨以睦年齡不競霜露先侵更延無壽之杯遂闕長生之枕以周天和四年二月八日薨于長安之洪固鄉時年二十有三其年某月日葬於萬年縣之壽里山非宋國翻爲節女之陵地異荆臺遂有賢妃之墓銘曰

畢狼建國靈武開都地接天柱山臨寶符人資義烈世表雄圖葛覃維萋棠棣早盛旣安淑德爰從配命四教弘宣三星克正霜凋桂苑風落芝田三從闕性五福傷年歸安永絕言告長捐悽切郊野紆迴隰原風慘雲愁松悲露泣朗月空嗟傷神何及

周儀同松滋公拓跋競夫人尉遲氏墓誌銘  
夫人諱某河南洛陽人也祖父太師柱國公魏室喪亂經綸夷阻周朝建國匡翊揖讓圖謀帝系卽有內外之親分裂山河仍爲舅甥之國夫人容範端莊儀形淑令六義觀德南風有夫人之詩八卦成形東方有少女之位外傳習言公宮教業箴盟線纈佩悅蒞

語短神全  
此公獨勝

蘭年十有二。出適儀同。拓跋競。衣其翟服。旣得宗婦之儀。乘其魚軒。還從列國之禮。標梅三實。無闕其時。天桃九華。能脩其政。某年某月。冊拜迴落縣君。母金明公主。魏文帝長女。春則帝女。採桑秋則王姬。築館夫人。出入主家。遨遊戚里。濯龍園苑。長門宮殿。旣而膏腴美疢。華茂傷年。沉痾牀帳。蒸離寒暑。三世之術。無迨於醫門。百草之本。途窮於藥性。建德三年五月七日。亡。春秋三十。昔西河女子。值九節之菖蒲。東海婦人。得三山之芝草。無由再遇。悲矣如何。卽以其年

十一月十五日。葬於京兆之北陵原。龜筮告辰。丘陵啓奠。西臨織女之廟。南望湘妃之墳。嗚呼哀哉。乃爲銘曰。

父曰帝師。母曰王姬。車服不繫。江漢無思。是生令淑。觀禮敦詩。聲超宋子。德茂邢姨。繼世盛德。思賢克舉。奠鴈迎門。儒蘋實俎。奉盥如事。移茵卽序。春水浴蠶。秋機乘杼。帝鄉近親。帝城近臣。濯龍親戚。平陽主人。金波迴月。玉樹臨春。美玉鳳皇。昌容紫草。自此千年。無人得道。舜華榮曜。飄零何早。渭水北原。平陵故園。

半神色澤  
陽林玉敷

纔通谷口。卽望寒門。吁嗟此地。去矣歸魂。孟冬十月。長松九年。親賓掩淚。悽愴何言。

周驃騎大將軍開府儀同三司冠軍伯柴烈

李夫人墓誌銘

夫人諱某隴西狄道人也。周有柱史。夫子以之猶龍。漢有將軍。宛城以之輸馬。復有西人。上書仍爲秦國。之相東向。開計卽是韓王之師。父宜使持節大將軍。南北二華州刺史。順陽郡公。魏武皇帝之長舅也。穰。疾魏冉居咸陽之宮。曲陽王根。借明光之殿。語其貴。

級錄銀

戚差足擬倫。論其退謙。彼多慚德。夫人幼而聰敏。早聞令淑。彤管有美。賢才見稱。美其紙筆。懼失諸兄之意。剪其齧齡。畏傷王母之心。年十有一。出適驃騎大將軍開府儀同柴烈。烈以上將。頒朔中台。受任軍國。忠勤規模。繁總夫人。輔佐君子。言容匡贊。增輝三星。欽明四德。授巾沃盥。有謹於事。姑斷織。停機無忘於訓。子保定二年。冊授大夏縣君。旣以夫尊。又云子貴。乃遷順陽。改郡君。夫人之邑。或用鄉名。小君之號。多從夫。秩典冊。光臨足稱榮寵。本有風氣之疾。頻年增

織穠具備

動畧多枕臥。飛龜之散。遣疾無徵。畫龍之符。畱年不驗。以今建德四年三月日。薨于館舍。春秋四十九。卽以其年八月日。葬於長安之洪瀆原。神光離合。尚在河湄。雲氣徘徊。猶歸樓下。嗚呼哀哉。乃爲銘曰。

上書秦相。立功漢將。隴水分流。秦川遙望。秋陸俗勇。金行地壯。廣武軍中。安平河上。妻者齊也。謂嫁曰歸。三星夜照。百兩朝飛。禴翟有典。容禮無違。台庭等秩。侯服同衣。子奉母儀。夫聞家政。七族承和。九閨連慶。紛悅恭肅。溫清孝敬。杼乘秋成。蠶隨春令。年華未落。

電影先過。徒食日氣。空飲天河。星凋玉井。月捐金波。虞淵落日。薤露哀歌。寂寞虛奠。荒涼象設。幽隴龜封。重泉蟻結。秋色悽愴。松聲斷絕。百年何幾。歸於此別。

彭城公夫人爾朱氏墓誌銘

夫人爾朱氏。河南洛陽人也。若夫陰山表裏。衝北斗之機衡。瀚海彌綸。直四街之畢昴。四時銜火燭。龍開照地之光。六月搏風。大鵬連垂天之翼。由是奄有京縣。遂荒中土。車書禮樂。三王之損益。可知。將相公侯。百代之山河。不殞。祖敞。隋儀同三司。金紫光祿大夫。

想蓬壺而  
并滄海

麗景浮動

岐同金甲信臨徐七州總管兵部尚書金城郡開國  
公天列尚書之星地標光祿之塞出身萬里知呂岱  
之元勳專命一方識劉弘之重寄父休寂隋左千牛  
備身朝散大夫齊王府司馬襲封爵金城公大夫稱  
代諸侯胙土淮仙致雨仍攀桂樹之山楚客臨風更  
入芙蓉之水夫人玉臺貞氣金河仙液蔡中郎之女  
子早聽色絲謝太傅之閨門先揚麗則彭城公發源  
殷伯承家漢相山川氣候彰白武於臯繇象緯休徵  
下蒼龍於曼倩三星照夜佇稽鳴鴈之期七日秉秋

如崔成甫  
衣錦半臂  
紅抹額立  
第一於風  
流無比

較胡香四  
兩之聯又  
隔天壤

坐薦飛皇之兆夫人年甫十八遂歸於我巫山南眺  
逢暮雨於瑤姬華嶽西臨降明星於玉女動合詩禮  
言成軌則晨昏展敬事極於移天蘋藻挈誠義申於  
中饋女郎砧石響明月而思秋風織婦機牀聽寒蛩  
而催絡繹用曹大家之遺訓執宋伯姬之貞節如以  
心依八覺理會三空遊智刃於檀林泛仙舟於法海  
幾神獨照默言象而無施空有兼忘束筮蹄而不用  
人生天地壽非金石銀臺竊藥想奔月而何年金殿  
煎香思反魂而無日以某年月日終于平康里之私

第越上元三年十月二十日合葬于平南之畢原禮也齊侯寢側杜氏階前對文王之畢原用周公之合葬偃松千古長無寡鶴之悲文梓百尋還見雙鴛之集其銘曰

合葬非古周公所存死生千載棺槨雙魂野曠風急天寒日昏煙霾杳嶂霧失遙村紀黃絹之碑表對青松之墓門

伯母東平郡夫人李氏墓誌銘

夫人姓李氏隴西狄道人也自涼武昭王以後一門

庚公筆法  
定不爾爾

三公爲四海著族國史家諜詳之矣祖克頴後周大將軍消州刺史流江郡公考玄明皇朝上儀同濟

三州刺史成紀縣男出入三朝剖符分竹秦隴河濟之地人到于今稱之天下士大夫知與不知莫不想望其風采夫人生而純深幼而恭敬長而敦睦成而和惠年及初笄甫歸於我執箕箒奉舅姑人不間於其娣姒妾媵之言閨門之內穆如也故宗黨推其令問鄉閭以爲美談東平公守清白之基逢太平之日辟命交至聲聞于天制徵尚書郎遷御史中丞出爲

論仙人多  
效此調

四段板重  
居然宋室  
頭巾

棟曹恒常四州刺史，夫人輔佐君子，聿修內政，平旦  
纒笄，則有君臣之嚴，沃盥饋食，則有父子之敬，報反  
而行，則有兄弟之道，受期必誠，則有朋友之信，其婦  
德也如此，歷職中外，聲名籍甚，和其琴瑟，正其邦家  
者，夫人與有力焉。蓋常喟然而言曰：古者卿之內子，  
爲大帶命婦，成祭服，社而獻功，可不勗哉！可不勗哉！  
由是服澣濯之衣，躬紡績之事，筐筥錡釜之器，所以  
執其勞，蘋蘩蒹藻之菜，所以明其德，非夫博文達禮，  
貞婉聽從者，孰能與於此乎！及公乞骸告老，退歸初

服，夫人年踰耳順，視聽不衰，每獻歲發，春日南長，至  
群從子弟稱觴上壽者，動至數十百，未嘗不歡言善  
誘，借以溫顏侃侃焉，閭閻焉，有孟母之風焉，有敬姜  
之誨焉。維永淳元年秋八月，旁歿，寢疾彌留，終於  
華陰之望仙里，享年八十有一。冬十一月一日景辰，  
遷窆于永豐鄉之平原，從先兆也。東平公撫存懷舊，  
用痛悼于厥心，遠近咸集，宗親畢會，生榮死哀，其此  
之謂矣。是日也，皇太子監守長安，炯泰爲詹事司直，  
不獲就展喪次，陪奉靈輜，敢薦李顥之文，庶同潘岳

之誅，嗚呼哀哉，乃爲銘曰：

高岳之上，浮雲翔兮，函谷之外，真氣揚兮，建功北狄，討戎羌兮，受封南鄭，家素昌兮，于赫祖考，爲龍光兮，牧州典郡，佩銀黃兮，降生淑質，秉禎祥兮，茗華菊茂，蘭箬芳兮，我有懿德，如珪璋兮，求之卜筮，鳴鳳皇兮，君子至止，玉環鏘兮，室家好合，琴瑟張兮，執其麻枲，供衣裳兮，羞其饋食，澄酒漿兮，諸姑伯姊，穆溫良兮，媿姒叔妹，歡未央兮，公之出門，牧守四方兮，夫人之化，德洋洋兮，公之告老，返維桑兮，閨門之內，道彌彰兮。

變格爲騷  
失其故步

兮，正月上日，南至長兮，子孫歡慶，各稱觴兮，宋公孟母，魯季姜兮，匪怒伊教，由舊章兮，方期高舉，登紫房兮，誰謂不宜，掩玄堂兮，肅肅松楸，鬱成行兮，沉沉厚夕，終不賜兮。





廣雅書目集卷之六